

at 10. Kilgob
to 10. Kilgob
IV

Omnia ad Majorem
Seri Ter Optimi Maximi
gloriam.

~~P. V. M.~~

585558

I

Die 13 Aprilis.

In festo S. Hermenegildæ Mart. Semidupl.
Chantulum. Beatus Vir qui suffert:
alias: Stabat in Iusti: In utroq. Vesperi
et laudibus: Hymnus:

Regali solio sortis Iberia
Hermenegildæ iubar gloria martyrum
Cruxi quos amor alimur
Codi' lochbus inferit
Ut per totas patiens sollicitum Des
Servans obsequium: quo pectus tibi
Nil progonis et arces
Cautus noxia qua' placent
Ut motus cohibet pabula qui parant
Surgens vix non dubios agens
Per vestigia orsus
Quo veri via d'rigit
Ist' rerum S'no Iugis honor Patui.
Et natiui celebrent ora precantium
Divinumq. Supremis
Flamen laudibus efferant. Amen.
Oratio

Deus qui B. Hermenegildum martyrem
tuam coelesti Regno terrenum post ponere
docuisti: Da quaesumus nobis quos exemplis
eius despiciere atq. aeterna sectari. Per
Christum.

familiariter iuncto predicante conversus est.
 Quem Pater Arianus ut ad eandem sententiam
 rediret et promissis seducere et minis terrere
 conatus est. Cumq; ille constantissime res-
 ponderet nunquam Perveram fidem posse relin-
 quere quam semel agnovisset. Iratus Pater
 eum privavit Regno rebusq; expoliavit orbis.
 Cumq; nec sic virtutem mentis illius emollire
 valuisset in ardua illum custodia concludens
 collum manūq; illius ferro ligavit caput itaq;
 Hermenigildus Rex Avenis terrentis Regnum
 despiciere et forti desiderio coeleste quaerens
 in laticis Vinculatus jacens omnipotenti Deo ad
 confortandum se preces effundere tantūq; subli-
 mis gloriam transiuntis mundi despiciere gressu
 et religatus agnoverat nihil fuisse qd; potuerit
 auferri. Et Bonestiba:

Nuper veniente annū paschalis festivitatis
 die intempesta noctis silentio ad eum perfidus
 Pater Arianus Quum misit ut ex eius manu sa-
 crilega consecrationis communionem perciperet atq;
 eaderet ad Patris gratiam redeire meretur,

sed Viri Sancti Sanctus Aniano pro venientem caput
bravit ut debuit episcopus a se perfidia dignus in
crepationibus regit. Quia et Calpurnius habebat
Legatus quicquid lamen in magno mentis culmine
stabat securus. Hic itaque reuerso pro Anianus
Pater inferni stans suos apparitores misit
qui constantissimum Confessorem Dei illi ubi
habebat occiderent quod effectum est. Nam mox
ut ingressi sunt. Secundum cerebro eius infirmos
vitam corporis abstrulerunt. Sed in eo valuerunt
perimere quod inferum quoque qui peremptus est
in se considerat despectus. Sed pro ostendenda
vera eius gloria superna quocumque non defuisse
miracula. Nam caput in nocturno silentio glori-
modia cantus ad corpus eiusdem legis et mar-
tyris audiri aliquid veraciter legi quia et mar-
tyris. Desiderium.

Quidnam etiam ferunt quod illuc nocturno
tempore accensa lampas apparebant. Unde et
factum est quatenus corpus illius ut videlicet
martyris hunc a cunctis fidelibus venerari de-
buit. Pater vero perfidus et parricida
armatus poenitentia de se ipso se doluit nec
lamen usque ad obtinendam salutem poenitentia
Nam quia vera est catholica fides agnovit.

sed gentis suae timore perhorribus ad hanc per-
venire non meruit. Alii oborla agraitudine et
ad extrema perdidit est et Leandro Epō quem
prius vehementer afflixerat. Reccaredum
regem filium suum quem in sua dāresi delinque-
bat emendare curavit ut in ipso quoq salu-
faceret qualia et in fratre suo exhortationibus
seipset sua emendare capere desumebat est
Post cuius mortem Reccaredus rex non Patrem
perfidum sed fratrem martyrem sequens ab
Ariana dāresios pravitate amicus est totamq
Vigilantem gentem ita ad veram perduxit pōem
ut nullum in suo Regno militare permittit qui
Regni Dei dōis credere per dāresiam pravitalē
non timeat Nec mirum qd verā fidei pādicator
factus est qui frater est marthae cuius dūne
quoq menta adiuvant ut ab opulento Dei
Gremium tam multos reducat. R. Gloriam.

In 3^o Noct: Si quis venit ad me si celebrat
in Lūc: Nona Lectio Dom: fer: cur:

A. M. D. G.

Die 9.^a Marty

Oratio

Deus qui Bealam Franciscam famulam
tuam inter cetera gratia sua dona familiari
Angeli consuetudine decorasti: eandem quafum
ut intercessionis eius auxilio Angelorum
consortium consequi mereamur. Per Dnam
In Vbo Nocturno.

Francisca nobilis matrona Romana ab pueri-
tate illustra edidit Virginitatem exempla. Et enim
pueriles ludos, et illecebras mundi respuens
solitudine et oratione magnopere delectabatur
Vnde cum annos nata Virginitatem suam Deo
consecrare in monasterium ingredi proposuit.
Parentum tñ voluntati humiliter obtemperans
Laurentio de Bonhianis Iuveni apud dñm ac no-
bili nupsit. In Matris archiois Vita propofitum
quantiū licuit, semper retinuit: a sordidulis
Convivijs alijsq. supermodi oblectamentis ab-
stinent. Lanct ac vulgari ueste utens. A quib.
quid a domesticis suis supererat tempore ora-
tioni aut proximorum utilitati tribuens in id vero
maxime solitudine incumbens ut matronas
Romanas a pompis saeculi et ornatus vanitate
revocaret. Quapropter domum oblatorem sub
Regula sñi Benedicti Congregationis Monialis Arch-
adrua viro alligata in Urbe instituit Vincent.

condemna daturam ac universa domus mororum
non modo constantissime toleravit, sed grāas agens
cum beato deo illud frequenter uxorabat.
Dñs dedit Dñs abscedit sit nomen Dñi benedic-
tum. Hic propter Veritatem Amantissimam

lectio Quinta.

Viro defuncto ad manducam oblatarum domum
anulatus nudus pedibus fusa ad collum alligato
sumi prostrata multis cum lacrymis carum
numero adfuit suppliciter postulabat: Vobis
compassionem licet esset orison Mater non alio in
am ancilla vilissimam foemina et imundicia
vasculi hinclo gloriabatur tuam vitem sui ex
iminationem et verbo declaravit et exemplum. Sa-
pe enim e suburbana vinea decens et lignorum
fascem proprio capiti impositam deferens vel
civem oneratum agens per urbem asellum pau-
peribus subveniebat in quos etiam largas elece-
mosinas erogabat de quodam in Xenodochijs Visi-
tans non corporali in cibo sed salutari moni-
tis recreabat corpus suum vigilijs jejunijs ali-
is ferreo angulo crebrisq; flagellis in se-
silem dedigere jugiter solagebat: Cribum
si semel in die verta et legumina aqua
et vinum parabat. Sed in corpore circulator

aligno Confessarij mandato à cuius ore m
penebat modice temperari. *St. Filicristo*
Letitia Beata

Divina mystena praesertim vero Chi Spi
Passionem lapide mentis ardore tantum labryma
tum vi am contemplabatur ut pro doloris magni
tudine penè confici videretur: Sape in adorare
maximè sumpto, cum sacramento Spiritu
in Deum elevata ac coelestium contemplatione
laxa immobilis permanebat et propolis humani
generis hostis paupers eam contumeliosè ac verbentibz
a proposito dimovere conabatur quem tñ illa
imperturbata semper elixit Angeli praesertim
gratitudo cuius familiaris consuetudine gloriosum
de triumphum reportavit gratia carationis
et propitius dono enituit quo et futura pra
dixit et tandem secreta penetravit et asensu
aqua vel per rivum decurrentes vel è coelo la
cunes ita clam prorsus dum Deo vacaret
reliquerunt. Maria panis fragmenta qua
vix tribz sororibz refectendis fuissent satis su
cias precibus suis multiplicavit Aquindecim
inde ex saturatis tñ supervenenit et canistrum
impleverit et aliquando eandem sororum
castra Urbem merse Januario signa narrantur
Solum decembris tua lacrimis et vite in R.

ore pendentes mirabiliter o clentisabrunde
explevent senegmentis elminuatil el ara
nigrant ad S. annu atahis pra. Crim,
pagesimo Sexto qm Paul, thunt, Pontifex
maxim in florum numentum rehibet. S.
Fellax quaa. In 3o Noct. Simile e Regni
colorum: ut in S. nee Virg. ne. Mos g. Cat. d. 2. 10.

Officium:

S. Stephani Hungariae Regis

Conf. Semidupl.

Pra. de cor. Conf. n. Pont. prater ea quae in
conventu: in hymno Vesp. et Mat. Sae. de. S. S.

Oratio:

Concede quaesumus Ecclesiae tuae omni,
petens p. u. s. u. B. Stephanum Con,
fessorem tuum quem regnantem in terra
propagatorem fabul. Propugnatores
habere mereatur gloriosum in coelis. Per.
lectiones hui Noct. de Senghura occur.

In 2o Nocturno.

Leetio 5^a

Orandi studio noctes penè totas ducebat
 infomnes atq; in Coelestium rerum contemplatione
 defixis interdum coelestia sepe Raphael,
 sublimis in aëra ferri visus fuit: Peroultum
 conspirationes ac validorum hostium impetum
 miro proinus modo non semel orationis praesidio
 circauit: susceptum ex Gisella Ba-
 ronica: Henrici Imperatoris sorore quam
 sibi matrimonio iunxit Americum filium
 tantam morum disciplinam tamq; pietate eru-
 git: quantum ejus postea sanctitas declara-
 uit: Regni vero negotia ita disposuit ut
 acerbis undiq; prudentissimis ac sanctissimis
 viris nihil ingratum sine illorum consilio
 moliretur. Humillimis interim precibus in-
 cinere et ciliis Deum deprecans ut omni-
 versum Hungariae Regnum antequam e-
 illa migraret Catholicum iudice mereretur
 sic propter ingens dilata fidei studium
 illius gentis consilio nunciatus facta à
 Romano Pontifici ipsi postensq; Regibus prae-
 sentia: Cuius potestate: R. Amari:

Reclio 6ta.

Mi Genetricem quam ardentissime venera-
tur amplissimo in eius honorem constructo
templo Hungaria Palatium in huius ab eadem
vicissim Virgine receptis in Coelis ipso sua
Assumptionis die quem Hungari e. s. Regis
in titulo Magna Dna. Diem appellant. Harum
eius corpus suavissimo fragrantis odore liquore
coelesti scalens inlece multa, varia mira-
cula Romani Pontificis Iussu nobiliorem in
Locum translatum est atq. honorificentius con-
ditum. Eius autem festum in octavis XI Pont.
Maximi quarto Idus Septembris ob usum nem
Victoriam ab exercitu Leopoldi huius Roman-
rum electi Imperatoris et Hungaria Regis
eandem die in Buda caputione opus di-
vinum et Turris reportandam celebrandum in-
stituit. Et isle hoc profecit.

In 3to Noel. Domel. s. Ambrosii Episcopi
hoc quidam nobilis abbas in regionem conuenit.
Anno festo Ludovici 25 Regis.

Die 16 Iulij

In Festo Commemorationis Solennis B. V.
Mariae de Monte Carmelo.

Ad Vesperas.

Antiphona: Cap: *Oratio de Eardibus Psalmi*
in paruo officio BV: Hymnus: Ave marij etc:

W. Ora pro nobis Sancta Dei Genitrix,
R. V. Digni efficiamur promissionibus Christi:

Ad Magnificat. Antiphona:
Ave Regina Coelorum Ave Dñe Angelorum
Salve Radix sancta ex qua mundo lux est
orta. Gaude Virgo gloriosa super omnes spe,
ciosa. Vale o valde decora. Et pro nobis
Orum coram. Ad Mahukhum

Initatorum. In Songrem. Blissima Virgini
Mariae. Jubilemus Dño: B. Venite. Sym: Ave:

In Primo Nocturno

Antiphona: Benedicite hu in mulieribus
et benedicite fructus ventris hui: Psalmus
de Dñi noster: cum reliquis ut in off. paruo:

Antiphona: Beata Mater et intacta Virgo
gloriosa. Regina mundi intercede pro nobis
et Dñum: Signare me tunc te Virgo Sa,
da mihi Virginitatem contra hostes meos.

X. Sancta Dei Genitrix Virgo semper Maria.

R. Intercede pro nobis ad Deum Deum nostrum:

lectiones huiusmodi: cum lino et ros deponi: ut in festo
Dei ad Nives et Augusti. R. 3. i. m.

R. Continet in Gremio Coelum terramq. Re-
gentem. Virgo Dei Genitrix: Proceres comitibus

beriles per quos orbis orans Christo sub Principe

collet. X. Virgo Dei Genitrix quem loquor non

capit orbis in huius se clausit ista sacra facies homo

Virgo Dei Genitrix de: Gloria: Virgo Dei de:

In Ro. Nocturno:

Antiphona: A psalmi ubi in officio parvo. R. V. Di. Noct.

X. Post partum Virgo inviolata permansisti

Dei Genitrix intercede pro nobis:

Lecho glae

Cum sacra Pentecostes die Apostoli coeli huius

afflati varijs linguis loquerentur et invocato

Augustissimo Iesu nomine mira multa

patrarent. Vix plurimi qui vestigijs sanctorum

prophetarum Elia et Elisei imitabantur et

Joannis Baptistae praconio ad Christi adventum

comparati fuerant rerum quodam perspicua

aliquando. Evangelicam fidem confestim

amplexati sunt ac peculiaris affectu quodam

Beatissimam Virginem[†] Epus colloq. ijs ac fa-
miliaritate feliciter fuit polverē: adeo venerare
coeperunt ut primi omnium in eo monij Carmeli
ubi Elias olim ascendente nebula Virginis
typo insignem conspexerat eidem purissima Virgi-
ni Sacellum construxerint: Sc. Sicut Cedrus Ced-
relig. De D. ad Nives: Cecilio Sta

Ad novum ergo Sacellum sapie quod hodie annis
venientes ihibus ijs precationibus ac laudibus
D.V. velut singularem Ordinis tutelam colebant
viamobrem fratres Beatae Mariae de Monte Car-
melo passim ab omnibus appellari coeperunt
eiusq. titulum summi Pontifices non modo confir-
mant sed et Indulgentias peculiares ijs qui co-
nulo vel Ordinem vel fratres singulos munu-
rent concessere: Nec vero nomen clarissimam
Magnificandissima Virgo tribuit et tutelam
et insigne sacri Scapularis qui D. Simoni
Anglico probat ut coelestis Sac. voss. Ordo ille
seer. agnosceretur et a malis inorruentibus
protegeretur ac demum cum olim Europa
Ordo spet. ignotus et obis quid honorum
fortium non parvi pro illius extinctione

instarent aspidibus Honorio nochy pulchra Virgo
Maria planisq; iussit ut instatim vel homines
benigne compleretur: Et Quia est ista de
Eecho Ota

Non in hoc Im saeculo Ordinem sibi tam acceptum
multis Pro rogatus B.V. insignitil Venim Amiales
(cum ubiq; et poa et misericordia plurimum
valeat. Sicut in Scapulari societatem Relatos,
qui abstinentiam moriam precesq; paucas eis
pro singulis frequentarunt. Sae pro sui status
ratione castitatem coluerunt materno plane
affectu dum igne purgatorij capianther Solari ac
in Coelestem patriam optentu suo quantoque pie
crediderit effare: Tolleratq; tantisq; beneficiis Ordo
cumulatq; solemnem B.V. Commemorationem Ritu
proprie ad ejusdem Virginis gloriam quosdam
celebrantem instatim. Et Ornametis nobilibus de
In Iho. Nocturno.

Antiphona: Haec est qua nesciunt Vorum in delictis
Tabellit fructum in Reprehensione aarum sanctorum:
ps: ut in off. B.V. parte.

Antiphona: Gaude Maria Virgo cunctas Bareres
sola inter omnes in universo mundo:

Antiphona: Cum iucunditate Comemorationem
B. Mariae celebremus, ut ipsa pro nobis inter,
cedat ad Dñm IESUM Christum:

N. Speciosa facta es et fruaris.

R. In delictis tuis sancta Dei Genetrix:

Lectionis s. Evangelij dum taceam:

In illo tempore: Cogente IESU ad herbas
callorens vocem quorundam mulier de herba dicit.
Illi: Beatus venter, qui te portavit, et ubera, qua
nuxisti. Et reliqua

Hym: Ven: Beda Presbyt. lib 4. cap. 29. luc 11.

Plagna: Scythorum et fidei Iac mulier osten
ditur qua senio et Moribus Dñm tendantibus
mul' et blasphemantibus tanta quos incarna
tionem pro omnibus sinceritate cognoscit tanta
fiducia conflechet, ut et praesentium Procerum
alumniam, et futurorum confusa Barbarorum
veritatem. Si enim caro Verbi Dei secundum
Irem nascentis à carne Virginis Matris pro
mercedem caltranea sine causa venter, qui cum
portasset, et ubera, qua lactassent beatifican,

Re De calam me dicant omnes Generationes Virg
fecit mihi Dñs magna qui potens est et sanctum
nomen eius. Vt misericordia eius à progenie
in progenie limenibus cum Virg fecit. de.

Lechio 7^a

Quia enim Consequenter quis tunc crederetur
nutrius cuius semine negatur. Quia conceptus
Cum ex unius ejusdemq. fontis Origine. Dum
Myrios ulery liquor emanare probatur:
nisi forte putantur e Virgo Seminaliam sua
carnis materiam nutriendo in carne dei filio
Suggerere potuisse. Incarnando autem quasi
maiori et in usitato miraculo minime potuisse:
Sed Divi spiritus obstat Apostolus dicens:
Quia nihil. Sicut filium suum factum ex muliere
factum sub lege.

Re Felicia namq. es sacra Virgo Maria et omni
laudis dignissima. Virgo calk ohy e solbushia
Omni Deus nos ter: Vt pro populo interven
pro Clero intercede pro devoto homines sexu
sentiant omnes huius divamem quicung. calk
Grati huius sanctam Comemoracionem.
Dei de Gloria. Virg de

Lechio Nona:

Nec enim audiendi sunt qui legendum per-
lant nam ex muliere, factum sub leges
factum ex muliere: quia conceptus ex utero
virginis carnem non de nihilo non aliunde,
sed materia trahit ex carne. Alioquin nec verè
filius hominis diceretur qui originem non ha-
beret ex homine: Et nos ipsi his contra Eubychen
dictis exollamus vocem cum Eulia Catholica
cujus hanc mulier typum gerit: Exollamus et
mentem de medio herbarum dicamus Salvatori
Beatus Venter qui te portavit et ubera qua
vivisti. Verè enim beata parens quas fecit
vivam ait: enixa est perperam Regem qui coetus
terrarum regis persecuta. Te Christum:

Ho caritas et per bonas.

Antiphona: Pulchra et decora filia de-
corum terribilis ut castrorum acies ordinata

Antiphona: Sicut Myrrha electa odorem
vivisti suavitatis Sancta Dei Genitrix:

Antiphona: In Odorem Unguentorum horum
curamus adolefcentula dilexerunt te nimis

Antiphona: Benedicite filia huius Domini quia per
fructum vite communicavimus.

Antiphona: Speciosa facta es et suavis in de.
licus huius Sabula dei Genitricis

Capitulum. Euc. 24.

Ego quasi tibi fructificavi iuventutem domini.
et flores mei fructus bonorum et honestatis.
ego mater puerorum dilectionis et amoris et
agnitionis et sanctae spei. A. Rogamus.

Hymnus. O gloriosa Virginitas

V. Elegit eam deus et parit elegit eam.

R. Et habitare eam facit in tabernaculo meo.

A. Benedixit Antiphona

Hec stella malitiae peccatorum medicina
mundi Princeps et Regina Virgo sola digna
duci contra tota inimici clorum ponde Sa-
cristis sua titulum Virginitatis. Tu enim Virgo desce
in qua deus fecit esse Aaron amigdalem
mundi tollens scandalum. Tu es Arca com-
pluta coelesti rore imbrata fides tamen velle
tuos in hoc carcere solare. Propitia seipena
Oratio o Sponsa dei electae! Tu es lumen via
celestis ad aeterna gaudia ubi pax est et gloria
huc nos semper aucte gratia dulcis exaudi Maria!

Oratio:

†

D^eus qui Beatissima Semper Virginis
et Genitricis huius Mariae singulari titulo
Carmeli Ordinem Decorasti: Concede propitius
ut cuius hodie Commemorationem solemni
celebramus officio, ejus munus praefidis, ad
gaudia sempiterna pervenire mereamur. *Ps.*
Qui vivis etc. *Ps.* *Primam*

Antiphona. Replebra es in Syon Nativitas
et de Maria Virgine:

Ps. *Terham*
Antiphona. Sicut Myrta. Cap: Ego grati:
R. *Brev:* Sancta. Sei Genitrix. Virgo semper
Maria. Sancta. Sei de: *V.* Intercede pro nobis
ad gloriam tuam nostrum Virgo semper Maria
Gloria de: Sancta. Sei Genitrix de:

V. Post partum Virgo inviolata permansisti
R. *Dei* Genitrix Intercede pro nobis.
Oratio. ut supra

Ps. *Secundam:*
Antiphona. In Odorem: Capitulum
Spiritus meus super me doli, et Benedictio
mea super me et favius memoria mea in
Generationes Saeculorum.

By Postpartum Virgo: Inviolata permansisti.
Postpartum de: V. Sei Genitrix, inlesedo pro
his Inviolata de Gloria de Postpartum.

V Speciosa facta es et suavis.

By In delicijs huius sancta Sei Genitrix.

Ad Nonam

Antiphona: Speciosa facta es: Capitelum

Qui audit me non confundetur et qui ope-
ratur in me non peccabunt qui et credant
me in tam alteram habebunt.

By Speciosa facta es: Et suavis. Speciosa de

In delicijs huius sancta Sei Genitrix. Et suavis.
Gloria de: Speciosa facta es: de

V Elegit eam serus et praelegit eam

By Et habitare eam fecit in tabernaculo suo.
Oratio ut supra.

Ad Vesp: Ant. Laud ps. Cap. Syn. ut in huius:

Ad Magnificat. Antiphona:

Alma Redemptoris Mater quae porta
manes et stella maris huc nos cadenti surgere
qui curat populo huius quae genuisti natura mirante
hunc sanctum Genitorem Virgo prius ac postea
Gabrielis ab ore sumens illud Ave peccato-
rum miserere

Oratio. Serus qui ut supra

R. M. S. G.

Die 27 Martij
Officium S. Patritij Epi & Conf.

Oia de Coi Conf. ^{Semidupl.} Pont. orator ea quae sequentes
Oratio.

Deus, qui ad praedicandum Gentibus
gloriam tuam S. Patritium Con-
fessorem atq. Pontificem mittere dignatus
es: episcopo meritis et intercessionibus concurre:
ut quas nobis agenda praecipis te mi-
serante adimplere possimus. Per. In.

Et fil. Commemoratio feria occur.

In Primo Nocturno.
lectiones de Epistola et B. Pauli Ap.
ad Timotheum. Fidelis sermo de Ep. Pont.

In 2o Nocturno
Lectio Gla.

Patritius Hibernia dictus. Agros,
Idus Calpurnio Patre matre
Condesa et Marlini Thronensis
Epi, ut perhibent, consanguinea,
majori in Britannia natus
puer in Barbarorum socius

incedit captiuitatem. Et in statu pas-
cendis gregibus praepositus iam hum-
ilium sanctitatis specimen praebuit.
Fidei namq[ue] diuini timoris et amoris
Sp[iritu] regit[us], antelucano tempore
per nives gelu, et siluas ad preces
Deo fundendas impiger confurgebat.
Solus censurus nocte Deum orare:
a seruitute letho exemptus et inter
Clericos relictus in diuinis Lectionib[us]
longo se tempore exercuit, Gallijs
Italia, Insulisq[ue] Tyrrheni maris La-
bore sumo peragratis diuino tandem
monitu ad Hibernorum salutem
advocatur: et facta a B. Coelestino
Papae Evangelij nunciandi potestate
consecratusq[ue] ip[s]e in Hiberniam
perrexit. Et Inveni Sacerd[em]:

Lechis Sla

Eo in munere mirum q[uo]d uir Ap[osto]l[us]
q[uo]d mala q[uo]d arumdas et labores
q[uo]d periculis aduersarios. Verum

Dei afflante benignitate terra illa
dolorem antea cultrix, cum mox pra
dicante Sabino fructum dedit ut horum
Insula deinde fuerit appellata. Fre
quentissimi ab eo populi sacro sunt Rege
nerali Lavaero. Epi Cicerius plurimum
ordinati: Virgines ac viduae ad coniugentia
leges instituta. Hermasbanam sedem
Romani Pontificis auctoritate Iohis In
sula Primum Metropolim constituit
Sitorum reliquis ab Urbe Relatis Deco
rarum, Hyperbolicis visionibus prophecia
deno, Argentibusq; signis et prodigijs
a Deo exornatus adeo refulsit ut longi
Latq; celebrior Sabini se famam diffu
derit: Et Populi Adjutorum do

Lechi Sta
Prater quatuordecim Eccliarum solici
tudinem iniechum ab oratione suam
nunquam relaxabat. Ajunt enim
integrum quotidie Psalterium unq
cum Cantica, et Hymnis ducentisq;

orationibus conseruasse reuerentia. Per
centies per dies singulos flexis genibus
Deum adorare, ac in quolibet hora diei
Canonica centies se crucis signo munire.
Noctem una in spacia distribuens Imum
in centum psalmis, atq; idis aquis trahere,
ac coram oculis manibusq; ad coelum e-
rebus assolvendis infumebat; tertium
vero super medium lapidem stratus
semita dabat quieti. Humilitati eximie
cultor hostiliter more a manibus suam
labore non abstulit. Assiduus tandem
cuni pro Ecclesia consumptus Verbo
et opere clarus in Patrum se-
cretis diuinis mysterijs, relictis
obdormiit in Dño sepultusq; ad quendam
Suntum in Ultoria a Christiana
salute saeculo quinto. Hic est ost:
Lectus in Nocturno
Lectus de Rom: Greg. Pap. in Evang:
homo peregrin: De Cor. Conf: Pont:
Vona Lectus dicitur de Romul: fenix ac:
A de u fil Com. ad Laudes

Jo 1700

+ ^{anima trice celebratis}
Oratio ^{in nostra draculi.}
B. V. Mariae de Mercede. ^{Dybl.}

Mater qui per gloriosissimam
Filij huius Matrem ad liberandos
Christi fideles a potestate Pagano-
rum nova ~~hanc~~ hanc hanc prole
amplificare dignatus Es, ~~propterea~~ quia
sumus ut quam pie veneramus
tanti operis Instauratorem epis
pariter meritis et intercessione
a peccatis omnibus et captivitate
demonij liberemur. Per eundem
Imi rog. In Nocturno: ag.
Quo tempore major felicior, ^{hinc}
pannam pars dno Baracenorum
gyminebatur jugo innumeri fide-
les sub imani servitute maximo
cum peneulo Christiano fidei

⁺
abjuranda, amittenda, salutis eter-
nae infeliciter declinantes beatissi-
mae colorum Reginae lot tantisq. re-
nigretes occurrentis malis nimiam
charitatem suam in iis redimendis os-
tendit, nam Mo Petro Volasco me-
tale et quibus florenti quiescentis
vacans meditationibus pigniter anxiis
recogitabat quae ratione lot Brachiano-
rum arumpis sub Maurorem cap-
tivate Regentium succum potest, ipsa
mel Beatissima Virgo serena fronte se
conspiciendam sed et acceptissimum
filiu a virginis huius filio fore dicit
si suum in honorem institueretur
religiosorum quibus cura incumbens
capitulosi Tiberium tyrannide liberat
diu bona coelesti infundere dei dei reus
atus menim et quo Barlami ardore
flagrare coepit, hoc unum servans

in corde suo ut ipse ac institueret ab eo
Religio maximam illam caritatem sedulo
Exercerent ut quisq[ue] animam suam pone-
ret pro amicitia et proximis suis.

Et sicut Cedrus in allata hum in Libano
Et sicut cyprus in monte syon quasi
misteria ecclesie. ~~Et~~ sicut herbarum domus.
Et sicut Cinamomum et balsamum
aromatizans. ~~Sed~~ sicut
Eccl[esi]a V.

Ea ipsa nocte eadem Virgo sanctissima
B: Raymundo de Penafort et Jacobo tra-
gonis Regi apparuit idcirco de Religiosis
instituentis admonens prudens ut opem
pro constructione tanti operis ferrent.
Petrus autem dicitur a Raymundo pedes
qui ipse erat a facie confessionibus et vo-
lens si rem oem aperiret quem christi
credulus melius repens. Eius die
rethorice se humillime subiecit. Et super
veniens Jacobus Rex quam et ipse acceperat
a Beatissima Virgine clarissimam
caequi datus, ut collatis inter se con-

ileis, et confectis, animis in honorem
eiusdem Virginis Matris ordinem institvere
aggressi sunt sub invocatione Sanctae Mariae
de Mercede Redemptionis captivorum.
Et praestata quae vocantur, sicut Sol et
formosa, languem Ierusalem et videntur
tam filia Iherosolymae et beatam dicuntur et Re,
quae Iherosolymae tam N. et sicut dies
verni circumdabant tam flores Iherosolymae et
ultra convallibus videntur tam.


Lectionis VI.

Die igitur decima Augusti anno Domini mille
simis ducentis decimis Belar Rex idem
Jacobus tam institutionem jam prius ab ipso
sanctis viris conceptam accepit ab ipso
quarto vero adhibitis manendi in pignus hic
Paganorum potestate hic pro Christianorum
liberatione opus fecit. Quibus Rex ipse armis
sua Regia in pectore defere conceptus et
a Gregorio Nono illud tam praesentis erga
proximum Sanctitati institutum et Religio
nem confirmari curavit. Et a ipso Sanctis
per Virginem Matrem incrementum dedit
ut talis institutio celerius ac feliciter

lohim per orbem divulgaretur sanctisq; Vitis
floruerit caritate ac pietate virgilibus qui
elemosynas a Chrⁱ fidelib; collectas in pro-
prium redemptiois fratrum proximorum expende-
rent seq; ipsos interdum darent in redempti-
onem nullonem - ut autem tanti beneficii et
institutionis debita' S^co & Virgini Matri
referantur gratia' Deo apostolica hanc pe-
titionem flectitaten celebrari et officium
recitari iussit cum alia fore innumera
idem ordini privilegia partes contulisset
q; Boniam monachib; filiam Ierosalem S^co
concepit Et videntes eam filia' Lyon S^ca
humana predicarent dantes Unguentum
fuerunt nomen huius: Aschit Regida a dexte-
ris in vestitu decoratis circumdata vari-
stalle. Et videntes: Gloria: Unguentum:

In 30 Marti. R VIII Beata es Maria S^ci
genitricis patrona et auxiliatrix nra; Regi
natus tui tua et fidelium redemptio in
stilla et Religio V. Tua Sancta interces-
sione adiuva nos Virgo immaculata. Regi:
Gloria: Regi natus:

nis
s qui
pro
de
mpt
d
tri
e pe
un
era
el
his
lea
tud
dext
an,
:
pi
pi
in
af
19:



PROPRIA
OFFICIA
Sanctorum

DIOECESIS
WRATISLAVIENSIS.


Ex approbatis à Sede Apostolica ad
usum Breviarii Romani.

*Serenissimi & Reverendissi-
mi Principis ac Domini, Domini*

LEOPOLDI
GUILIELMI

Archiducis Austriæ &c. Episcopi
Wratislaviensis.

Jussu & Auctoritate edita.



Reimpressa Nissæ

Typis Christophori Lertz, Civitatis
Typographi. 1. 6 8 4.

585558

I

LEOPOLDUS GUILIELMUS

DEI GRATIA ARCHIDUX AU-
STRIÆ, EPISCOPUS WRA-
TISLAVIENSIS, &c.

Universo Diœcesis Clero Salutem.

Inter ceteras Episcopalis nostri Officii solli-
citudines, quibus Ecclesiarum Diœcesis u-
niversæ ordinem quomodolibet augere, ac
promovere desideramus, in illas maximè in-
tendimus, quibus Dei & Sanctorum honor
& cultus quovis modo promoveatur. Quò
imprimis pertinere, & spectare dignoscimus
Officium Horis Canonicis comprehensum
eâ ratione persolvendum in hac Diœcesi no-
stra proponere, ut recepto Breviario Roma-
no & illos etiâ Sanctos, quos Diœcesis
Wratislaviensis magnos jam olim experta
& venerata est Patronos, quisq; debito ho-
nore & cultu prosequatur: Attendentes ve-
rò dicta Sanctorum Officia, ad morem qui-
dem & consuetudinem Romani Breviarii
disposita & Apostolicæ Sedis plenitudine
jam alibi confirmata & roborata, sed hac in
nostra Diœcesi nunquam promulgata, neq;

sic conquisita , nisi jam in hanc orandi & psallendi normam reducta esse. Proinde Nos de universi Nostri Capituli consilio eadem Officia in hanc libelli formam (in qua & alia nova Sedis Apostolicæ tam pro libitu, quàm de præcepto persolvenda cuius, apposita sunt) redigi, Nostriisque impensis, Typis evulgari iussimus. Hortamur itaq; universum nostræ Diœcesis Clerum, & paternè admonemus, ut omnes & singuli, quibus Horas Canonicas persolvendi debitum incumbit, tam publicè quàm privatim Ritus Romanum sequantur, Divinum cultum, nostramq; Clementissimam voluntatem per hoc adimpleturi; facturiq;, ut per hoc laus & gloria Dei, quam hoc nostro decreto unicè intendimus, tanquam à pulcherrimo ordine originem trahens, exoriatur: & quos locorum distantia Vineæ Domini in amplissimo hoc nostro Episcopatu, corporibus separat, una eademq; conjungat Oratio, fructusq; afferat Reipublicæ nostræ Ecclesiasticæ longè uberrimos, 1662.

CALEN.

&
de
ea-
ua
tu,
ap-
Ty-
ni-
nè
ous
in-
um
m,
per
aus
ni-
or-
nos
lif-
se-
ru-
sti-

CALENDARIUM

SS. Patronorum Dioecesis
Wratislaviensis.

JANUARIUS.

22. S. Vincentii Lev. Mart. *dupl. 1. Claß.*
S. Anastasii Mart. *semid.*
23. Desponsatio B. V. MARIE cum S. Jo-
seph. *duplex.*
S. Raymundi de Pegnafort Conf. *semid.*
29. Octava S. Vincentii Mart. *duplex.*

FEBRUARIUS.

1. Com. S. Brigidæ Virg.
3. S. Blasii Episc. & Mart. *semidupl.*
6. S. Dorotheæ V. M. *duplex.*
8. S. Joannis de Matha Conf. *duplex. cum*
com. S. Helenæ Viduæ.
10. S. Scholasticæ Virg.
12. S. Evlaliæ Virg. & Mart.
14. S. Valentini Presbyt. & Mart. *semid.*
16. S. Julianæ Virg. & Mart.

MARTIUS.

3. S. Cunegundis Virg.
5. Translatio S. Wenceslai Mart. *semid.*
17. S. Gertrudis Virg. *semidupl.*

N.

Septem

Septem Dolorum B. M. Virg. Fer. 6.
past Dom. Pass.

APRILIS.

2. Com. S. Mariæ Ægyptiacæ.
23. S. Adalberti Episc. & Mart. *duplex majus*.
23. S. Georgii Mart. *duplex*.

MAJUS.

1. Com. S. Walpurgis Virg.
4. S. Floriani Mart. *semidupl.*
5. S. Gothardi Episc. & Confess. *duplex*.
7. S. Stanislai Episc. & Mart. *dupl. majus*.
13. S. Servatii Episc. Conf.
31. SS. Cancii, Canciani, & Cancianillæ
Mart. *duplex majus*.

SS. TRINITATIS *dupl. 1. Class. cum Oct.*

JUNIUS.

3. S. Erasmi Episc. & Mart. *duplex*.
7. S. Vincentii Episc. & Mart. *semid.*
16. S. Bennonis Episc. & Conf. *dupl.*
22. SS. Decem Millium Martyrum *dupl.*
25. Commemor. S. Joannis Apost. & Evan-
gel. *duplex 2. Classis.*

JULIUS.

2. Visitat. B. M. V. *dupl. 1. Class. cum Octav.*
3. Translatio S. Thomæ Apostoli *duplex*.
4. S. Udalrici Episc. & Confess.
7. Com.

6. 7. Com. S. Wilibaldi Episc. Confess.
 8. S. Margaritæ Scotorum Reginae *semid.*
 com. SS. Kiliani & Soc. M.
 12. S. Joannis Gualberti Abbatis. *duplex.*
 13. S. Margaritæ Virg. & Mart. *dupl. majus.*
 15. Divisio Apostolorum. *duplex majus.*
 27. S. Christophori Mart. *semidupl.*
 29. S. Marthæ Virg. *duplex.*

AUGUSTUS.

8. Commemor. S. Afræ Mart.
 16. S. Hyacinthi Confess. *duplex majus.*
 23. S. Philippi Bennitii Conf. *semidupl.!*
 25. Translat. S. Hedwigis Vid. *dupl.*
 30. S. Rosæ Limanæ Virg. *duplex.*

SEPTEMBER.

Dom. primâ Sept. Festum S. Angeli Custodis. *dupl. 2. Classis. cum Octava.*

1. S. Ægidii Abbatis. *semidupl.*
 6. S. Magni Abbatis.
 8. Nativitas B. M. V. *dupl. 1. Classis.*
 10. Com. S. Corbiniani Episc. Confess.
 18. S. Lamperti Episc. & Mart. *semid.*
 24. S. Ruperti Episc. Conf.
 27. Translat. S. Stanislai Ep. & M. *dupl.*
 28. S. Wenceslai Mart. *dupl. majus.*

OCTO.

OCTOBER.

10. SS. Gerconis & Soc. Mart.
13. S. Edvardi Regis Confess. *semidupl.*
15. S. Hedwigis Viduæ Patronæ Siles. *dupl.*
 1. Classis. cum Octava.
16. Com. S. Galli Abbatis.
21. SS. Ursulæ & Soc. Virg. Mart. *dupl.*
23. S. Severi Episc. Confess.
24. S. Severini Episc. Confess.
30. SS. Crispini & Crispiniani Mart.
31. S. Wolfgangi Episc. & Conf. *duplex.*

NOVEMBER.

- Dom. post Octavam Omnium SS. Festum
 B. V. Mariæ de Victoria.
6. Com. S. Leonardi Abbatis.
10. S. Lazari Episc. & Mart. *duplex.*
11. S. Martini Ep. Conf. *dupl. 2. Class. cum Oct.*
13. S. Didaci Confess. *semid.* Com. S. Brice-
 cii Episc. Confess.
16. Com. S. Othmari Abbatis.
20. S. Felicis de Valois Confess. *dupl.*
30. S. Andreæ Apost. *dupl. 2. Class. cum Oct.*

DECEMBER.

4. S. Barbaræ Virg. & Mart. *dupl. major.*
6. S. Nicolai Pont. & Confess. *dupl. major.*
8. Concept. B. V. M. *dupl. 1. Class. cum Oct.*

Die Dominica infrà Octav. Nativ. B. V. M.

OFFICIUM.

DE SANCTISSIMO NOMINE

B. MARIÆ VIRGINIS,

Duplex Majus de Præcepto.

Omnia ut in Festo S. MARIÆ ad Nives, præter Orationem & Lectiones II. & III. Nocturni.

AD VESPERAS.

Antiph. Sancta MARIA succurre miseris, juva pusillanimes, refove flebiles, ora pro populo, interveni pro Clero, intercede pro devoto foemineo Sexu: sentiant omnes tuum juvamen, quicunque celebrant tui Sancti Nominis commemorationem.

O. R. A. T. I. O.

Cooncede, quæsumus, omnipotens Deus, ut Fideles tui, qui sub Sanctissimæ Virginis MARIÆ Nomine, & protectione lætantur, ejus pia Intercessione, à cunctis malis liberentur in terris, & ad Gaudia æterna pervenire mereantur in Cœlis. Per Dominum, &c.

IN I. NOCTURNO.

Lectiones ut in Festo S. MARIÆ ad Nives.

IN II. NOCTURNO.

Lectio IV. Sermo 8. S. Bernardi Abbatis.

Ex hom. 2. super Missus est, circa finem.

ET Nomen, inquit, Virginis Maria. Loquamur pauca, & super hoc Nomine, quod interpretatum Maris Stella dicitur, & Matri Virgini valde convenienter aptatur. Ipsa namque aptissime sideri comparatur, quia sicut sine sui corruptione
fidus

sidus suum emittit radium, sic absque sui læsione Virgo parturivit Filium. Nec sideri radius suam minuit claritatem, nec Virgini Filius suam integritatem. Ipsa est igitur illa Stella ex Jacob orta, cujus radius universum orbem illuminat, cujus splendor & præfulget in supernis, & inferos penetrat, terras etiam perlustrans, & calefaciens magis mentes, quàm corpora, fovet virtutes, excoquit vitia. Ipsa, inquam, est præclara, & eximia Stella super hoc mare magnum & spatiosum necessario sublevata, micans meritis, illustrans Exemplis.

Lectio V.

O Quisquis te intelligis in hujus Sæculi profluvio magis inter procellas, & tempestates fluctuare, quàm per terram ambulare, nè avertas oculos à fulgore hujus sideris, si non vis obrui procellis. Si insurgant venti tentationum, si incurras scopulos tribulationum respice Stellam, voca M A R I A M. Si jactaris superbiæ undis, si ambitionis, si detractionis, si æmulationis, respice Stellam, voca M A R I A M. Si iracundia, aut avaritia, aut carnis illecebra, naviculam concusserit mentis, respice ad MARIAM. Si criminum immanitate turbatus, conscientiae foeditate confusus, Judicii horrore perterritus, barathro incipias absorberi tristitiæ, desperationis abyssus, cogita MARIAM.

Lectio VI.

IN periculis, in angustiis, in rebus dubiis, Mariam cogita, Mariam invoca Non recedat ab ore, non recedat à corde, & ut impetres ejus orationis

tionis suffragium, non deferas conversationis exemplum. Ipsam sequens non devias, ipsam rogans non desperas, ipsam cogitans non erras, ipsam tenente non corruis, ipsam protegente non metuis, ipsam Duce non fatigaris; ipsam propitiâ pervenis, & sic in temetipso experiris, quam merito dictum sit; & Nomen Virginis MARIA. Quod quidem Venerabile Nomen, jam pridem in quibusdam Christiani Orbis partibus speciali Ritu cultum INNOCENTIUS XI. Romanus Pontifex, ob insignem Victoriâ, sub ejusdem Virginis Mariæ præsidio de immanissimo Turcarum Tyranno, cervicibus Populi Christiani insultante, Viennæ in Austria partam, & in perenne tanti beneficii monumentum in Ecclesia universali singulis annis Dominicâ infra octavam Nativitatis B. Virginis Mariæ celebrari præcepit.

IN III. NOCTÛRNO.

Lectio S. Evangelii secundum Lucam.

Lectio VII.

IN illo tempore: Missus est Angelus Gabriel à DEO in Civitatem Galilææ, cui Nomen Nazareth, ad Virginem desponsatam viro, cui Nomen erat Joseph de Domo David, & Nomen Virginis MARIA, &c.

Ex Hom. S. Petri Chrysol. Serm. 142. de Annunc.

AUdistis hodie Fratres charissimi, Angelum cum Muliere, de hominis reparatione tractantem. Audistis agi, ut homo cursibus eisdem, quibus delapsus fuerat ad mortem, rediret ad vitam. Agit, agit cum MARIA Angelus de Salute, quia cum Eva Angelus egerat de ruina; Audistis An-
gelum

gelum de carnis nostro limo Templum Divinae
Majestatis arte ineffabili construentem. Audi-
stis in terris DEUM, in Cœlis hominem Sacra-
mento incomprehensibili, collocari. Audistis
inauditâ ratione in uno Corpore DEUM, homi-
nêmque misceri. Audistis fragilem nostræ car-
nis naturam, ad portandam totam Deitatis glo-
riam Angelicâ exhortatione roborari.

R. Felix namq; es Sacra Virgo Maria, & omni laude
dignissima. * Quia ex te ortus est Sol Justitiæ Christus
Deus noster. V. Ora pro Populo, interveni pro Clero,
intercede pro devoto fœmineo Sexu: Sentiant omnes
tuum juvamen, quicunque celebrant tuam sanctam
commemorationem. Quia ex te, &c.

Lectio VIII.

DEnique nè tanto ponderi cœlestis fabricæ in
Maria subtilis nostri corporis arena succum-
beret, & in Virgine totius Generis humani por-
tatura fructum virga tenuis frangeretur, fugatu-
ra metum, vox Angeli mox præcessit dicens: Nè
timeas Maria: ante causam Dignitas Virginis an-
nunciatur ex nomine; nam Maria ex Hebræo
Sermone latinè Domina nuncupatur: vocat er-
go Angelus Dominam, ut Dominationis Geni-
tricem trepidatio deferat servitutis, quam nasci,
& vocari Dominam Ipsa sui germinis fecit, & im-
petravit auctoritas: Nè timeas Maria, invenisti
enim gratiam. Verum est, quia qui invenit gra-
tiam, nescit timere. Invenisti gratiam.

*Lectio IX. De Homilia Dominicâ occurrentis. Si
autem idem Officium juxta Rubricas Breviarii Romani
transferendum sit; nona Lectio sumatur eo anno ex
Officio B. Mariæ in Sabbato Mensis
Septembris.*

Die X. Maij.

OFFICIUM
S. ANTONINI
Episcopi & Confessoris.

Semiduplex. Ad libitum.

*Omnia de Communi Confessoris Pontificis præ-
ter Orationem, & Lectiones quæ sequuntur.*

O R A T I O.

SAncti Antonini Domine Confes-
soris tui, atque Pontificis meritis
adjuvemur: ut sicut te in illo mirabi-
lem prædicamus; ità in nos miseri-
cordem fuisse gloriemur: Per Domi-
num &c.

In I. Nocturno.

Lectiones de Scriptura occurrente.

In II. Nocturno.

Lectio IV.

ANtoninus Florentiæ honestis
parentibus natus, ab ipsa jam
pue-

pueritia egregium futuræ sanctitatis specimen exhibuit. Annum agens sextum decimum, Religionem Prædicatorum amplexus, coepit exinde maximis clarere virtutibus. Otio perpetuum bellum indixit, post nocturnum brevem somnum, primus matutinis precibus aderat; quibus persolutis, reliquum tempus noctis orationibus, aut certè Læctioni, & scriptioni librorum tribuebat, & si quando importunior fessis membris somnus obreperet, ad parietem paululum declinato capite, ac tantisper discussso somno, mox sacras vigilias avidiùs repetebat. Resp. *Inveni David, &c.*

Lectio V.

Disciplinæ regularis sui ipsius severissimus exactor, carnes, nisi in gravi ægitudine, nunquam edit. Hu-

Humi, aut in nudo tabulato cubabat:
cilicio semper usus, & interdum zonâ
ferreâ ad vivam cutem incinctus, vir-
ginitatem integerrimè semper coluit.
In explicandis consiliis tantæ dexte-
ritatis fuit, ut communi elogio Anto-
ninus consiliorum diceretur. Adeò
autem in eo humilitas enituit, ut eti-
am Cœnobiis, ac Provinciis præfe-
ctus abjectissima Monasterii officia
demississimè obiret. Ab Eugenio IV.
Florentinus Archiepiscopus renun-
ciatus, ægerrimè tandem, nec nisi
Apostolicis minis perterrefactus, ut
Episcopatum acciperet, acquievit.
Resp. Posui adjutorium, &c.

Lectio VI.

IN eo munere vix dici potest, quan-
tùm prudentiâ, pietate, charitate,
mansuetudine, & sacerdotali zelo ex-
celluerit. Illud mirandum, tantum
in-

ingenio valuisse, ut omnes fermè scientias per se nullo adhibito præceptore absolutissimè didicerit. Tandem post multos labores, multis etiam editis insignis doctrinæ libris, Sacra Eucharistiâ, & Unctione percepta complexus Crucifixi imaginem, mortem lætus aspexit sexto nonas Maij millesimo, quadringentesimo quinquagesimo nono. Miraculis vivens, & post mortem conspicuus, Sanctorum numero adscriptus est ab Adriano VI. anno Domini millesimo quingentesimo vigesimo tertio. Ref. *Iste est qui ante &c.*

*In tertio Nocturno Homilia in Evangel.
Homo peregrè proficiscens. de Communi
Confessoris Pontificis.*



FESTA JANUARIJ.

Die XXII. Januarii.

IN FESTO

S. VINCENTII

Martyris. *Duplex.*

ORATIO.

Adesto quæsumus Domine supplicationibus nostris, ut qui ex iniquitate nostra reos nos esse cognoscimus, beati Vincentii Martyris tui intercessionem liberemur. Per Dominum. &c.

In I. Nocturno.

Lectioes de libro Ecclesiastici Cap. 51.

Confitebor tibi Domine Rex, &c. *ut in festo S. Agnetis V. M. 21. Januarii. mutato feminino in masculinum, vel ut in festo S. Laurentii M.*

In II. Nocturno.

Lectio IV.

Vincentius, Oscæ in Hispania citeriore natus, à prima ætate studiis deditus, sacras literas à Valerio Cæsaraugustano Episcopo didicit: cujus etiam partes suscepit prædicandi Evangelium, quòd Episcopus propter lingvæ impedimentum, prædicationis officio fungi non poterat. Eâ re ad Dacianum, provinciæ à Diocletiano, & Maximiano præpositum delatâ, Vincentius Cæsaraugustæ

A

com-

comprehenditur, & vinctus ad Dacianum Valentiam adducitur. *R. Honestum fecit illum.*

Lectio V.

Ubi verberibus, & equuleo tortus, multis presentibus, cum nulla aut tormentorum vi, aut acerbitate, vellenitate verborum à proposito deterreri posset; in craticula impositus prunis ardentibus suppositis, ac ferreis ungvibus excarnificatus, cudentibusq; laminis exustus, iterum ducitur in carcerem stratum testaceis fragmentis, ut ejus nudum corpus, somno oppressum, à subjectis etiam testarum aculeis torqueretur. Verum illo in tenebrosâ inclusa custodia, clarissimus splendor obortus totum carcerem illustravit: quæ lux cum summa admiratione omnes, qui aderant, affecisset; res à custode carceris ad Dacianum deferretur. *R. Desiderium.*

Lectio VI.

Qui eductum in molli culcitra collocat: & quem cruciatibus in suam sententiam trahere non poterat, deliciis perducere conatur. Sed invictus Vincentii animus JESU Christi fide speque munitus vicit omnia: & ignis, ferri, tortorum immanitate superatâ, victor ad cœlestem martyrii coronam advolavit, undecimo Kalendas Februarii. Cujus corpus, cum projectum esset inhumatum, corvus, & à volucris, & à lupo, ungvibus, rostro, alis mirabiliter defendit. Qua re cognita, Dacianus illud in altum mare demergi jubet: sed inde etiam divinitus ejectum ad littus, Christiani sepeliunt. *R. Stola jucunditatis.* In III.

In III. Nocturno.

Antiph. Justus Dominus &c. *cum reliquis, ut in communi unius martyris. Psalmi vero dicuntur, ut in 3. Nocturno S. Laurentii martyr. assignantur. 10. Augusti. Lectiones dicuntur ut in Romano In festo S. Ignatii Ep. M. 1. Februarii.*

Ad Laudes, & Horas. omnia de comm. unius mart.

Ad Missam Introitus Lætabitur Justus. Ut in comm. unius Mart. non Pontificii.

Evangelium. Nisi granum frumenti. ut in dicto festo S. Ignatii.

Die XXII. Januarii.

IN FESTO

S. ANASTASII

Martyris. *Semiduplex.*

ORATIO.

DEus, qui nos beati Anastasii Martyris tui annua solennitate lætificas: concede propitius; ut cujus natalitia colimus, de ejusdem etiam protectione gaudeamus. Per Dominum.

In I. Nocturno.

Lectiones de Scriptura occurrente.

In II. Nocturno.

Lectio IV. ut in Romano 22. Januar. Anastasius Persa: &c.

Lectio V. & VI.

*De Sermone S. Augustini Ep. serm. 44. de Sanctis.
Triumphalis &c. ut in Com. unius Martyris.*

In III. Nocturno.

*Homilia in Evang. Si quis venit ad me &c. ut in Com.
unius Martyris.*

*Ad Missam Introitus. In Virtute tua. Evangelium.
Si quis venit ad me.*

Die XXIII. Januarii.

IN FESTO

Desponsationis B. V. MA-
RIÆ cum S. Joseph. *Dupl.*

AD VESPERAS.

*Antiph. Desponsatio gloriosæ. Cum reliquis de Laud.
Psal. Cap. Hym. de B. Maria, ut in ejus offic. parvo.*

✠. Desponsatio est hodie sanctæ Mariæ Virgi-
nis. R. Cujus vita inclyta cunctas illustrat
Ecclesias.

*Ad Magnif. Antiph. Gloriosæ Genitricis Mariæ De-
sponsationem dignissimam recolamus, quæ &
Genitricis dignitatem obtinuit, & Virginalem
pudicitiam non amisit.*

ORATIO.

FAMULIS tuis quæsumus Domine cœlestis Gra-
tiæ munus impertire : ut quibus B. Virginis
partus

partus exitit salutis exordium, Desponsationis ejus vota solemnitas pacis tribuat incrementum. Per Dominum.

Ad Matutin. Inuit. Desponsationem Virginis Mariæ celebremus, * Christum ejus Filium adoremus Dominum. *Psalm.* Venite. *Hymnus, Antiph.* *Psalmi Noct. ut in Officio parvo beata Maria.*

In I. Nocturno.

Lectioes dicuntur, ut in Festo Nativ. B. V. Mariae 8. Septemb.

R. I. Hodie Desponsata est Beata Virgo Maria ex progenie David: * Per quam salus mundi Creditibus apparuit, cujus vita gloriosa lucem dedit sæculo. V. Desponsationem beatæ Mariæ Virginis cum gaudio celebremus. Per quam.

Cætera Resp. dicuntur ut in festo Nativitatis B. Mariae, præterquam, quod loco Verb. Nativitas, ponatur Desponsatio &c.

In II. Nocturno.

Sermo S. Bernardi Abbatis. *Ex homil. 2. super Missus est.*

Lectio IV.

O Portebat à principe mundi aliquamdiu celari Divini consilii Sacramentum: non quòd Deus, si palam opus suum facere vellet, impediri posse ab illo metueret; sed quia ipse, qui non solum potenter, sed etiam sapienter, quæcunq; voluit, fecit, sicut in omnibus operibus suis quasdam rerum vel temporum congruentias propter ordinis pulchritudinem servare consuevit: ita in hoc,

quoq; tam magnifico opere suo, nostræ videlicet reparationis, non tantum potentiam suam, sed & prudentiam ostendere voluit. *R. Desponsatio gloriosa Virg.*

Lectio V.

Conueniens ergo erat, ut suaviter quoq; omnia, cœlestia scilicet, & terrena disponderet, quatenus & illinc dejiciens inquietum, reliquos in pace firmaret: & hic debellaturus invidum, nobis prius suæ humilitatis & mansuetudinis valdè necessarium exemplum relinqueret: Sicque mirabili fieret moderamine sapientiæ, ut & suis svavis, & hostibus fortis appareret. *R. Cum iucunditate Desponsationem.*

Lectio VI.

Quid enim prodesset, diabolum à DEO vinci, nobis manentibus superbis? Necessariò igitur desponsata est Maria Joseph, quando per hoc & à canibus sanctum absconditur, & à Sponso Virginitas comprobatur, & Virginis tam verecundiæ parcitur, quam famæ providetur. Quid sapientius? quid dignius Divina providentia? Uno tali consilio secretis cœlestibus & admittitur testis, & excluditur hostis, & integra servatur fama Virginis Matris. *R. Desponsatio tua DEI Genitrix.*

In III. Nocturno.

Homilia S. Hieronymi Presbyteri in Evangelium.
Cum

Cum esset desponsata Mater JESU Maria Joseph.
Ut in Festo S. Joseph. XIX. Martii.

AD LAUDES.

Et per horas Antiphona.

Desponsatio gloriosæ Virginis Mariæ, ex semine Abrahamæ, ortæ de tribu Juda, clara ex stirpe David.

Antiph. Desponsatio est hodie S. Mariæ Virginis, cujus vita inclyta cunctas illustrat Ecclesias.

Antiph. Regali ex progenie Maria exorta refulget, cujus precibus nos adjuvari mente, & spiritu devotissimè poscimus.

Antiph. Corde & animo Christo canamus gloriam, in hac sacra Solennitate præcellæ Genitricis DEI Mariæ.

Antiph. Cum jucunditate Desponsationem beatæ Mariæ celebremus, ut ipsa pro nobis intercedat ad Dominum Jesum Christum.

~~Capitulum~~ *et Hymnus, ut in Officio parvo B. V. M.*

V. Desponsatio est hodie sanctæ Mariæ Virginis.

R. Cujus vita inclyta cunctas illustrat Ecclesias.

Ad Benedictus Antiph. Desponsationem hodiernam perpetuæ Virginis Genitricis DEI Mariæ solenniter celebremus, qua celsitudo throni processit, Alleluja.

ORATIO.

Famulis tuis quæsumus. *Ut in primis Vesperis.*
Cetera ut in Officio B. Maria in Sabbatho.

In secundis Vesperis, omnia dicuntur, ut in primis.

Antiph. ad Magnif. Desponsatio tua Dei Genitrix Virgo, gaudium annuntiavit universo mundo: ex te enim ortus est sol Justitiæ, Christus Deus noster, qui solvens maledictionem, dedit benedictionem & confundens mortem donavit nobis vitam sempiternam.

Die XXIII. Januarii.

IN FESTO

S. RAYMUNDI de Pegnafort, Confels. *Semidupl.*

Omnia de Com. Confess. non Pontif. prater ea, quæ sequuntur.

ORATIO.

DEUS, qui Beatum Raymundum Pœnitentiæ Sacramenti insignem ministrum elegisti, & per maris undas mirabiliter traduxisti: Concede, ut ejus intercessione dignos Pœnitentiæ fructus facere, & ad æternæ Salutis portum pervenire valeamus. Per Dominum, &c.

Lectioes I. Nocturni de lib. Ecclesiastici. Sapientiam omnium antiquorum, ut in communi Doctorem.

In II. Nocturno.

Lectio IV.

Raymundus Barcinonæ in Hispania ex nobili familia de Pegnafort originem duxit, prima in pueritia Religionis Christianæ rudimentis imbutus eximia jam tunc corporis, & animi indole ad virtu-

virtutem, & pietatem in dies magis augebatur. Adolescens Bononiæ Pontificio, Civilique Jure incumbens Doctoris laureâ decoratus, Sacros Canones publicè magna cum hominû admiratione est interpretatus. Jam inde clarâ tanti viri famâ per Italiam increbrescente, à Barcinonensi Episcopo in patriam reductus, Ecclesiæ canonicatu ornatur. Eâ dignitate auctus, magno integritatis, & doctrinæ splendore, modestiâ, morum suavitate fulsit. Erga Deiparam Virginem singulari affectu ducebatur. Ingentem hinc apud omnes auctoritatem, & Sanctitatis opinionem sibi conciliavit. Verùm ad sublimius vitæ genus aspirans, abdicatis honoribus, spretisque mundi oblectamentis, quadragesimo quarto circiter anno Ordinem Prædicatorum solenni ritu Sacro Religionis habitu suscepto Barcinonæ professus est. *R. Honestum.*

Lectio V.

Hic jam novus miles eximios fecit in virtute progressus: mira in eo humilitas. Et licet talis, ac tantus, eò tamen ipsò demissiùs sentire de se, aliis omnia, sibi nihil tribuere, libentius delitescere, quàm in lucem prodire consueverat. Obedientiâ adeò singularis, ut repulso voluntatis arbitrio, totus è superiorum nutu penderet; Paupertas, mundi curarum abdicatio, jejunandi (Præterquam diebus Dominicis) consuetudo, orandi assiduitas. Angelo sæpiùs eum ad preces familiariter excitante, cælestem castitatem adeò fideliter coluit, ut eam usque ad extremum vitæ diem integerrimam

A s. serva-

servaverit. Monitu sacrae Virginis Mariae sibi in somnis apparentis, unà cum Petro Nolasco, & Jacobo Aragoniae Rege, Ordinem B. Mariae de Mercede redemptionis captivorum fundavit, cui certas leges vivendi ab Apostolica Sede approbatas praescripsit, atque eundem Petrum primum Generalem Ordinis Magistrum suis ipse manibus habitu Religionis indutum creavit, à Gregorio IX. Romam vocatus, & Capellani, ac Poenitentiarii S. Rom. Ecclesiae dignitate decoratus, Rom. Pontif. decreta in diversis Conciliis, & Epistolis sparsa, ejusdem Pontificis jussu in unum Decretalium volumen redegit. Archiepiscopatum Tarraconensem sibi ab Apostolica sede oblatum constantissime recusavit. *R. Amavit enim.*

Lectio VI.

Generalis Ordinis Praedicatorum Magister summo omnium consensu declaratus, quanquam diu reluctans, ac ægrè Magistratum iniens, biennio post, ab eo officio moerentibus omnibus spontè se abdicavit. Jacobo Arragonum Regi Sacrae Inquisitionis in suis Regnis instituendae Author fuit. Innumera adhuc vivens patravit miracula: inter quae illud clarissimum celebratur, quòd ex Insula Baleari majori Barcinonam trajecit nullo navigio, sed pallio tantùm super aquas expanso, reductaque ejus orâ instar veli ad baculum quo tanquam malo uteretur, veluti solidis tabulis vectus centum sexaginta miliaria sex horis confecit cunctis circa litora stupentibus. Plenus tandem virtutibus, &
longâ

longâ ætate confectus, Sacramentis omnibus ritè munitus, propè centenarius obdormivit in Domino, Anno Salutis 1205. Sepulchro pulvis enascitur, qui licèt copiosè inde exportetur, nunquam tamen deficit eoq; multæ, gravesq; infirmitates corporis curantur. Relatus est in Sanctorum numerum ritu solenni Canonizationis à Clemente VIII. Anno 1607. tertio Kalendas Maij. *Re. Iste homo:*

In III. Nocturno.

Homilia S. Augustini Ep. in Evang. Vos estis sal terræ: de communi Doctorum.

Missæ. Os Justi: de Communi Confess. non Pontificis. Oratio ut supra. Evang. Vos estis sal terræ: ut in communi Doctorum.

Die XXIX. Januarii.

In Octava S. VINCENTII.

Duplex.

Omnia dicuntur ut ipsa die, præter Lectiones.

In I. Nocturno.

Lectiones de scriptura occurrente.

In II. Nocturno.

De Sermone S. Augustini Ep. Ex Serm. 20. de Sanctis.

Lectio IV.

Legimus Ananiam, Azariam, & Misaellem, beatissimos pueros, à Rege in camino ignis inclusos,

fos, in pœnarum suarum deambulâsse flammis, & igneos globos pedibus conculcâsse. Unde & beatus Vincentius non minori gloria est præferendus. Siquidem illi in pœnarum suarum flammis ambulabant, hic & in ipso supplicii sui igne discubuit. Illi vestigiis pedum conculcarunt incendia, iste laterum suorum diffusionem extinguit. *R. Hone-
stum fecit.*

Lectio V.

Iterum ergo beatus Vincentius in dorsum supinus vertitur, & renes ejus ignibus exuruntur, ut impleretur Psalmi Prophetia, quæ dicit ex Persona Vincentii: Proba me Domine, & tenta me: ure renes meos, & cor meum. Duplici se postulat igne comburi. Nam si de solo mundi igne loqueretur, sufficeret renes tantum exurendos incendiis obtulisse. Cor autem, nisi flamma Christi, non urit. *R. Desiderium anime.*

Lectio VI.

Oremus igitur, fratres, beatum Vincentium: qui dum fide suâ persecutoris flammâs vicit, ostendit nobis per ignem fidei gehennæ incendia superare, & amore Christi diem judicii non timere. Nos verò fratres dilectissimi, si ad consortium Sanctorum Martyrum pervenire volumus, de imitatione Martyrum cogitemus. Debent enim in nobis aliquid de suis virtutibus recognoscere, ut pro nobis dignentur Domino supplicare. *R. Stola juvenilitatis.*

In III. Nocturno.

Lectio S. Evangelii secundum Joannem cap. 12. d.

Lectio VII.

IN illo tempore, dixit JESUS discipulis suis: Amen, amen dico vobis, nisi granum frumenti cadens in terram, mortuum fuerit; ipsum solum manet. Et reliqua.

Homilia S. Joannis Chrysostomi. Homil. 66.

in Joannem.

Dulcis præsens vita est, & multæ plena voluptatis, non tamen omnibus, sed iis tantum, qui illi sunt affixi. Quod si quis in cælum suspenderit, & quæ ibi præclara sunt, contemplatus fuerit, statim hanc contemnet, ac nullius pretii existimabit. Nam & corporum pulchritudo quoad pulchrius non deprehenditur, in admiratione habetur: cum verò aliud præstantius apparuerit, illa prior despicitur. Quod si illam pulchritudinem etiam nos intueri voluerimus, & cœlestis regni speciem considerare, confestim nos hujus sæculi vinculis dissolvemus. *R. Corona aurea.*

Lectio VIII.

Vinculum namq; est terrenarum rerum affectio: ad cujus dissolutionem, ut nos induceret Christus, quid dicat, attende. Qui amat animam suam, perdet eam: & qui odit animam suam in hoc mundo, in vitam æternam custodit eam. Ænigmati simile hoc dictum videtur: non tamen ita est, imò verò præcipuæ sapientiæ plenum. Et quomodo qui amat animam suam, perdet eam?

Qui

Qui absurdis ejus cupiditatibus obtemperat, qui præter debitum ei indulget, quemadmodum è contrario, qui odit eam in hoc mundo, custodit eam; hoc est, qui non paret ei, cùm noxia jubet.
R. In Craticula.

Lectio IX.

ET non dixit, qui non paret, sed qui odit. Sicut enim, quos odio habemus, ne vocem quidem audire, nec vultum eorum videre æquo animo patimur: ita & animæ, si quid præter Dei voluntatem nobis imperat, vehementer averfari oportet. Cùm enim jam de morte ad eos verba facturus esset, de morte videlicet sua, & prævideret eorum tristitiam & exanimationem, per excessum locutus est, inquit: Quid dico, si mortem meam generosè non feretis? Nisi vos ipsi moriamini, nullum vos sequetur emolumentum.
Te Deum laudamus.



FESTA FEBRUARII.

Die I. Februarii.

IN FESTO

S. IGNATII Episc. Mart.

Semiduplex.

Commem. S. Brigide Virginis.

ORA-

ORATIO.

EXaudi nos Deus salutaris noster: ut sicut de beatæ Brigidæ festiuitate gaudemus, ita piæ deuotionis erudiamur affectu. Per Dominum, &c.

Lectio IX.

Beatæ Brigida, in Scotia Christianis parentibus orta, & interdum Angelicis visionibus stipata, igneam columnam in capite tenere infans conspecta est. Ieiuniis, vigiliis, orationibus, eleemosynis, aliisque bonis operibus, atque mirâ sanctitate morum à teneris enituit. Petita in Matrimonium, quod pereleganti forma esset, à Christo, quem sibi Sponsum delegerat, alterius oculi deformitatem precibus ad id declinandum impetravit. Sacro velamine postmodum suscepto, sanitati restituta est. Virginitatis ejus gratiam & integritatem miraculo Deus testatam voluit: tactu Virginis, lignum altaris pedem, præter naturæ ordinem, reuiescere concedens. Vitæ sanctitate, & miraculorum plurimorum famâ illustris, Calend. Februarii, quieuit in Domino.

Die III. Februarii.

IN FESTO

S. BLASII Episcopi &
Martyris. *Semidupl.*

Omnia de communi unius Martyris.

ORATIO.

DEUS, qui nos beati Blasii Martyris tui atque
Ponti-

Pontificis, annuâ solennitate lætificas: concede propitius, ut cujus natalitia colimus, de ejusdem etiam protectione gaudeamus. Per Dominum.

Lectiones primi Nocturni.

De Scriptura occurrente.

In II. Nocturno.

Lectio IV.

Blasius Sebaſte in Armenia, &c. *ut in Romano Bre-
viario.*

Lectio V. & VI.

*De Expositione S. Ambrosii Episcopi, in Psalm. 118.
Serm. 21.*

Principes persecuti sunt me gratis, &c. *ut in com-
muni unius Martyris.*

In III. Nocturno.

Homilia in Evangelium. Si quis vult venire post
me, &c. *ut in eodem communi.*

Die VI. Februarii.

IN FESTO

S. DOROTHEÆ Virginis
& Martyris. *Dupl.*

ORATIO.

OMnipotens sempiterne Deus, in cujus nomine
gloriosa Virgo & Martyr Dorothea multorum
tormentorū genera superavit, te suppliciter
exoramus, ut ejus meritis & precibus cuncta peri-
cula vincamus, & nobis ipsam celerem adiutricem
in no-

in nostris necessitatibus sentiamus. Per Dominum, &c.

In I. Nocturno.

Lectioes de Scriptura occurrente. Si verò venerit in *Quadragesima*, leguntur de *Epistola* I. S. Pauli *Apostoli ad Corinth.* De *Virginibus* præceptum Domini non habeo, &c.

In II. Nocturno.

Lectio IV.

Dorothea Virgo, &c. ut in Breviario Romano.

Lectio V. & VI.

De *Serm. S. Ambrosii Episcopi, Lib. I. de Virgin. circa initium.* Quoniam hodiè natalis est *Virginis, &c.*

In III. Nocturno.

Homilia in Evangelium. Simile est regnum coelorum thesauro abscondito in agro. *Ut in communi nec Virginis nec Martyris.*

Die VIII. Februarii.

IN FESTO

S. JOANNIS de Matha

Confessoris. Duplex.

In hymn. ad Vesp. Hac die lætus meruit supremos laudis honores &c.

ORATIO.

DEUS, qui per S. Joannem de Matha ordinem SS. Trinitatis ad redimendum de potestate Sa-

B

race-

racenorum captivos coelitus instituere dignatus es: præsta quæsumus, ut ejus suffragantibus meritis à captivitate corporis & animæ te adjuvante liberemur. Per Dominum &c.

Lect. I. Noct. de script. occurrente.

In II. Nocturno.

Lectio IV.

JOannes de Matha Ordinis SS. Trinitatis redemptionis captivorum Institutor, Falcone in provincia natus est, parentibus pietate, & nobilitate conspicuis. Studiorum causâ Aquas Sextias, mox Parisios profectus, confectoque Theologiæ curriculo, Magisterii lauream adeptus doctrinæ & virtutum splendore enituit. Quibus motus Parisiensis Antistes ad S. Presbyteratûs ordinem præ humilitate reluctanter promovit eo consilio, ut in ea civitate commorans sapientia, & moribus studiosæ Juventuti præluceret. Cùm autem in Sacello ejusdem Episcopi, ipso cum aliis adstante, primum Deo Sacrum offerret, cœlesti favore meruit recreari. Nam Angelus candida, & fulgenti veste indutus, cui in pectore crux rubei, & cærulei coloris affuta erat, brachiis cancellatis, & super duos captivos ad latera positos, Christianum unum, alterum maurum, extensis apparuit. Qua visione in extasim raptus intellexit protinus vir Dei, se ad redimendos ab infidelibus captivos destinari. *R. Honestum.*

Lectio V.

QUO verò maturius in re tanti momenti procederet,

deret, in solitudinem secessit, ibiq; Divino nutu factum est, ut Felicem Valesiû in ipsa eremo jam multis annis degentem repererit, cum quo inita Societate se per trienniû in oratione, & contemplatione, omniumq; virtutû studio exercuit. Contigit autem, ut dum secum de rebus Divinis prope fontem colloquerentur, cervus ad eos accesserit crucem inter cornua gerens, rubei & cœrulei coloris. Cûmq; Felix ob rei novitatem miraretur; narravit ei Joannes visionem in prima Missa habitam, & exinde ferventiùs orationi incumbentes, ter in somnis admoniti; Romam proficisci decreverunt, ut à Summo Pontifice novi Ordinis pro redimendis captivis institutionem impetrarent. Electus fuerat eo tempore Innocentius Tertius, qui illis benignè acceptis, dum secum de re proposita deliberat, in festo S. Agnetis secundo, Laterani intra Missarum solemniam ad Sacrae Hostiae elevationem, Angelus ei candida veste, cruce bicolori specie redimentis captivos apparuit. Quo viso Pontifex Institutum approbavit, & novum Ordinem SS. Trinitatis redemptionis captivorum vocari iussit, ejusq; Professoribus albas vestes cum cruce rubei, & cœrulei coloris præbuit.

¶ Amavit.

Lectio VI.

Sic stabilito ordine Sancti Fundatores in Galliam redierunt; primoq; cœnobio Cervi Frigidi in Dioecesi Meldensi constructo, ad ejus regimen Felix remansit, & Joannes Romam cum aliquot

Sociis reversus est. Ubi Innocentius domum, Ecclesiam, & hospitale S. Thomæ de Formis in monte Coelio eis donavit cum multis redditibus & Possessionibus. Datis quoq; literis ad Miramolinum Regem Marrochii opus redemptionis felici auspicio inchoatum fuit. Tum ad Hispanias sub jugo Saracenorum magna ex parte oppressas, Joannes profectus est, Regumque, Principum, aliorumq; fidelium animos ad captivorum & pauperum commiserationem commovit, Monasteria ædificavit, Hospitalia erexit, magnoq; lucro animarum plures captivos redemit, Romam tandem reversus, sanctisq; operibus incumbens, assiduis laboribus attritus, & morbo confectus, ardentissimo DEI, & proximorum amore exæstuans, ad extremum devenit. Quare fratribus convocatis, eisque ad opus redemptionis cœlitus præmonstratum efficaciter cohortatis, obdormivit in Domino Sexto decimo Calendas Januarii Anno salutis 1213. ejusq; corpus in Ecclesia S. Thomæ de Formis condigno honore tumulatum fuit. *R. Iste homo.*

In III. Nocturno.

Homilia S. Gregorii Papa in Evang. Sint lumbi vestri.

Missæ. Os Justi. Oratio propria supra.

IX. Lectio de S. Helena.

Helena Magni Constantini Mater, singulari pietatis studio in Judæam profecta, Sacrosanctam Christi Domini Crucem invenit. Duas ibi Basilicas

cas magnificentissimas extruxit: alteram ad Præsepe Domini, alteram in monte Oliveti, ubi Christus in cœlum ascendit. Multas etiam Ecclesias Romæ, aliisq; locis exornavit. Jerosolymis sacratiss Deo Virginibus, quas ibi reperit, ipsa famulæ habitu succincta ministrare, aquam manibus fundere, cibum apponere, poculum porrigere voluit. Christianæ humilitatis, & charitatis exemplum omnibus se exhibens, pauperum inopiam omnistudio, atq; ope sublevabat. Deniq; octogesimo ætatis suæ anno, bonorum operum plena, beato fine quievit. *Te Deum &c.*

Die X. Februarii.

IN FESTO

S. SCHOLASTICÆ

Virginis.

ORATIO.

EXaudi nos Deus salutaris noster: ut sicut de beatæ Scholasticæ Virginis tuæ festivitate gaudemus; ita piæ devotionis erudiamur affectu. Per Dominum &c.

Lectio III.

Ex Greg. Magno, *Lib. 2. Cap. 33. Dialogorum.*
Scholastica S. Benedicti Abbatis soror, fratris exemplo mirificè ad spiritualis vitæ perfectionem excitata, spretis mundi voluptatibus, perpetuæ se voto virginitatis obstrinxit. Cùmq; fratrem sacri colloquii causâ quotannis invisere con-

suevisset, ad ipsam quoque vicissim pari studio Benedictus accedebat. Quem, cum aliquando reditum ad monasterium parantem, nequiret soror adducere, ut secum de rebus Divinis diutius ageret, tantam subito à Deo pluviam impetravit, ut ille piæ sororis votis satisfacere sit coactus. Tandem vitâ sanctissimè actâ, ejus animam columbæ specie in cœlum ascendentem Benedictus aspexit: sacrûmque corpus in idem sepulchrum intulit, quod sibi ipse paraverat. *R. de com. Virg.*

Die XII. Februarii.

**S. EULALIÆ Virg.
& Martyris.**

ORATIO.

Indulgentiam nobis &c. *Ut in Com. Virg.*

Lectio III.

Quoniam hodie Natalis est Virginis &c. *Ut in
Eodem Com.*

Die XIV. Februarii.

IN FESTO

**S. VALENTINI, Pres-
byteri & Mart. Semidupl.**

*Omnia de communi unius Martyris, exceptis iis, quæ
hic propria ponuntur.*

ORA-

ORATIO.

PRæsta quæsumus omnipotens DEUS: ut qui beati Valentini Martyris tui natalitia colimus, à cunctis malis imminentibus ejus intercessionē libere mur. Per Dominum &c.

In I. Nocturno.

Lectioes de Scriptura occurrente. Si verò venerit in Quadragesima; Lectioes dicuntur de Epistola Beati Pauli Apostoli ad Romanos c. 8. Fratres, debitores sumus &c.

In II. Nocturno.

Lectio IV. V. & VI.

De Sermonē S. Augustini Episc. Serm. 44. de Sanctis. Triumphalis beati Martyris &c.

In III. Nocturno.

Lectio sancti Evangelii secundum Matthæum.

Lectio VII.

IN illo tempore: Dixit Jesus discipulis suis: Nolite arbitrari, quia pacem venerim mittere in terram: non veni pacem mittere, sed gladium. Et reliquā.

Homilia S. Hieronymi, Presbyteri.

Lib. I. in Matth. Cap. 10.

SUPRÀ dixerat: quod dico vobis in tenebris, dicite in lumine, & quod in aure auditis, prædicite super tecta. Nunc infert, quid post prædicationem sequatur. Ad fidem Christi totus orbis contra se divisus est: unaquæq; domus & infideles & credentes habuit, & propterea bellum mis-

sum est bonum, utrumperetur pax mala. Tale quid & in Genesi adversus rebelles homines, qui moti fuerunt de oriente, & turrem extruere festinabant, per quam coeli alta penetrarent, fecisse scribitur Deus; ut videret lingvas eorum. *R. Corona aurea.*

Lectio VIII.

Veni enim separare hominem adversus patrem suum. Hic locus prope iisdem verbis in Michæa Propheta scribitur: & notandum ubicunq; de veteri testamento testimoniū ponitur: utrum sensus tantum, an sermo consentiat. Qui amat patrem, aut matrem plus, quàm me, non est me dignus. Qui ante præmiserat; non veni pacem mittere, sed gladium, & dividere homines adversus patrem & matrem, nurum & socrum, ne quis pietatem religioni anteferreret, subjecit dicens: Qui amat patrem aut matrem plus, quàm me: & in Cantico legimus Canticorum: ordinavit in me charitatem. Hic ordo in omni affectu necessarius est: ama post Deum, patrem, ama matrem, ama filios. *R. Hic est verè Martyr.*

Lectio IX.

Ordo pulcherrimus: ad prædicationem mittit, docet pericula non timenda, affectum subjicit religioni. Aurum supra tulerat, æs de Zona excusserat. Dura Evangelistarum conditio. Unde ergo sumptus, unde victus necessaria? Austeritatem mandatorū ipse temperat promissorum. Qui recipit, inquit, vos, me recipit, & qui me recipit,

recipit, recipit eum, qui me misit: ut in suscipiendis Apostolis unusquisque credentium Christum se suscepisse arbitretur. *Te Deum laudamus.*

Si venerit in Quadragesima, Lectio 9. & comm. Feria.

Die XVI. Februarii.

S. JULIANÆ V. & Mart.

ORATIO.

Deus, qui inter cetera: *de Comm. Virg. & Mart.*

Lectio III.

Juliana Virgo, Nicomediæ ob Christianæ fidei confessionem, Maximiano Imperatore, non solum ab Africano patre verberibus cæsa, sed etiam ab Eleusio præfecto, cui nubere recusarat, in foetidum carcerem detrusa, gravissimis tormentis cruciatur: cum verò nullo poenarum genere à Christiana Religione posset abduci, flammæ & ollæ ferventem, multis interim ad Christum perductis, mira constantiâ superavit. Ad extremum capite damnata, de diabolo, & fidei hostibus triumphavit.



FESTA MARTII.

Die III. Martii.

IN FESTO

S. CUNEGUNDIS Virg.

ORATIO.

Omnipotens sempiternæ Deus, qui à gloria tua

nullum excipis sexum, nullam conditionem excludis, te suppliciter exoramus, ut sicut S. Cune-
gundi Virgini tuæ post terreni culmen imperii,
cælestis regni solium contulisti, ita ejus precibus
nobis quoq; famulis æternæ felicitatis præmia lar-
giaris. Per Dominum.

Lectio III.

CUnegundis Sigefridi Palatini filia etsi Henrico
Cæsari nupsit, virginitatem tamen coluit,
quæ cum violati thori suspicionem incurrisset, per
ignitos vomeres illæsa nudis pedibus incessit. Ba-
silicas varias exstruxit. Defuncto Marito fidei an-
nulum ab Archiepiscopo & Virginum sacrarum
velum accepit. Vigilias, preces, rerum sacrarum
lectionem ad multam noctem produxit, fessaque
non nisi in strato cilicino quievit. Tandem 15.
annis in simili virtutum exercitio consumptis mi-
gravit ad Dominum. Viva Cænobii incendium
crucis signo restinxit & mortua quàm plurimos
variis morbis affectos curavit. Sacrum ejus cor-
pus Bambergæ colitur.

Die V. Martii.

**Translatio S. WENCES-
LAI Mart. Semidupl.**

*Omnia de communi unius Martyris, præter ea, quæ
hic assignantur.*

ORATIO.

Concede quæsumus plebi tuæ, omnipotens
Deus,

Deus, ut quæ Beati Wenceslai Martyris tui translatione lætatur in terris, ejusdem æternâ societate perfruatur in cœlis. Per Dominum &c.

Lectiões primi Nocturni.

Fratres debitores sumus &c. *De comuni plur. Mart.*

In II. Nocturno.

Lectio IV.

BEati Ducis & Martyris Wenceslai Corpus ,
cùm triennio jam Boleslaviæ , in æde Sancto-
rum Cosmæ & Damiani jaceret, atq; ibidem mira-
culis coruscaret, Pragensem in Urbem Boleslai fra-
tris jussu translatum est. Qui viventi manus in-
tulerat , in mortuum etiam impius fuit. Itaque
plaustro impositum clam omnibus , vitatâ populi
frequentiâ , unius noctis spatio inglorium & inho-
noratum deferri à suis imperavit, pænâ aurigæ im-
positâ , ut nisi ante lucem Pragam pervenisset , ca-
pite plecteretur. Sed hæc consilia Deus admira-
biliter dissipavit. *ix. Honestum.*

Lectio V.

Contendunt, uti imperatum fuerat, festinatio-
ne summâ. Binos fluvios aquis tunc præter so-
litum redundantes , equorum pedibus tantum
madefactis, transmittunt. Ubi ad carcerem ar-
ci Pragensi subiectum deventum est, ita equi con-
stitère, ut inde dimoveri non possent, nisi clarâ
jam luce, cum plurimi ingenti concursu convenis-
sent. Quod Boleslaus maximè vitabat, ejusq;
satellites obstinatè pernegabant, planum est omni-
bus

bus factum, sacratissimum Beati Wenceslai Corpus ab ipsis deferri. *R. Desiderium.*

Lectio VI.

Accessit miraculum aliud, quo res illustrior fieret. Vincti ad unum omnes, qui carcere custodiebantur, divinitus redditi liberati, in cuius rei memoriam ædes S. Wenceslai nomine insignis, ibidem constructa est. Attonitis ob hæc prodigia omnibus, Beati Principis Corpus in Sancti Viti templum, quod ipse olim fundaverat, fuit illatum. Rejectis involucris, unâ demptâ auriculâ, quæ deinde capiti admota momento coaluit, artus planè integros, obductis vulnerum cicatricibus, summa cum admiratione reperiunt. Itaq; inter hymnos & cantica, cum omnia facibus collucerent; Sacerdotum, clericorúmque operâ, eâ, quâ par erat veneratione reconditum fuit. *R. Stola.*

In III. Nocturno.

Homilia in Evangel: Si quis vult post me venire, abneget semetipsum. *De com. unius Mart. 9.*

Lectio & com. Feria, si venerit in Quadragesima.

Ad Missam Introitus: Lætabitur justus &c. *Ut in ipso Festo ejusdem assignatur 28. Septembris.*

Die XVII. Martii.

IN FESTO

S. GERTRUDIS Virg.

Semiduplex.

Omnia de com. Virg. non Mart.

ORA-

ORATIO.

Indulgentiam tuam nobis, quæsumus Domine, beata Gertrudis Virgo imploret, quæ tibi grata semper extitit & merito castitatis, & tuæ professione virtutis. Per Dominum &c.

In I. Nocturno.

Lectioes de Epistola 1. Beati Pauli Apost. ad Corint. Cap. 7. c. De Virginibus præceptum Domini &c.

In II. Nocturno.

Lectio IV.

Sancta Gertrudis Virgo, clarissimis parentibus, patre Pipino Magno Regis Franciæ Procuratore domûs, matre verò Itta, fœmina pudicissima sanctâq; nata fuit. Modestiam & humilitatis virtutem à prima ætate ita coluit, ut ancillis suis seministram ancillamq; præstaret. Rex Dagobertus cùm eam Ducis Austrasiæ filio, qui tum in comitatu ejuserat, uxorem postularet; Virgo respondit: se neq; hunc, neq; mortalium quempiam, sed solum Christum Deum Sponsum habere velle. Juvenis ille repulsam passus, cùm nihilo minus à proposito non desisteret, Virgo sancta, parentum auxilio in Orientalem Franciam cum Atalango Presbytero, & Bernardo Diacono profugit: ibiq; in loco, qui Caroli mons nominatur, per Divinam revelationem, corpora Sanctorum Martyrum Kiliani & Sociorum ejus invenerunt. *R. Propter veritatem.*

Lectio V.

Pipino patre, simul & juvene illo proco mortuis,
beata

beata Gertrudis ad matrem rediit : domum suam in Monasterium Sanctimonialium, Amando Episcopo adiutore, converterunt. Et ne Gertrudis à quibusquam procis amplius pateretur insidias, mater ipsa filiae capillum abscidit. Quae aliquanto post inter Virgines suscepto velamine, consecrata est. Post obitum matris cum ipsa Monasterii curam suscepisset, ut liberiùs Deo serviret, facrisq; studiis vacare posset, eam exemplo Moysis divisit in plures. Interim non solum in sacrarum litterarum scientia, sed in spiritualibus quoq; virtutibus ita profecit, ut à sororibus lux aliquando sphaerae igneae super eam irradiare sit visa. Nuntios quoque suos in mari periclitantes invocata, licet absens corpore liberavit. Ad hæc beati Martyris Foillani corpus, indicio supernae revelationis, ipsa meruit invenire. *R. Dilexisti iustitiam.*

Lectio V l.

Cum Divino Spiritu se morti proximam esse cognovisset, ut reliquum trium mensium tempus in opera pietatis, & beatæ vitæ studium, sanctiùs expenderet, omnem Monasterii curam Volfetrudi cognatæ suæ tradidit. Sepulturam qualem habere vellet, omni pompa vacuum, ordinavit : corpus tantum cilicio, quo uti consueverat, caput autem vili quodam velo, à sacra quadam Virgine donato, tegi voluit. Deinde à Sancto Ultano Monacho de die obitus sui facta certior, anno ætatis suæ trigesimo tertio, sumpto sacratissimi corporis viatico, animam suam creatori Deo reddidit :
Beato

Beato Patritio cum Sanctis Angelis illi, ut Vates
Ultanus prædixerat, occurrente. Eadem enim
dies, nempe Martii decima septima Sancto Patri-
tio Hibernorum Apostolo jam pridem erat sacra.
R. Adducentur Regi.

In III. Nocturno.

Homilia in Evang. Simile est Regnum Cœlorum de-
cem Virginibus &c. 9. *Lect. & com. Feria.*
Ad Missam Introitus. Dilexisti iustitiam &c.

OFFICIUM SEPTEM DOLORUM

B. MARIE Virginis.

*Feria sexta post Dominicam Passionis celebratur Officium
septem Dolorum B. Mariæ Virginis ritu duplici.*

Ad Vesperas Antiphona.

Vadam ad montem myrrhæ, & ad collem thuris.

Psal. 115. Credidi propter quod locutus sum tibi
ego autem humiliatus sum nimis. *Vide Feriâ secun-
dâ ad Vesperas.*

Ant. Dilectus meus candidus & rubicundus: co-
mæ capitis sicut purpura Regis vincta canalibus.

Psal. 119. Ad Dominum cum tribularer clama-
vi: & exaudivit me. *Vide Feriâ secundâ ad Vesperas.*

Antiph. Quo abiit dilectus tuus, ô pulcherrima
mulierum! Quo dilectus tuus declinavit.

Psal. 139. Eripe me Domine ab homine malo: a
viro iniquo eripe me. *Vide Feriâ sextâ ad Vesperas.*

Antiph.

Antiph. Fasciculus myrrhæ dilectus meus mihi,
inter ubera mea commorabitur.

Psal. 140. Domine clamavi ad te exaudi me :
intende voci meæ, cùm clamavero ad te. *Vide Fe-
riâ sextâ ad Vesperas.*

Antiph. Fulcite me floribus, stipate me malis,
quia amore langueo.

Psal. 141. Voce mea ad Dominum clamavi :
Voce mea ad Dominum deprecatus sum. *Vide Fe-
riâ sextâ ad Vesperas.*

Capitulum. Isaia 53.

Quis credidit auditui nostro, & brachium Do-
mini cui revelatum est? Et ascendet sicut virgul-
tum coram eo, & sicut radix de terra sitienti.

Hymnus.

STabat Mater dolorosa, juxta crucem lacrymo-
sa, Dum pendebat Filius.

Cujus animam gementem, Contristantem, &
dolentem, Pertransivit gladius.

O quàm tristis & afflicta, Fuit illa benedicta
Mater Unigeniti!

Quæ morebat, & dolebat, Et tremebat cùm
videbat Nati poenas inclyti.

Quis est homo qui non fleret, Christi Matrem
si videret, In tanto supplicio?

Quis non posset contristari, Piam Matrem con-
templari Dolentem cum Filio.

Pro peccatis suæ gentis Vidit Jesum in tormen-
tis, Et flagellis subditum.

Vidit suum dulcem natum Morientem, deso-
latum, Dum emisit Spiritum.

Eja Ma-

Eja Mater fons amoris, Me sentire vim doloris
Fac, ut tecum lugeam.

Fac, ut ardeat cor meum In amando Christum
Deum, Ut sibi complaceam. Amen.

✠. Ora pro nobis Virgo dolorosissima.

✠. Ut digni efficiamur promissionibus Christi.

Ad Magnificat Antiphona.

Tuam ipsius animam (*sic ad Mariam Simeon*) per-
transivit gladius.

ORATIO.

INterveniat pro nobis, quæsumus Domine IESU
Christe nunc & in hora mortis nostræ apud tu-
am clementiam beata Virgo Maria Mater tua, cu-
jus sacratissimam animam in hora tuæ passionis
doloris gladius pertransivit. Qui vivis & regnas
cum Deo Patre in unitate Spiritûs sancti Deus per
omnia sæcula sæculorum. Amen.

Ad Matutinum Invitatorium.

Dolores gloriosæ recolentes Virginis, Domi-
num pro nobis passum, * Venite adoremus. *Psal-*
mus. Venite exultemus.

Hymnus.

Sancta Mater istud agas, Crucifixi fige plagas
Cordi meo validè.

Tui nati vulnerati, Tam dignati pro me pati
Poenas mecum divide.

Fac me verè tecum flere, Crucifixo condolare,
Donec ego vixero.

Juxta Crucem tecum stare, Te libenter sociare
In planctu desiderio. Amen.

C

In

In I. Nocturno.

Antiph. Astiterunt reges terræ, & principes convenerunt in unum adversus Dominum, & adversus Christum ejus.

Psal. 2. Quare fremuerunt gentes : & populi meditati sunt inania. *Dominica ad Matutinum.*

Antiph. Voce mea ad Dominum clamavi, & exaudivit me de monte sancto suo.

Psal. 3. Domine quid multiplicati sunt qui tribulant me ? multi insurgunt adversum me. *Vide Dominica ad Matutinum.*

Antiph. Factum est cor meum tanquam cera liquescens in medio ventris mei.

Psal. 12. Usquequò Domine oblivisceris me in finem ? Usquequò avertis faciem tuam à me ? *Vide Dominica ad Matutinum.*

✠. Posuit me desolatam.

✠. Tota die mœrore confectam.

Pater noster. *Absolutio.* Exaudi Domine. ✠. Jube Domne Benedicere. Benedictione perpetua.

De Isaia Propheta. cap. 53.

Lectio I.

Quis credidit auditui nostro ; Et brachium Domini cui revelatum est ? Et ascendet sicut virgultum coram eo , & sicut radix de terra sitienti : non est species ei, neque decor : & vidimus eum, & non erat aspectus, & desideravimus eum : Despectum & novissimum virorum, virum dolorum, & scientem infirmitatem : & quasi absconditus vultus ejus & despectus, undè nec reputavimus eum.

eum. Verè langviores nostros ipse tulit, & dolores nostros ipse portavit: & nos putavimus eum quasi leprosum, & percussum à Deo, & humilitum. Ipse autem vulneratus est propter iniquitates nostras, attritus est propter scelera nostra: disciplina pacis nostræ super eum, & livore ejus sanati sumus.

R. Dilectus meus candidus, & totus desiderabilis:

* Omnis enim figura ejus amorem spirat, & ad redamandum provocat caput inclinatum, manus expansæ, pectus apertum.

V. Piis, ô Virgo, spectas eum oculis, contemplan in eo non tam vulnere livorem, quàm mundi salutem. Omnis enim.

Benedict: Unigenitus Dei Filius.

Lectio II.

OMnes nos quasi oves erravimus, unusquisque in viam suam declinavit: & posuit Dominus in eo iniquitatem omnium nostrorum. Oblatus est, quia ipse voluit, & non aperuit os suum: sicut ovis ad occisionem ducetur, & quasi agnus coram tondente se obmutescet, & non aperiet os suum. De angustia, & de judicio sublatus est: generationem ejus quis enarrabit? Quia abscissus est de terra viventium: propter scelus populi mei percussus eum. Et dabit impios pro sepultura & divitem pro morte sua: eò quod iniquitatem non fecerit, neque dolus fuerit in ore ejus. R. natus

Benedictio. Spiritus sancti gratia.

Lectio III.

ET Dominus voluit conterere eum in infirmitate.

tenantes clavum eiusque fœderati. Tumana salutis gratia quasi agnus
 natus. R. Salva in manibus eius: in abscondita est virtus eius. R. natus
 manus eius: R. humana salutis.

te: si posuerit pro peccato animam suam, videbit semen longævum, & voluntas Domini in manu ejus dirigitur. Pro eo quòd laboravit anima ejus, videbit & saturabitur: in scientia sua justificabit ipse justus servus meus multos, & iniquitates eorum ipse portabit. Ideò dispartiam ei plurimos, & fortium dividet spolia, pro eo quòd tradidit in mortem animam suam, & cum sceleratis reputatus est: & ipse peccata multorum tulit, & pro transgressoribus rogavit.

R. Diligebat Jesus Joannem; * quoniam specialis prærogativa castitatis ampliori dilectione fecerat dignum: * Quia Virgo electus ab ipso, Virgo in ævum permansit. ✠. In Cruce denique moriturus huic Matrem Virginem Virgini commendavit. Quoniam specialis. Gloria Patri. Quia Virgo.

In II. Nocturno.

Antiph. Inimici mei dixerunt mala mihi: Quando morietur, & peribit nomen ejus.

Psal. 40. Beatus qui intelligit super egenum & pauperem: in die mala liberabit eum Dominus. *Vide Feriâ tertiâ ad Matutinum.*

Antiph. Deus, vitam meam annuntiavi tibi, posuisti lacrymas meas in conspectu tuo.

Psal. 55. Miserere mei Deus, quoniam concucavit me homo: tota die impugnans tribulavit me. *Vide Feriâ quartâ ad Matutinum.*

Antiph. Filii hominum, dentes eorum arma & sagittæ: & lingua eorum gladius acutus.

Psalms.

Psal. 56. Miserere mei Deus, miserere mei: quoniam in te confidit anima mea. Vide Feriâ quartâ ad Matutinum.

✠. Facies mea intumuit à fletu.

℟. Et palpebræ meæ caligaverunt.

Pater noster. *Absolutio.* Ipsius pietas. ✠. Jube Domne. *Benedictio.* Deus Pater omnipotens.

Sermo S. Bernardi Abbatis. Ex serm. de 12. stellis.

Lectio IV.

Martyrium Virginis tam in Simeonis prophetia, quàm in ipsa Dominicæ Passionis historia commendatur. Positus est hic (ait sanctus senex de puero Jesu) in signum cui contradicetur; & tuam ipsius animam (ad Mariam autem dicebat) pertransibit gladius. Verè tuam, ô beata Mater, animam pertransivit. Alioquin non nisi eam pertransiens, carnem filii tui penetraret. Et quidem posteaquàm emisit Spiritum tuus ille Jesus, in ipsius planè non attigit animam crudelis lancea, quæ ipsius aperuit latus, sed tuam utique animam pertransivit. Ipsi nimirum anima jam ibi non erat, sed tua planè nequibat inde avelli.

℟. Tenebræ factæ sunt cùm crucifixissent Jesum Judæi, & circa horam nonam exclamavit Jesus vocem magna: Deus meus, ut quid dereliquisti me? Et inclinato capite emisit Spiritum.

✠. Quis tibi nunc sensus, dum cernis talia; Virgo? Et inclinato capite. *Benedictio.* Christus perpetuæ.

Lectio V.

TUam ergo pertransiuit animam vis doloris, ut plusquam Martyrem non immeritò prædicemus, in qua nimirum corporeæ sensum passionis excefferit compassionis affectus. An non tibi plusquam gladius fuit sermo ille, reverà pertransiens animam, & pertingens usque ad divisionem Animæ & Spiritûs: Mulier, ecce filius tuus? O commutationem! Joannes tibi pro Jesu traditur, servus pro Domino, discipulus pro Magistro, filius Zebedæi pro filio Dei, homo purus pro Deo vero. Quomodo non tuam affectuosissimam animam pertransiret hæc auditio, quando & nostra, licet laxea, licet ferrea pectora, sola recordatio scindit.

✠. Passio Domini, Ipsam ejus matrem, carnali orbitate: graviter percussam, vehementissimè contristavit.

✠. Ferrum lanceæ militaris, latus quidem salvatoris, animam verò transiuit Virginis matris. Ipsam ejus Matrem. *Benedict.* Ignem sui amoris.

Lectio VI.

NON miremini, fratres, quòd Maria martyr in anima fuisse dicatur. Miretur qui non meminerit se audivisse Paulum inter maxima gentium crimina memorantem, quòd sinè affectione fuissent. Longè id fuit à Mariæ visceribus, longè sit à servulis ejus. Sed fortè quis dicat: Numquid non eum præscierat moriturum? Et indubitanter. Numquid non sperabat continuò resurrecturum? Et fideliter. Super hæc doluit Crucifixum? Et vehementer. Alioquin quisnam tu frater, aut unde tibi

tibi hæc sapientia, ut mireris plus Mariam compa-
tientem, quam Mariæ filium patientem? Ille eti-
am mori corpore potuit, ista commori corde non
potuit? Fecit illud Charitas, qua majorem nemo
habuit: fecit & hoc Charitas, cui post illam simi-
lis altera non fuit.

R. Quis mihi det te fratrem meum sugentem u-
bera matris meæ, & in hærendo lateri tuo, ut
sanguis tuus sanguinem meum tangat, & ter-
gat. Ut fons aquæ tuæ de scaturigine recti cor-
dis, per venas boni operis, in finem æternæ feli-
citatæ exiliat?

V. Filii tui de longè venient, & filiæ tuæ de latere
surgent. Ut fons. Gloria Patri. Ut fons.

In III. Nocturno.

Antiph. Intenderunt arcum, rem amaram, ut
sagittent in occultis immaculatum.

Psal. 63. Exaudi Deus orationem meam cum
deprecor: à timore inimici eripe animam meam.
Vide Feriâ quartâ ad Matutinum.

Antiph. Factus sum sicut homo sine adjutorio,
inter mortuos liber.

Psal. 87. Domine Deus salutis meæ: in die cla-
mavi, & nocte coram te. *Vide Feriâ sextâ ad Matut.*

Antiph. Replevit me amaritudine, inebriavit
me Absynthio.

Psal. 108. Deus laudem meam ne tacueris: quia
os peccatoris, & os dolosi super me apertum est.
Vide Sabbato ad Matutinum.

V. Vitam meam annuntiavi tibi.

℟. Posuisti lacrymas meas in conspectu tuo.
Pater noster. *Absolutio.* A vinculis. ♣. Jube Dom-
ne. *Benedictio.* Evangelica lectio.

Lectio sancti Evangelii secundum Joannem. cap. 19.

Lectio VII.

IN illo tempore: stabant juxta crucem Jesu Ma-
ter ejus, & soror matris ejus Maria Cleophæ, &
Maria Magdalene. Et reliqua.

Homilia sancti Augustini Episcopi. *Tractat. 119.*
in Joannem.

HÆc nimirum est illa hora, de qua Jesus, aquam
conversurus in vinum, dixerat matri: Quid
mihi & tibi est mulier? Nondum venit hora mea.
Hanc itaq; horam prædixerat, quæ tunc nondum
venerat, in qua deberet agnoscere moriturus, non
divinitatis, sed infirmitatis matrem velut incogni-
tam repellebat. Nunc autem humana jam pati-
ens, ex qua fuerat homo, affectu commendabat
humano: moralis igitur insinuatur locus. Facit
quod faciendum admonet, & exemplo suo suos
ministros instruxit præceptor bonus, ut à filiis piis
impendatur cura parentibus: tamquam lignum
illud ubi fixa erant membra morientis, etiam ca-
thedra fuerit Magistri docentis.

℟. Doleo super te fili mi Jesu, decorus nimis, &
amabilis super amorem mulierum! sicut enim
mater unicū diligit filium, ita ego te diligebam.
♣. Defecit in dolore vita mea, & anni mei in gemit-
ibus. Sicut. *Benedictio.* Cujus festum colim-
us.

Lectio

Lectio VIII.

EX hac sana doctrina didicerat, Paulus Apostolus, quod docebat quando dicebat: Si quis autem suis, & maximè domesticis non providet, fidem negavit, & est infideli deterior. Quid autem tam cuique domesticum, quam parentes filiis? Hujus itaque saluberrimi præcepti ipse Magister sanctorum de se ipso constituerebat exemplum: quando non ut famulæ Deus, quam creaverat, & regebat, sed ut matri homo, qua creatus fuerat, & quam relinquebat, alterum pro se quodammodo filium providebat.

✠ Eja mater fons amoris, fac nos sentire vim doloris, & tecum lugeamus: * Et Dominicæ passionis fructum sentiamus.

✠. Ut sicut filius tuus Jesus pro nobis mortuus est, & resurrexit, ita & nos commortui cum eodem resurgamus. Et Dominicæ. Gloria Patri. Et Dominicæ. *Benedictio.* Per Evangelica dicta.

Lectio sancti Evangelii secundum Joannem. cap. 11. f.

Lectio IX.

IN illo tempore: Collegerunt Pontifices & Pharisei concilium adversus Jesum, & dicebant: Quid facimus, quia hic homo multa signa facit? Et reliqua.

Homilia sancti Augustini Episcopi *Tract. 49. in Joannem sub finem.*

Pontifices & Pharisei sibi consulebant: nec tamen dicebant, credamus. Plus enim perdit homines cogitabant quomodo nocerent ut perderent

derent, quàm quomodo sibi consulerent, nè perirent: & tamen timebant, & quasi consulebant. Dicebant enim: Quid facimus, quia hic homo multa signa facit? Si dimittimus eum sic, omnes credent in eum: & venient Romani, & tollent nostrum locum, & gentem. Temporalia perdere timuerunt, & vitam æternam non cogitaverunt, ac sic utrumq; amiserunt. Te Deum Laudamus.

Ad Laudes & per horas Antiphona.

Vadam ad montem myrrhæ, & ad collem thuris. *Psalmus.* Dominus regnavit. *Cum reliquis de Dominica.*

Antiphona. Dilectus meus candidus, & rubicundus, comæ capitis ejus sicut purpura Regis vineta canalibus.

Antiphona. Quò abiit dilectus tuus, ô pulcherri-
ma mulierum! Quò dilectus tuus declinavit!

Antiphona. Fasciculus myrrhæ dilectus meus mihi,
inter ubera mea commorabitur.

Antiphona. Fulcite me floribus, stipate me malis
quia amore langveo.

Capitulum. Isaia 53.

Quis credidit auditui nostro? Et brachium Domini cui revelatum est? Et ascendet sicut virgultum coram eo, & sicut radix de terra sitienti.

Hymnus.

Virgo Virginum præclara, Mihi jam non sis amara, Fac me tecum plangere.

Fac ut portem Christi mortem, Passionis ejus sortem, Et plagas recolere.

Fac

Fac me plagis vulnerari, Cruce hac inebriari,
Ob amorem Filii.

Inflammatum, & accensum, Per te Virgo sum de-
fensus In die judicii.

Fac me cruce custodiri, Morte Christi præmu-
niri, Confoveri gratia.

Quando corpus morietur, Fac ut animæ do-
netur Paradisi Gloria. Amen.

✠. Ora pro nobis Virgo dolorosissima.

✠. Ut digni efficiamur promissionibus Christi.

Ad Benedictus Antiphona.

Cum vidisset Jesus matrem stantem juxta crucem,
& discipulum quem diligebat, dicit matri suæ:
Mulier, ecce filius tuus. Deinde dicit discipu-
lo: Ecce mater tua.

ORATIO.

Interveniat pro nobis, quæsumus Domine Jesu
Christe, nunc & in hora mortis nostræ apud tu-
am clementiam beata Virgo Maria mater tua, cu-
jus sacratissimam animam in hora tuæ passionis
doloris gladius pertransivit. Qui vivis & regnas
cum Deo Patre.

Et fit commemoratio Ferie. Antiphona.

Appropinquabat autem dies festus Judæorum: &
quærebant Principes sacerdotum quomodo Je-
sum interficerent, sed timebant plebem.

✠. Eripe me de inimicis meis Deus meus.

✠. Et ab insurgentibus in me libera me.

ORATIO.

Cordibus nostris, quæsumus Domine, gratiam

tuam benignus infunde: ut peccata nostra castigatione voluntaria cohibentes temporaliter potius maceremur, quàm suppliciis deputemur æternis. Per Dominum.

Ad Complet. & per horas, in fine Hymnorum dicitur.
Jesu tibi sit gloria. Qui natus es de Virgine, &c.

Ad primam Antiphona. Vadam ad montem.
R. Breve. Christe fili Dei vivi, * Miserere nobis.
Christe. **V.** Qui passus es pro homine. Miserere nobis. Gloria Patri. Christe fili Dei vivi miserere nobis.

V. Exurge Christe, adjuva nos.

R. Et libera nos propter nomen tuum.

Ad tertiam Antiphona. Dilectus meus.

Capitulum. Quis credidit. *ut supra.*

R. Breve. Posuit me, * Desolatam. Posuit. Tota diemærore confectam. Desolatam. Gloria Patri. Posuit.

V. Facies mea intumuit à fletu.

R. Palpebræ meæ caligaverunt.

Ad sextam Antiphona. Quò abiit.

Capitulum. *Isaia 53.*

Ipsè vulneratus est propter iniquitates nostras, attritus est propter scelera nostra. Disciplina pacis nostræ super eum, & livore ejus sanati sumus.

R. Brev. Facies mea, * Intumuit à fletu. Facies mea.

V. Et palpebræ meæ caligaverunt. Intumuit. Gloria Patri. Facies mea.

V. Deus Vitam meam annuntiavi tibi.

R. Posuisti lacrymas meas in conspectu tuo.

Ad nonam

Ad nonam Antiphona. Fulcite me floribus.

Capitulum. Isaia 53.

Generationem ejus quis enarrabit? Quia abscessus est de terra viventium, propter scelus populi mei percussus eum.

R. Breve. Deus vitam meam, * Annuntiavi tibi. Deus vitam meam.

V. Posuisti lacrymas meas in conspectu tuo. Annuntiavi. Gloria Patri. Deus vitam meam.

V. Ora pro nobis Virgo dolorosissima.

R. Ut digni efficiamur promissionibus Christi.

In secundis Vesperis, omnia ut in primis.

Ad Magnificat Antiphona.

Cum vidisset Jesus matrem stantem juxta crucem, & discipulum quem diligebat, dicit matri suæ: Mulier, ecce filius tuus. Deinde dicit Discipulo: Ecce mater tua.

Et fit commemoratio Ferie. Antiphona.

Principes Sacerdotum consilium fecerunt ut Jesum occiderent: dicebant autem: Non in die festo, ne fortè tumultus fieret in populo.

V. Eripe me Domine ab homine malo.

R. A viro iniquo eripe me.

ORATIO.

Concede quæsumus omnipotens Deus: ut quæ protectionis tuæ gratiam quærimus, liberati à malis omnibus secura tibi mente serviamus. Per Dominum nostrum Jesum Christum Filium tuum. Qui tecum vivit & regnat, &c.

FESTA

FESTA APRILIS.

Die II. Aprilis.

IN FESTO
S. FRANCISCI
de Paula Confess.

Fit Comm. S. Mariæ Ægyptiaca.

ORATIO.

DEus, qui nos in solennitate Beatæ Mariæ peccatricis adunare voluisti, concede propitius, ut ejus glorioso interventu post vitæ fragilis terminum tibi in æternitate tua mereamur associari. Per Dominum.

Lectio IX.

MARIA nata in Ægypto duodecimo ætatis anno Alexandriæ per 17. annos se ignominiosè prostituit, quæ cum una cum aliis Jerosolymam venisset ingressura Ecclesiam iterum ac tertio ab ipso lumine invisibilem repulsam passa est, quare ante imaginem Deiparæ prostrata sæculo se renuntiaturam promisit. Ingressa sine impedimento audivit vocem: si transieris Jordanem, salva eris. Jordane superato per 47. annos austerimè vixit. Tandem ab Abbate Zozya in cremo reperta omnem vitæ suæ rationem aperuit, ac in die cænæ Domini factò crucis signo super aquas transiens S. Euchari- stiâ refecta quievit in Domino: corpus sequenti anno Zozyas leone terram effodiente sepelivit.

Die

Die XXIII. Aprilis.

IN FESTO

S. ADALBERTI Episc.

& Mart. Duplex.

Omnia de communi Martyrum tempore Paschali, exceptis iis, qua hic propria ponuntur.

ORATIO.

Tuam nobis indulgentiam quæsumus Domine, beatus Adalbertus Episcopus & Martyr imploret, ut & delicta nobis clementer ignoscas, & beneficia desiderata concedas. Per Dominum &c.

In I. Nocturno.

Lectiones de communi unius Martyris. A Mileto &c. Respons. Beatus vir &c. Ut tempore Paschali.

In II. Nocturno.

Lectio IV.

Adalbertus, Episcopus Pragensis, in Boëmia nobilissimis parentibus, Slaunico Libecensi Comite, ac Strezyslava natus Voitechus antea patrio sermone dictus fuit: ab Episcopo autem Magdeburgensi, Adalberto, apud quem deinceps puer ac honestissimè educatus est, alterum nomen accepit. Postquam Ditmaro in Episcopatu Pragensi successit, eum sanctissimè, in magna vitæ continentia, pietate, pauperumq; cura gessit. Propter contumacis tamen populi gravia peccata, deserere illum coactus, sedem Apostolicam hac de re consulturus in Italiam se contulit. *R. Lux perpetua.*

Lectio

Lectio V.

Peregrinatione Jerosolymitanâ, quam instituerat, intermissâ, Romæ Leoni Abbati Sancti Bonifacii commendatur. Ibi cum in religiosa vita quinquennium exegisset, à Pragensibus pertæsis orbitatis denuò revocatur. Principis ipsius & Archi-Episcopi Moguntini nuntiis precibusque exoratus Pontifex, redire Adalbertum ad suos jubet. Recipiunt læti reducem: non diu tamen illi obtemperant: sacras enim ædes invadunt, fontesq; qui ad illas confugerant, per vim ereptos interficiunt. Iterum illos deserit Adalbertus; animoq; ad convertendas gentes alias, & ad Martyrium destinato, ut benedictionem tamen Sedis Apostolicæ obtineat, Romam revertitur. *R. In Servis suis.*

Lectio VI.

Denuò Pragenses & Moguntinus Adalbertum repetunt. Cumq; jussu Pontificis iterum ad illos rediret, tres fratres suos ab eis cæsos esse cognoscit. Pragensem ergò viam præclusam sibi, mentesq; illorum à se alienatas esse videns, Deo gratiis actis, convertendi gentes, quod Romanus Pontifex probaverat, institutum suum prosequitur. Hungariam cum Rege Geisa, ejusque filio Sancto Stephano, in fide Christi confirmat: Poloniam vicinam, cognatamq; Boëmis suis gentem, salutaribus præceptis copiosius instruit. Post triennium autem Radzino fratre in Archi-Episcopatum Gnezensem suffecto, ipse in Prussiam, idolis adhuc & dæmonibus servientem, proficiscitur.

Ibi

Ibi dum religionem Christianam diffeminaret, apud Fishaufum sinûs Venedici oppidum, inter sacrificandum confossus, & in partes dissectus est. Corpus ejus à Boleslao Chabro Principe Poloniæ postea redemptum, & in Tremense Monasterium prius, deinde Gneznam Metropolim honorificè translatus est. *R. Filia Jerusalem.*

In III. Nocturno.

Lectio sancti Evangelii secundum Joannem.

Lectio VII.

IN illo tempore: dixit Jesus discipulis suis: Ego sum pastor bonus. Bonus pastor animam suam dat pro ovibus suis. Et reliqua.

Homilia S. Gregorii papæ. *Homil. 17. in Evang.*

ESt aliquid, fratres charissimi, quod me de vita pastoris vehementer affligit. Ad exteriora enim negotia delapsi sumus; & aliud ex honore suscipimus; atq; aliud ex officio actionis exhibemus. Ministerium prædicationis relinquimus, & ad poenam nostram, ut video, Episcopi vocamur, qui honoris nomen non virtutis tenemus. Relinquant namq; Deum hi, qui nobis commissi sunt, & tacemus: in pravis actionibus jacent, & correctionis manus non tendimus: quotidie per multas nequitias pereunt, & eos ad infernum tendere negligenter videmus. *R. Ego sum vitis.*

Lectio VIII.

Sed quomodo nos vitam corrigere valemus alienam, qui negligimus nostram? Curis enim sæ-

D

culari-

cularibus intenti, tantò insensibiliores intus effici-
mur, quantò ad ea, quæ foris sunt, studiosiores
videmur. Usu quippè curæ terennæ, à cœlesti
desiderio obdurefcit animus: & dum ipso suo usu
durus efficitur, per actionem sæculi, ad ea emolli-
rî non valet, quæ pertinent ad charitatem DEI.
Unde benè sancta Ecclesia de membris suis infir-
mantibus dicit: Posuerunt me custodem in vine-
is: vineam meam non custodivi. *R. Candidi fa-
cti sunt.*


Lectio IX.

CONSIDERATE ergò, quid de gregibus agatur,
quando pastores lupi sunt: hi enim custodi-
am gregis suscipiunt, qui insidiari gregi Dominico
non metuunt, contra quos greges Dei custodire
debuerant. Nulla animarum lucra quærimus, ad
nostra quotidie studia vacamus; terrena concu-
piscimus, humanam gloriam intentâ mente ca-
ptamus. Et quia eo ipso, quo cæteris Prælati su-
mus, ad agenda quælibet maiorem licentiam ha-
bemus: susceptæ benedictionis ministerium ver-
timus ad ambitionis argumentum. Dei causas
relinquimus, ad terrena negotia vacamus: Lo-
cum sanctitatis accipimus, & terrenis actibus im-
plicamur. Impletum est in nobis profectò, quod
scriptum est: Et erit sicut populus, sic sacerdos.
Te Deum laudamus.

Ad Missam Introitus. Protexisti me Deus &c. *Ut
habetur in Patr. Regni Polonia.*

Die XXIV. Aprilis.

IN FESTO

S. GEORGII Mart. *Dupl.**Omnia ut in Romano Breviario.*

FESTA MAJI.

Die I. Maji.

IN FESTO

SS. Apost. PHILIPPI
& JACOBI.*Fit Commem. S. Walburgis Virginis in laud. tantum.*

ORATIO.

Exaudi nos Deus salutaris &c.

Lectio IX. de S. Walburge.

Walburgis in Anglia nata, Abbatissa Monasterii Heidenheim, Eystadiensis Diocesis, soror S. Wilibaldi, Episcopi Eystadiensis, Virgo sanctissima, conversatione atq; multis virtutibus & signis clara enituit. Ad cujus sanctitatem declarandam Deus varia beneficia piè petentibus, sub ipsius patrocinio, clementer ostendit. Obiit verò Quinto Calendas Martias, in Monasterio suo; ubi corpus ejus primùm conditum est; postea verò sacræ ipsius reliquiæ, Calendis Maji, Eystadium translatae, stillando oleum, perenni fulgent miraculo.

Die IV. Maji.

IN FESTO

S. FLORIANI M. Semid.

*Omnia dicuntur de communi Mart. tempore paschali:
exceptis iis, quæ hic assignantur.*

ORATIO.

DEus qui nos beati Floriani Martyris tui solennitate lætificas; concede propitius, ut cujus gloriosum triumphum veneramur in terris, societatis ejus lætitiæ adipisci mereamur in cœlis. Per Dominum &c.

In I. Nocturno.

Lectio. de comm. plur. Mart. Fratres Debitores &c.

*In II. Nocturno.**Lectio IV.*

Ex Martyrologio, & Annal. Polonia.

FLorianus Martyr, passus est Diocletiano & Maximiano Imperatoribus, persecutione decima, eaq; ultima. Cùm Theciæ audivisset, quadraginta milites, qui sub ejus signis aliquando stipendia merebant, Laureacum Norici Martyrii causa ablegatos, ac ibi variis tormentis consumptos esse, festinè ad illud oppidum se contulit: turpe putans, veteranum in tam pulchra victoriâ à tyronibus vinci. Comprehensus sistitur Aquilino præfecto. Qui cùm in confessione Jesu Christi constanter perseveraret; fustibus, Præfecti jussu, semel atq; iterùm cæditur in scapulis, deinde ferro acuto

acuto graviter verberatur. Ad extremum, saxo ad collum appenso, in fluvium Anasum dejici jubetur. *R. Lux perpetua.*

Lectio V.

GAudens ibat à conspectu Judicis Florianus. Ad pontem ubi venit, impetrat orationis tempus. In qua cùm tota hora commoraretur; audacior quidam accurrit, ac Martyrem in fluvium dejecit, in quem confestim cecidit caligo & tenebræ. Sed ecce Dei servis serviunt omnia: deportat fluvius Sancti corpus, & ad saxum exponit. Mittitur à Deo inusitatae magnitudinis aquila, quæ corpus Sancti ab omni protexit injuria. Apparet demum in somnis piæ cuidam mulieri Valeriæ, ac ut corpus suum condat, admonet. Romam postea transfertur, ac cum Principibus Diaconis Stephano & Laurentio collocatur, magno urbis solatio ac præsidio. Nam ejus adventu omnis barbarorum furor, qui tùm urbem, ac universam Italiam vexabat, resedit, paxq; optata restituta est. *R. In servis suis.*

Lectio VI.

TAndem Anno Domini millesimo, centesimo, octogesimo tertio, Casimirus, bello & pace clarus Poloniæ Princeps, unà cum Gedeone Episcopo Cracoviensi, ad Lucium tertium summum Pontificem mittunt; precantes, ut illis alicujus à Sanctis Martyribus ossa impertiatur, qui genti & urbi contra Prussos, Tartaros, aliasq; barbaras gentes pro muro & vallo esset. Mittuntur ergo per Ægidium Episcopum Mutinensem sacra ossa. *Gens*

tota cum Rege suo ad septem milliaria tanto hospiti obviam effusa prodit. Deponitur honorifice Martyr in templo à Casimiro extracto: pars corporis in primarium templum deferitur, ac in marmoreo altari includitur. *R. Filie Jerusalem.*

In III. Nocturno.

Lectio sancti Evangelii secundum Joannem.

Lectio VII.

IN illo tempore: Dixit Jesus discipulis suis: Ego sum vitis vera, & pater meus agricola est. Et reliqua.

Homilia S. Cyrilli, Episcopi Alexandrini.

In Joannem Lib. 10. Cap. 13.

UT quantum oporteat inhærere sibi, & ab eo pendere, & quantum nobis hoc prodest, ostenderet, vitem se ipsum exempli ratione, & palmites affixos in eo credentes appellavit: qui participatione Spiritûs, per quem Salvatori conjungimur, naturæ suæ communicamus. Qui enim Domino, ut ait Paulus, adhæret, unus est Spiritus cum eo. *R. Ego sum vitis, &c.*

Lectio VIII.

Quemadmodum igitur voce prophetica basis & fundamentum appellatur (in ipso enim ædificamur vivi lapides, spiritualesq; facti, ad habitaculum Dei in Spiritu & Sacerdotium sanctum: nec ædificari nisi per Christum possumus) sic vitis appellatur, ut mater & nutrix palmitum. Regenerati enim ex Christo, & per ipsum in Spiritu sumus ad referendum fructum vitæ, non illius præscæ;

priscæ; sed hujus novæ, quæ est per fidem & charitatem erga ipsum. *R. Candidi facti sunt, &c.*

Lectio IX.

De S. Monica, ut in Breviario Romano.

Ad Missam Introitus. Protexisti me Deus, &c. Ut in Patron. Regni Polonia habetur.

Die V. Maji.

IN FESTO

S. GOTHARDI, Episc.
& Confess. *Duplex.*

Omnia de communi Pontif. Confess.

ORATIO.

DEUS, qui meritis Sancti Gothardi Confessoris tui, atq; Pontificis semper es, & ubiq; mirabilis, quæsumus clementiam tuam, ut sicut ei eminentem gloriam contulisti, sic ad consequendam gratiam tuam, ejus nos facias precibus adjuvari. Per Dominum &c.

In I. Nocturno.

Lectioes de scriptura occurrente.

*In II. Nocturno.**Lectio IV.*

PRæclarâ indole puer Gothardus, in Bavaria, juxta Monasterium Althaënse, parentibus Christianis natus, in idem Monasterium, literarum disciplinis erudiendus traditur. Ubi in sacris studiis simul & pietate tantos progressus fecit, talemq;

se exhibuit, ut non modò sacris ordinibus initiari, sed etiam in ejusdem Monasterii Pastorem & Abbatem, communi fratrum consensu eligi meruerit. Sic verò Monasterio, in sanctitate & iustitia Deo serviens, præfuit; ut & exactissimam religiosè vivendi normam in se exprimeret, & vigiliarum, orationum, jejuniorum frequentia & assiduitate, magnaq; vitæ austeritate cunctis admirando exemplo esset. *R. Inveni David.*

Lectio V.

HAc vitæ ratione, ac monasticæ disciplinæ reformandæ studio, non tantum suum Monasterium; sed etiam Hersfeldense, Degerense, & Cremenese, quorum cura ei incumbibat, ad sancti instituti perfectam observationem revocavit. Sanctitatis igitur ejus famâ, longè lateq; diffusâ, Gothardus à Sancto Henrico Imperatore, ad regimen Hildeshemensis Ecclesiæ vocatur, At ille diu multumq; renitens, tandem manifestæ Divinæ vocationi obsequens, ejusdem Ecclesiæ Episcopus constituitur. Quanta tum ejus sanctitas enituerit; mira opera, quæ Deus per eum edere dignatus est, satis declarant. *R. Posui adiutor.*

Lectio VI.

EXacto vitæ curriculo, in Vigilia Ascensionis Domini, quam vitæ suæ terminum fore prædixerat, sacro oleo prius unctus, mediâ nocte, cum à fratribus, in matutinis laudibus, versus Cantici Zachariæ caneretur; Illuminare his, qui in tenebris, & in umbra mortis sedent; Vir Sanctus, in
extre-

extremo jam mortis agone defudans, sublatiſ ægrè oculis, ſubjunxit; Ad dirigendos pedes noſtros in viam pacis. Clero verò; Gloria Patri, & Antiphonam: Aſcendo ad Patrem meum, concinente, feliciffima anima ad cœlos migravit. Sepultus in æde primaria Hildeshemenſi, multis ibidem claret miraculis. R. *Iſte eſt qui &c.*

In III. Nocturno.

Homilia in Evangelium. Vigilate, &c. Ut in communione Confeſſ. Pontif.

Ad Miſſam Introitus. Sacerdoteſtui &c.

Die VII. Maji.

IN FESTO

S. STANISLAI Episc.

& Mart. Duplex.

Omnia de communi Mart. tempore Paſchali, præter ea, quæ hic assignantur.

ORATIO.

DEus, pro cujus honore glorioſus Pontifex Stanislauſ gladiis impiorum occubuit: præſta quæſumus, ut omnes, qui ejus implorant auxilium, petitionis ſuæ ſalutarem conſequantur effectum. Per Dominum.

In I. Nocturno.

Lectiones de Scriptura occurrente.

In II. Nocturno.

Lectiones ut in Breviario Romano.

D 5

In III.

In III. Nocturno.

*Lectio sancti Evangelii secundum Joannem. Cap. 10.**Lectio VII.*

IN illo tempore: Dixit Jesus Discipulis suis: Ego sum pastor bonus. Bonus pastor animam suam dat pro ovibus suis. Et reliqua.

Homilia S. Augustini Episcopi.

De verbis Dom. Serm. 50.

Aldivimus Dominum Jesum commendantem nobis boni pastoris officium: in qua commendatione admonuit nos utique, ut intelligi datur, bonos esse pastores. Et tamen ne intelligeretur perverso modo multitudo pastorum, Ego sum, inquit, pastor bonus, & unde sit pastor bonus, consequenter ostendit: pastor, inquit, bonus animam suam pro ovibus ponit. Pastor ergo bonus Christus. Quid Petrus? Nonné bonus pastor? Nonné & ipse animam suam pro ovibus posuit? Quid Paulus? Quid cæteri Apostoli? Quid eorum tempora consequentes beati Episcopi Martyres? Quid etiam Sanctus Stanislaus? Nonné omnes pastores boni, non mercenarii, de quibus dicitur: Amen dico vobis, perceperunt mercedem suam? Omnes ergo illi pastores boni, non solum quia sanguinem fuderunt; sed quia pro ovibus fuderunt. Non enim fuderunt elatione, sed charitate. *R.*
Ego sum vitis vera.

Lectio VIII.

NAm & apud hæreticos, qui propter iniquitates & errores suos aliquid molestiarum perpessus fuit

si fuerunt, nomine Martyrii se jactant; ut hoc pal-
lio dealbati facilius furentur, quia lupi sunt. Si
autem vultis scire, in quo numero habendi sunt,
pastorem bonum, Paulum Apostolum audite:
quoniam non omnes, quia corpora sua in passione
etiam ignibus tradunt, æstimandi sunt sanguinem
fudisse, non pro ovibus, sed potius contra oves.
Si distribuero, inquit, omnia mea pauperibus, &
tradidero corpus meum ut ardeam, charitatem
autem non habeam, nihil mihi prodest. Ecce ve-
nitur ad passionem: ecce venit & ad sanguinis
effusionem, venit & ad corporum incensionem;
& tamen nihil prodest, quia charitas deest. Adde
charitatem, profunt omnia: detrahe charitatem,
nihil profunt cætera. *R. Candidi facti sunt Nazarei.*

Lectio IX.

Quale bonum est charitas ista, fratres? Quid
pretiosius? Quid luminosius? Quid firmitus?
Quid utilius? Quid securius? Multa sunt Dei do-
na, quæ tamen habent & mali, qui dicturi sunt:
Domine in nomine tuo prophetavimus: in no-
mine tuo dæmonia ejecimus: in nomine tuo vir-
tutes multas fecimus. Nec respondebit ille, Non
fecistis: non enim in conspectu tanti judicis aude-
bunt mentiri aut jactare, quæ non fecerunt; sed
quia charitatem non habuerunt, respondebit om-
nibus illis: Non novi vos. Quomodo autem
habet velexiguam charitatem, qui etiam convi-
ctus non amat unitatem? Hanc Dominus unita-
tem commendans pastoribus bonis, commendans
pastores bonos, noluit multos appellare pastores.

Neq;

Neq; enim, ut dixi jam, non erat pastor bonus Petrus, Paulus, Apostoli cæteri, & posteriores Sancti Episcopi, beatus Stanislaus? Omnes hi pastores boni; & tamen ille pastoribus bonis non commendavit pastores bonos, sed pastorem bonum. Ego sum, inquit, pastor bonus. *Te Deum laudamus.*

Ad Missam Introitus. Protexisti me Deus, &c. *Ut in communi Pontif. Mart. tempore Paschali.*

Oratio. Deus, pro cujus honore &c. *Evangel.* Ego sum pastor bonus &c. *Ut in Festo S. Thomæ Cantuariensis Episcopi & Mart. 29. Decembr.*

Die XIII. Maji.

IN FESTO

S. SERVATII Ep. Conf.

ORATIO.

DEUS, qui populo tuo sanctum dedisti Servatium prædicatorem, concede quæsumus, ut nos tanti Pontificis intercessione, & tuæ pietatis defensione, ab omnibus ubiq; liberemur adversis, & tranquillâ prosperitate in tua jugiter laude lætemur. Per Dominum.

Lectio III.

Servatius Episcopus Tungrorum, strenuus defensor fidei Catholicæ, assiduè vigiliis ac jejniis misericordiam Domini precabatur, ne ab Hunnorum gente Gallia infestaretur; Romamq; ad S. Petri tumulum propterea properavit, ut adjunctis sibi Apostolicæ virtutis patrocinis, facilius obtineret. Verùm responso accepto, Hunnos Gal-

lias depopulatu-
ros, ad suos rediens rebus dispositis valedicit, &
Trajectensem Urbem moriturus accedit: Ubi
modicâ febre correptus, ad meliorem transiit vi-
tam. Cujus ibidem sepulchrum, quamdiu sub
dio fuit, nix nunquam attigit, multisq; miraculis
claret.

Die XXXI. Maji.

IN FESTO

SS. CANCEII, CANCEIANI,

& Cancianillæ Mart. *Duplex.*

ORATIO.

DEus, qui es Sanctorum tuorum splendor mira-
bilis, quiq; hanc diem beatorum Canceii, Can-
ciani & Cancianillæ Martyrio consecrasti: da Ec-
clesiæ tuæ natalitio tantæ festivitatis gratulari,
ut apud misericordiam tuam & exemplis eorum,
& meritis adjuvetur. Per Dominum, &c.

In I. Nocturno.

Lectioes de scriptura occurrente.

In II. Nocturno.

Ex Epistolis S. Ambrosii Episcopi.

Lectio IV.

CAncius, Cancianus & Cancianilla fratres Aqi-
lejæ nobili genere nati, fidei Christianæ accu-
fati cùm essent, de iis Dulcius Præses Maximia-
num Imperatorem consuluit, qui, nisi idolis immo-
larent,

larent, capite plecti iussit. Quam rem ubi illi receiverunt, vehiculo ab urbe egressi, ut irati Præfidis furorem declinarent, non longè inde à Satellitibus comprehensi, in fide constantissimi cùm sacrificare idolis nullo modo voluissent, unà cum Proto pædagogo cruciati, demum cervicibus præcisus martyrio coronantur. Eorum corpora Mediolanum translata in Basilica Metropolitana recondita sunt.

Ex Epist. S. Cypriani Episcopi & Mart: ad Martyres.

Lectio V.

Imposuerunt compedes pedibus vestris, & membra felicia, ac Dei templa infamibus vinculis ligaverunt, quasi cum corpore ligetur & Spiritus, aut aurum vestrum ferri contagione maculetur. Dicatis Deo hominibus, & fidem suam religiosa virtute testantibus, ornamenta sunt ista, non vincula; Christianorum pedes ad infamiam copulant, sed clarificant ad coronam. O pedes feliciter vincti, qui non à fabro, sed à Domino resolvuntur! O pedes feliciter vincti, qui itinere salutari ad paradysum diriguntur! O pedes in sæculo ad præsens ligati, ut sint semper ad Dominum liberi!

Lectio VI.

Quis non libenter, & promptè calicè salutis accipiat? Quis non appetat gaudibundus, & lætus, in quo aliquid & ipse Domino suo retribuat? Quis non pretiosam in conspectu Dei mortem fortiter, & constanter excipiat, placiturus ejus oculis, qui nos in congressione nominis sui

desu-

desuper spectans volentes comprobat, adjuvat
dimicantes, vincentes coronat, retributione bo-
nitatis, ac pietatis paternæ remunerans, in nobis
quidquid ipse præstitit, & honorans quod ipse per-
fecit.

In III. Nocturno.

Lectio sancti Evangelii secundum Joannem.

Lectio VII.

IN illo tempore: Dixit Jesus discipulis suis: A-
men, amen dico vobis: quia plorabitis, & flebi-
tis vos, mundus autem gaudebit. Et reliqua.

Homilia S. Joannis Chrysostomi Homil. 78. in Joan.

UT ostenderet post tristitiam gaudium secutu-
rum, naturale adducit exemplum. Mulier
cùm parit, tristitiam habet: quâ parabolâ in cala-
mitatibus Prophetæ usi sunt: quasi dicat: Dolo-
res capietis, sed quales partus? qui lætitiæ causa
sunt. Simul & resurrectionem confirmat, indi-
cans abitum suum perinde esse, ac si ex uterò ma-
tris in lucem prodeat: quasi dicat: Nolite admi-
rari, si per hanc tristitiam ad optima vos ducam,
nam & mater in pariendo sic per tristitiam transit.

Lectio VIII.

Significat autem hic & mysterium quoddam,
quod mortis dolores solverit, & novum homi-
nem regenerari fecerit. Neque dixit tantum tri-
stitiam transituram, sed magnitudine lætitiæ suc-
cedente, nihil ejus penitus remansurum: ita erit
Sanctis. Atqui non propterea gaudet mulier, quia
venit homo in mundum, sed quod filium peperit.
Nam,

Nam, si id esset, nihil prohiberet, quin, quæ non pariunt, aliis parientibus gauderent.

Lectio IX.

QUa ergo gratia sic inquit? Quia ad hoc solum adduxit exemplum, ut breuem tristitiam perpetuum gaudium secuturum, & se ad vitam transferri, & magnum malorum lucrum ostenderet. Et non dixit, & peperit filium: sed, quia venit homo in mundum, ubi suam significat resurrectionem & non morti illi, sed regno, parturiendum. Ideo non dixit, quia natus est filius, sed homo. Et vos nunc quidem tristitiam habetis: iterum autem videbo vos, & gaudebit cor vestrum: inde, quod non amplius morietur, inquit: & gaudium vestrum nemo tollet à vobis. *Te Deum laudamus.*

Ad Missam Introitus. Sancti tui Domine, &c. Ut in Communi plurim. Mart. tempore Paschali.

Extra tempus Paschale Lect. 3. Noct. ut in Festo Decem millium Martyr. 22. Junii.

Ad Missam Introitus. Sapientiam Sanctorum, &c. Ut in Communi plurim. Martyrum.

IN FESTO
SS. TRINITATIS

Duplex.

Omnia ut in Breviario Romano.

Die Secunda.

Infra Octavam SS. Trinitatis,

Semiduplex.

Lectio-

Lectiões primi Nocturni.

De Scriptura occurrente.

In II. Nocturno.

*Sermo S. Athanasii Episcopi.**Lectio IV.*

Mirum est, impios ista nefaria audere garrere, cum & homines sint, & quæ in terra sunt, nequeant explicare. Sed quid dico, quæ in terra sunt? imo vel sua ipsorum nobis exponant, videantq; num satis explore investigare queant, quæ ipsorum naturæ sunt. Homines profectò audaces, & protervi, qui non tremunt eam gloriam, in quam cupiunt Angeli proni, inclinatique aspicere; cum præ illis longè sint naturâ, & ordine sublimiores. Quid enim propinquiùs Cherubinis & Seraphinis? Illi non obruentur hac Majestate, aut in pedibus erectos se tenent; imo ne faciem quidem nudam relinquunt: sed eà obvelatâ gloriam, Majestatemq; Dei labiis nunquam cessantibus extollunt, nihil aliud, quàm divinam, & ineffabilem naturam triplici titulo sanctitatis glorificantes. *R.*
Quis Deus magnus.

Lectio V.

Neque est quisquam sanctorum Prophetarum inter eos, qui maximè digni habiti sunt, ut istiusmodi spectaculis interessent, qui nobis id se audisse renunciavit, angelos illos in primis vicibus exclamandi, sanctus, maximâ voce usos esse. In secundis autem non æquè magna: in tertiis adhuc submissiori: & primam sanctificationem pro-

E

pri-

priam, legitimamq; esse, secundam autem inferioris notæ, tertiam adhuc gradatim deterioris conditionis esse. Apagēsis, valeat dementia execrabiliū hominū. Trinitas enim undecumque laudabilis, & venerabilis, & adoranda una est, & indivisibilis, & quæ figura exprimi nequeat. *R.*
Tibi laus.

Lectio VI.

Conjunguntur autem unā hæ sanctificationes pro insecabili illa Unitate. In eo enim ipso, quo amplissima illa animantia tertiò proferunt glorificationem, dum ajunt, sanctus, sanctus, sanctus, triplici numero tres perfectas absolutas, integras personas ostendunt, quemadmodum sub unica voce, Dominus, unam substantiam declarant. Hæc est enim vera doctrina, hoc est verū signum, argumentūq; quod ita ista inter se consentiunt, neque dissident, vel inter se, vel inter Patres: nam etsi temporibus distent, in id tamen omnes contendunt, neque immerito: unius enim Dei Prophetæ sunt, unumq; & idem verbum concorditer prædicant. *R. Magnus Dominus.*

In III. Nocturno.

Lectio sancti Evangelii secundum Matthæum.

Lectio VII.

In illo tempore: Dixit Jesus Discipulis suis. Data est mihi omnis potestas in cœlo & in terra. Euntēs ergo docete omnes gentes: baptizantes eos in nomine Patris, & Filii, & Spiritus sancti. Et reliqua.

Howi-

Homilia S. Hilarii Episcopi.

Sufficiebat quidem credentibus Dei sermo, qui in aures nostras Evangelista testimonio cum ipsa veritatis suæ virtute transfusus est, cum dicit Dominus: Euntes nunc docete omnes gentes, baptizantes eos in nomine Patris, & Filii, & Spiritûs sancti. Quid enim in Sacramento salutis humanæ non continetur? aut quid est, quod reliquum sit, aut obscurum? Plena sunt omnia, & perfecta, ut à pleno, & perfecto: nam & verborum significationem & efficientiam rerum, & negotiorum ordinem & naturæ intelligentiam comprehendunt. *R. Benedicamus.*

Lectio VIII.

Baptizare iussit in nomine Patris, & Filii, & Spiritûs sancti, id est, in confessione & Auctoris & Unigeniti, & Doni. Auctor est unus omnium: Unus est enim ingenitus Deus Pater, ex quo omnia: & unus Unigenitus Dominus noster Iesus Christus, per quem omnia: & unus Spiritus, donum in omnibus: omnia ergo sunt suis virtutibus, ac meritis ordinata: una potestas innascibilis, ex qua omnia: una progenies, per quam omnia: perfectæ spei munus unum. Nec deesse quicquam consummationi tantæ reperietur, intra quam sic in Patre & Filio & Spiritu sancto, infinitas in æterno, species in imagine, usus in munere. *R. Duo Seraphim.*

Lectio IX.

Sed compellimur hæreticorum & blasphemantium vitius illicita agere, ardua scandere, ineffabi-

lia loqui, inconcessa præsumere: & cum sola fide expleri, quæ præcepta sunt, oporteret adorare scilicet Patrem, & venerari cum eo Filium, Sancto Spiritu abundare; cogimur sermonis nostri humilitatem ad ea, quæ inenarrabilia sunt, extendere, & in vitium vitio coarctamur alieno; ut quæ contineri religione mentium oportuisset, nunc in periculum humani eloquii proferantur. De intelligentia enim hæresis, non de scriptura est: & sensus, non sermo fit crimen. *Te Deum.*

Die Tertia

Infra Octavam SS. Trinit. Semid.

In I. Nocturno.

Lectioes de Scriptura occurrente.

In II. Nocturno.

Sermo Sancti Ambrosii Episcopi.

Lectio IV.

ANima quandam Sanctæ Trinitatis habet imaginem. Primò in eo, quia sicut Deus est, vivit, & sapit, ita anima secundum suum modum est, vivit, & sapit. Est quoque & alia Trinitas in ea, quæ ad imaginem sui Conditoris perfectæ quidem, & summæ Trinitatis, quæ ex Patre, & Filio, & Spiritu Sancto condita est; & licet unius illa naturæ, tres tamen in se dignitates habet, id est, intellectum, voluntatem & memoriam. *R. Quis Deus.*

Lectio V.

NAm sicut ex Patre generatur Filius, & ex Patre, Filio-

Filioque procedit Spiritus Sanctus: ita ex intellectu generatur voluntas, & ex his item ambobus procedit memoria, sicut facile à sapiente quolibet intelligi potest: nec enim anima perfecta potest esse sine his tribus, nec horum trium unum aliquod, quantum ad suam pertinet beatitudinem, sine aliis duobus integrum constat, & sicut Deus Pater, Deus Filius, Deus spiritus sanctus est, non tamen tres Dii sunt, sed unus Deus, tres habens personas; Ita & anima intellectus, anima voluntas, anima memoria, non tamen tres animæ in uno corpore, sed una anima, tres habens dignitates. *R. Tibi.*

Lectio VI.

ATque in his tribus ejus imaginem mirabiliter gerit in sua natura noster interior homo, ex quibus quasi excellentioribus animæ dignitatibus jubemur diligere conditorem, ut in quantum intelligitur, diligatur, & quantum diligitur, semper in memoria habeatur. Nec solus sufficit de eo intellectus, nisi fiat in amore ejus voluntas, imo nec hæc duo sufficiunt, nisi memoria addatur, quâ semper in mente intelligentis, & diligentis maneat Deus, ut sicut non potest esse momentum, quo homo non utatur, vel fruatur Dei bonitate, & misericordiâ; ita nullum debeat esse momentum, quo præsentem eum non habeat memoria. *R. Magnus.*

*In III. Nocturno.**Lectio sancti Evangelii secundum Matthæum.*

Lectio VII.

IN illo tempore: Dixit Iesus Discipulis suis: Data est mihi omnis potestas in coelo, & in terra. Euntēs ergo docete omnes gentes: baptizantes eos in nomine Patris, & Filii, & Spiritūs Sancti. Et reliqua.

Homilia S. Joanni Chrysostomi.

Vide, oro, testimonia sancta, & consubstantialis Trinitatis, & venerare illam recte, ne per eas, & dixit, inquit, Deus: Faciamus hominem secundum imaginem nostram: cum quo consilium init Deus? cum Angelis, inquis. At non habent Angeli imaginem Dei. Loquitur autem ad coopificem, Filium, & Sanctum Spiritum. Audi Psalterem dicentem: Verbo Domini coeli firmati sunt, & Spiritu oris ejus omnis virtus eorum; non ignoras autem, Verbum esse Filium. Iterum & alio loco dicit scriptura: Venite, & descendamus, & confundamus illorum lingvas dicendo: Venite, pares honore exhortando vocat: unius est vox ad duos honore æquales. *Et. Benedicamus.*

Lectio VIII.

Audi quoque & beatum Job, qui manifestè declarat inseparabilem Trinitatem, dicit enim: Vivit Dominus, qui me sic judicavit, & Omnipotens, qui amaram fecit animam meam, & Spiritus divinus, qui tenetur in manibus meis dicendo, Dominum & Omnipotentem, & Spiritum Dei, **1** consubstantialē prædicat. Disce & hymnum Seraphim clamantium tertio, Sanctus, Sanctus, Sanctus;

ctus; non enim dicunt semel, neque bis, neque quater, ut ne multis nominibus multos Deos nobis inducerent, sed unum solum. Ter autem dicendo, Sanctus, manifestant unam & æqualem gloriam Patris, & Filii, & Spiritus Sancti. Audi item & Prophetam dicentem: Spiritus Domini locutus est in me, & sermo illius in ore meo pronuntiatus est: quia Deus erat sermo: ecce dicendo: Spiritum Domini, & sermonem, & Dominum pronuntiat inseparabilem Trinitatem. *R. Duo.*

Lectio IX.

PER hæc omnia unum regnum indivisibilis Trinitatis intelligere possumus. Ipse autem Deus sermo, qui propter nos verè incarnatus rediturus unde venerat, dicit Sanctis Apostolis suis: Ite, & docete omnes gentes, baptizantes illos in nomine Patris, & Filii, & Spiritus Sancti: obsignati sumus, sed unum signaculum est Sanctæ Trinitatis unum Baptisma; quomodo igitur audes à paterna substantia alienare Filium, vel Spiritum Sanctum? Neque enim alieni sunt, cum Patre debebant connumerari; quam ratione in Baptismo debuerunt annumerari? Enim verò, si nomen Patris solum, eum qui baptizatur, potest salvare; quare coassumuntur & creaturæ; quasi Pater non possit solus salvare? Absit. *Te Deum.*

Die Quarta

Infra Octavam SS. Trinitatis.

Semiduplex.

Lectiones primi Nocturni.

De Scriptura occurrente.

In II. Nocturno.

Ex libro S. Cyrilli Episc. Alexandrini contra Julianum.

Lectio IV.

UNum & solum Deum dicebat, confitebaturq; manifestè illum esse divinus Abraham, quem nominabat excelsum, & universorum nativitatis auctorem, quæ in cœlo & in terra. Procedente verò tempore mentem acuit, ut plus cognosceret, & tunc firmiores de Deitate sermones didicit; non enim solum, quòd unus sit Deus, & alius præter illum nullus, didicit: sed & quod in sancta & consubstantiali Trinitate intelligatur unius & immaculatæ naturæ plenitudo, quasi in figuris adhuc, & sensibiliter docebatur. *R. Quis.*

Lectio V.

Scriptum enim sic est de Abraham. Apparuit autem Deus ad quercum Mambre sedente ipso in ostio tabernaculi sui in meridie. Cum autem suspexisset, oculis suis vidit; & ecce tres viri steterunt super eum, & videns occurrit in occursum eis, & adoravit super terram & dixit: Domine, si inveni gratiam coram te, ne prætereas puerum tuum. Ecce manifestè, inquit, apparuisse illi quidem Deum: fuisse autem tres viros, qui videbantur, accurrentemque divinum Abraham non tanquam tribus dixisse: Domine, si inveni gratiam coram vobis, nè prætereatis puerum vestrum; *Domini.*

Dominum autem singulariter nominasse tres. *R.*
Tibi laus.

Lectio VI.

Vide obsecro, vide tres quidem fuisse, qui apparuerunt, substituisse autem in propriis subsistentiis singulos, sermone consubstantialitatis in unum comprehensos, & ita datâ operâ colloquia inter se miscuisse. Verumtamen ejusmodi imagines obscuræ quidem sunt & veritatem non satis exprimentes, quamvis miram utilitatem habeant, ut manu ducant ad ea, quæ mentem & sermonem nostrum excedunt: Nam unica quidem ex confesso est Deitatis natura, quæ super omnes, & per omnia, & in omnibus: dilatatur autem mentaliter in sanctam Trinitatem, venerandamque ac consubstantialem, in Patrem, inquam, & Filium, & Spiritum sanctum. *R. Magnus Dominus.*

*In III. Nocturno.**Lectio sancti Evangelii secundum Matthæum.**Lectio VIII.*

IN illo tempore: Dixit JESUS Discipulis suis. Data est mihi omnis potestas in cœlo & in terra. Euntes ergo docete omnes gentes: baptizantes eos in nomine Patris, & Filii, & Spiritûs sancti. Et reliqua.

Homilia sancti Hieronymi Presbyt.

Data est mihi potestas in cœlo & in terra, illi potestas data est, qui paulò ante crucifixus, qui sepultus in tumulo, qui mortuus jacuerat, qui postea resurrexit. In cœlo autem, & in terra potestas

*E s**data*

data est: ut qui ante regnabat in cœlo, per fidem credentium regnet & in terris. Euntes autem docete omnes gentes, baptizantes eos in nomine Patris, & Filii, & Spiritûs sancti. Primùm docent omnes gentes. deinde doctas intingunt aquâ. *R. Benedicamus.*

Lectio VIII.

NON enim potest fieri, ut corpus Baptismi recipiat Sacramentum, nisi ante anima fidei susceperit veritatem. Baptizantur autem in nomine Patris, & Filii, & Spiritûs sancti: ut quorum una est divinitas, una sit largitio; noménque Trinitatis, unus Deus est. Docentes eos servare omnia, quæcunque mandavi vobis, ordo præcipuus: iussit Apostolis, ut primùm docerent omnes gentes, deinde fidei intingerent Sacramento: & post fidem ac Baptisma, quæ essent observanda, præciperent. *R. Duo.*

Lectio IX.

ACNE putemus levia esse, quæ iussa sunt, & pauca; addidit: omnia quæcunque mandavi vobis: ut quicumque crediderint, qui in Trinitate fuerint baptizati, omnia faciant, quæ præcepta sunt. Et ecce ego vobiscum sum usque ad consummationem sæculi, qui usque ad consummationem sæculi cum discipulis se futurum esse promittit, & illos ostendit semper esse victuros, & se nunquam à credentibus recessurum. *Te Deum.*

In Die Octava.

Sanctissimæ Trinitatis. Duplex.

Sermo Sancti Augustini Episcopi.

Lectio IV.

DEus ipse, quem quærimus, adjuvabit, ut spero, nè sit infructuosus labor noster, & intelligamus, quemadmodum dictum sit in Psalmo sacro: Lætetur cor quærentium Dominum: quærite Dominum, & confirmamini, quærite faciem ejus semper; videtur enim, quod semper quæritur, nunquam inveniri; & quomodo jam lætabitur: & non potius contristabitur cor quærentium, si non potuerint invenire, quod quærent? non enim ait: lætetur cor invenientium, sed quærentium Dominum: & tamen Dominum Deum inveniri posse, dum quæritur, testatur Esaïas, dum dicit: Quærite Dominum, & mox, ut inveneritis, invocate eum. *R. Quis.*

Lectio V.

SI ergo quæsitus inveniri potest, cur dictum est quærite faciem ejus semper? An & inventus fortè quærendus est? Sic enim sunt incomprehensibilia requirenda, ne se existimet nihil invenisse, qui, quam sit incomprehensibile, quod quærebat, potuerit invenire. Cur ergo sic quærit, si incomprehensibile comprehendit esse, quod quærit, nisi quia cessandum non est, quamdiu in ipsa incomprehensibilium rerum inquisitione proficitur, & melior, meliorq; sit quærens tam magnum bonum, quod & inveniendum quæritur, & quæren-

rendum invenitur? Nam & quæritur, ut inveniat^r dulciùs, & invenitur, ut quærat^r avidiùs.
R. Tibi laus.

Lectio VI.

SECUNDUM hoc accipi potest, quod dictum est, in libro Ecclesiastico dicere sapientiam: Qui me manducant, adhuc esurient, & qui bibunt me, adhuc sitient: manducant enim, & bibunt, quia inveniunt: & quia esuriunt, ac sitiunt, adhuc quærunt. Fides quærit, intellectus invenit: Propter quod ait Propheta: Nisi credideritis, non intelligetis: & rursus intellectus eum, quem invenit, adhuc quærit. Deus enim respexit super filios hominum, sicut in Psalmo sacro canitur, ut videat, si est intelligens, aut requirens Deum. Ad hoc ergò debet homo esse intelligens, ut requirat Deum. *R. Magnus.*

In III. Nocturno.

Lectio Sancti Evangelii secundum Matthæum.

Lectio VII.

IN illo tempore: Dixit Jesus Discipulis suis: Data est mihi omnis potestas in coelo, & in terra. Euntes ergo docete omnes gentes: baptizantes eos in nomine Patris, & Filii, & Spiritûs sancti. Et reliqua.

Homilia S. Basilii Episcopi.

TRIA nomina seorsum, singula suam peculiarem quandam proprietatem apertè significant, quæpiè considerari in ipsis potest: atque in Patre quidem proprietat^r Patris, in Filio verò proprietat^r Filii, in Spi-


in Spiritu sancto postremo sua quædam à duobus diversa proprietas, cum neque Spiritus sanctus à se ipso loquatur, neque Filius à semetipso faciat quicquam : ac Pater quidem Filium mittat, Filius verò Spiritum Sanctum. Sic sentimus, & sic baptizamus in Trinitatem consubstantialem, idque ex præcepto ipsius Domini nostri Jesu Christi, qui dixit : Euntes docete omnes gentes, baptizantes eos in nomine Patris, & Filii, & Spiritus sancti : docentes eos servare omnia, quæcunque mandavi vobis. *R. Benedicamus.*

Lectio VIII.

QUæ servantes, & charitatem erga illum habere nos demonstramus, & digni efficimur, qui in ea maneamus. Quod cum ita sit, magnopere hortor, & hortatos velim vos, fratres charissimi, ut missa istiusmodi curiosa investigatione flagitiosaque verborum contentione, his contenti simus, quæ à sanctis viris, atque ab ipso adeò Domino nostro Jesu Christo dicta sunt, eaque sentiamus, quæ respondeant cælesti vocationi ; & vitam agamus Christi Evangelio convenientem, sempiternam vitam, & cæleste regnum sperantes, paratum omnibus servantibus mandata Dei, & Patris, quæ sunt secundum Evangelium beati Dei Jesu Christi Domini nostri, in Spiritu sancto, & veritate. *R. Duo Seraphim.*

Nona Lectio de Homilia Dominica infra Octavam Corporis Christi.

FESTA



FESTA JUNII.

Die III. Junii.

IN FESTO

S. ERASMI Episc. M.

Duplex.

ORATIO.

DEus, cujus virtute beatus Erasmus Martyr & Pontifex multa tormentorum genera superavit, fac nos, quæsumus, ejus intercessione, universas insidias inimicorum nostrorum visibillum, & invisibillum cum gaudio superare, & in Christo bonis operibus abundare. Per eundem Dominum nostrum, &c.

In I. Nocturno.

Lectioes de Scriptura occurrente.

In II. Nocturno.

Lectio IV.

ERasmus Episcopus, Imperatoribus Diocletiano & Maximiano in Campania plumbatis & fustibus cæsus, resinâ quoque, sulphure, plumbo liquefacto & ferventi pice, cerâ, oleoq; persusus, inde tamen integer, & inviolatus evasit. Quo miraculo multi se ad Christi fidem converterunt. Verum is iterum detrusus in carcerem, constructus ferreis gravissimisq; vinculis, inde ab Angelis mirabiliter ereptus est. Deinde Formis à Maximia-

ximiano variis affectus suppliciis, tunicaque ærea candenti indutus, illa etiam tormenta divinâ virtute superavit. Denique plurimis & in fide confirmatis & ad fidem conversis, insignem Martyrii palmam adeptus est.

Sermo S. Fulgentii Episcopi. *De S. Cypriano.*

Lectio V.

CLarum tanti Martyris natalis diem, beati scilicet Erasmi, quo terrenis, ac moribundis membris exutus, ad æternæ præmiæ vitæ transmigravit, & sacerdotii ejus doctrinam, ac Martyrii nobis victoriam commendavit, fecitq; ex temporali quondam tristitia liberiolem. Dum enim inter periculum cruentæ mortis, & gloriam devoti certaminis Episcopus confitendo patitur, Ecclesia orando compatitur. Quis nesciat, hunc ipsum, qui nunc annua circumstitutione festus nobis revolvitur dies Christianis ac religiosi mentibus illo tunc tempore fuisse sollicitum, dum adversus diabolum ab antistite suscepto culmine pia plebis expectatio trepidaret, atq; ita fides resisteret persequenti, ne caro succumberet blandienti, ita pastor præcederet: ne ovile defereret, desertumq; lupus invaderet.

Lectio VI.

DOlebat Ecclesia subtractum interim suo confortio tam clarissimum sacerdotem: sed tamen gaudebat prostrato adversario Christi Martyrem extitisse victorem. Erat in memoria doctrina laudabilis, versabatur ante oculos virtus mirabilis, quando Sanctus DEO servabat, quod

quod docuerat, & quid cæteri facere deberent, non jam verbis, sed operibus demonstrabat, fidem sermonum exemplis, rerum valida soliditate confirmans, credens, & confidens pro omnium salute Christum mortuum, ac se pro ejus nomine non subtrahere occidendum. Cujus enim sanguine tunc indignus redemptus fuerat, dignum suum sanguinem pro illo fundebat, & cujus sanguinem in hac vita fideliter biberat, ab ipso sibi æternam vitam reddi posse crediderat.

In III. Nocturno.

Lectio sancti Evangelii secundum Joannem. Cap. 15.

Lectio VII.

IN illo tempore: Dixit Jesus Discipulis suis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Et reliqua.

De Homilia S. Augustini Episcopi. Ex Tract.

80. in Joann.

MAnentes ergo in eo cum verba ejus in nobis manent, quodcumq; voluerimus, petimus, & fiet nobis. Quia si petimus, & non fiet, non hoc petimus, quod habet mansio in eo, nec quod habent verba ejus, quæ manent in nobis: sed quod habet infirmitas & cupiditas carnis, quæ non est in eo, & in qua non manent verba ejus. Nam utiq; ad verba ejus pertinet oratio illa, quam docuit: ubi dicimus: Pater noster, qui es in coelis.

Lectio

Lectio VIII.

AB hujus orationis verbis & sensibus non recedamus petitionibus nostris, & quid quid petierimus, fiet nobis. Tunc enim dicenda sunt verba ejus in nobis manere, quando facimus, quæ præcipit, & diligimus, quæ promisit; quando autem verba ejus manent in memoria, nec inveniuntur in vita, non computatur palmes in vite, quia vitam non trahit ex radice.

Lectio IX.

AD hanc differentiam valet, quod scriptum est, & memoria retinentibus mandata ejus, ut faciant ea: multi enim memoriâ retinent, & contemnunt, vel etiam derident, & oppugnant ea. In his verba Christi non manent, quia tangunt quodammôdò, non cohærent: & ideo illis non erunt in beneficium, sed in testimonium, & quia sic insunt eis, ut non maneat in eis, ad hoc tenentur ab eis, ut judicentur ex eis. *Te Deum.*

Ad Missam Introitus. Protexisti me Deus, &c. Extra tempus Paschale Lect. 3. Noct. ut in Festo S. Vincentii Episc. M. 7. Junii.

Ad Missam Introitus. Sacerdotes Dei &c.

Die VII. Junii.

IN FESTO

S. VINCENTII Episc.

& Mart. Semidup.

F

ORA-

ORATIO.

DEus, qui nos beati Vincentii Martyris tui atq; Pontificis sacrum natalitium celebrare concedis, ejus continuâ intercessione super nos misericordiam tuam multiplica, ut cujus patrociniiis gloriamur, ejus suffragiis præsentis vitæ subsidia, & æternæ salutis præmia consequamur. Per Dominum &c.

In II. Nocturno.

De Sermone S. Maximi Episcopi.

Lectio IV.

Hic est ille Evangelicus Paterfamilias, proferens de thesauro suo nova, & vetera, qui veteris noviq; testamenti unum atq; id ipsum mysterium prædicans, Ecclesias Christi locupletissima disputatione ditavit. Incorruptibilis, atq; indefessus illius est hodie thesaurus, qui pecuniam Domini sui nummularii scenerans, quotidie in corde fidelium coelestium divitiarum sanctam conquirat ufuram.

Lectio V.

Quid igitur, fratres, tantò speciosius Virò, cujus hæc est regula, & mensura sermonis, ut inter varias hominum causas motusque diversos, nunc affectione patris, nunc auctoritate doctoris consoletur humiles; superbos comprimat, negligentes arguat, increpet infideles? Tanto deniq; decore sacerdotium, vitamq; suam Vir fidelissimus adornavit, ut doctrinam suam subsequenti-
bus confirmaret operibus, Dominicam illam senti-

tentiam tenens; qui docuerit & fecerit: hic magnus vocabitur in regno cœlorum.

Lectio VI.

Quam magnus hic, quàmqu; præcipuus in regno cœlorum est, quem in omnem gloriam sermo propheticus, vita mirabilis, & mors Deo devota sublimat? Nec immerito, fratres, tanto cum honore nominis ejus memoria, per amplissima mundi spatia celebratur: Quia per universum orbem ad firmamentum fidei nostræ, & passio ejus, & doctrina profecit.

In III. Nocturno.

Lectio sancti Evangelii secundum Mattheum.

Lectio VII.

IN illo tempore: Dixit Jesus discipulis suis: Si quis vult venire post me, abneget semetipsum, & tollat crucem suam, & sequatur me. Et reliqua.

De Homilia Venerabilis Bedæ Presbyteri.

Veritas dicit: Si quis vult venire post me, abneget semetipsum, quia nisi quis à semetipso deficiat, ad eum, qui super ipsum est, non appropinquat: nec valet apprehendere, quod ultra ipsum est, si nescierit mactare, quod est. Sed jam, qui se à vitiis abnegat, exquirendæ ei virtutes sunt, in quibus crescat. Nam cum dictum est: Si quis vult venire post me, abneget semetipsum; protinus adjungitur, & tollat crucem suam, & sequatur me.

Lectio VIII.

Duobus etenim modis crux tollitur, cum aut

per abſtinentiam afficitur corpus , aut per compaſſionem proximi affligitur animus. Penſemus qualiter utroq; modo Paulus crucem ſuam tulerit, qui dicebat : caſtigo corpus meum , & in ſervitutum redigo , ne fortè aliis prædicans, ipſe reprobus efficiar. Ecce in afflictione corporis audivimus crucem carnis ; nunc in compaſſione proximi audiamus crucem mentis. Ait : Quis infirmatur , & ego non infirmor ? Quis ſcandalizatur , & ego non uror ? Perſectus quippe prædicator , ut exemplum daret abſtinentiæ , crucem portabat in corpore : & quia in ſe trahebat damna infirmitatis alienæ , crucem portabat in corde.

Leſtio IX.

Qui enim voluerit animam ſuam ſalvã facere, perdet eam. Sic dicitur fidelis : Qui voluerit animam ſuam ſalvã facere , perdet eam : qui autem perdiderit animam ſuam propter me & Evangelium , ſalvã eam faciet. Ac ſi Agricola dicatur : Frumentum ſi ſervas , perdis , ſi ſeminas , renovas : Quis enim nesciat , quòd frumentum , cùm in ſemine mittitur , perit ab oculis , in terra deficit ? Sed unde putreſcit in pulvere , inde vireſcit in renovatione. *Te Deum laudamus.*

Ad Miſſam Introitus. Sacerdotes Dei &c. Tempore verò Paſchali Leſt. 3. Noct. ut in Feſto S. Eraſmi Episc. Mart. 3. Junii.

Ad Miſſam Introitus : Sancti tui &c. ut in communi Martyr. tempore Paſchali.

Die XVI. Junii.
IN FESTO
S. BENNONIS Episc.
& Confess. *Duplex.*

Officium fit de Com. Pont. & Confess.

ORATIO.

DEus, qui nos B. Bennonis Pontificis confessione gloriosâ circumdas & protegis : da nobis & ejus imitatione proficere, & intercessione gaudere. Per Dominum &c.

In II. Nocturno.

Lectio IV.

De Bulla Canonizationis.

FRidericus Bultenburgenfis, Vir nobili loco natus, Pater fuit B. Bennonis, quem ex Bezela, pia ejus uxore suscepit. Cùmq; in B. Bennone ab ineunte ætate bona indoles eluceret, ne illa æqualium studiis, malis moribus, ac depravatis opinionibus, ut illa ætas assolet, corrumpetur, magnoperè sibi providendum existimavit, & eum, ut primùm ex infantia excessit, D. Bernardo Episcopo Hildesemensi commendavit & tradidit. Qui cùm negotium sibi commissum attenderet, ut puer ad virtutem rectè informaretur, illum primùm ad amorem Dei Opt. Max. induxit. Deinde verò cùm Vir prudens intelligeret utile esse, si literæ cum virtute conjungerentur, B. Bennonem à Bigario, bono sanè viro & docto instituen-

tuendum curavit, sub quo magnos ille progressus fecit. Quamobrem ineunte jam adolescentiâ, cum ad bene beateq; vivendum satis instructus esset, Monastica vitæ rationem suscepit. Monachus factus, rejectis voluptatibus, omnem vitæ cursum in virtute confecit. *R. Inveni David.*

Lectio V.

QUod cum fratres, cum quibus vivebat, probassent, defuncto eorum Abbate, cunctis ferè suffragiis Abbatiam ei detulerunt. Verum B. Benno, ut erat ab omni ambitione alienus, oblatum honorem recusavit. At urgentes illi & instantes, B. Bennonem vel invitum ad dignitatem rapiunt, quam ipse tertio post mense deposuit, seq; ad pristinam vitam; & bene quidem institutam reculit, coepitq; eum charæ memoriæ Henricus III. Imperator diligere plurimum: qui cum videret sanctissimum hominem ad Rempub. bene gerendam natum esse, tantum Virum in Cœnobii angulis ætatem consumere passus non est: illum magnoperè repugnantem è Monasterio eduxit, ac Præposituræ Ecclesiæ Gossariensis, Hildesemensis Diœcesis, præfecit. *R. Posui adiutorium.*

Lectio VI.

IN ea cum usq; ad ingravescentem ætatem integre, casteq; conversaretur, Canonici Ecclesiæ Misnensis famâ ejus inducti, venerandum Senem, qui tunc quinquaginta sex annos natus erat, Ecclesiæ suæ præesse voluerunt. In qua cum omnia præclare, tum hoc præclarissimè egit, quod Vandalos

dalos malè de religione sentientes ex pernicioso errore eripuit, eoq; traduxit, ut unà cum Catholica Ecclesia, pari studio fidem Christianam tuerentur. Cùm jam multis annis Beatus Præful, famâ, vitâ, & miraculis supremâ Dei gratiâ chatus vixisset, & tandem ad vitæ cursum feliciter consummandum plenitudinem dierum attigisset, ægrotare cœpit, brevi futurum sperans, ut ex hac vita ad Superos, quorum consuetudo dulcis est atq; æterna, migraret. Paulò antequam moreretur, Canonicos suos adhortatus est, ut eam charitatem, quam nos Christus docuit, studiosè complecterentur. Deinde Evcharistiâ magna cum pietate susceptâ è vita excessit quadragesimo Pontificatus sui anno., post Christum autem natum Millesimo Centesimo Sexto. *R. Iste est.*

In III. Nocturno.

Homilia in Evang. Homo peregrè proficiscens &c.
Ad Missam Introitus. Statuit ei Dominus &c.

Die XXII. Junii.

IN FESTO

SS. DECEM MILLIUM

Martyrum. Duplex.

ORATIO.

PRæsta quæsumus. omnipotens Deus: ut qui gloriosos Martyres fortes in sua confessione cognovimus, pios apud te in nostra intercessionem sentiamus. *Per Dominum &c.*

In II. Nocturno.

Lectio IV.

Decimo Calendas Julias passa sunt decem milia Martyrum, inter quos præcellsi meriti nominantur duo, Marcus & Alexander. Hi omnes uno die pro Christi nomine interempti sunt sub Adriano Imperatore, & aliis sex Regibus, qui ad illum in belli societatem accesserant. Hi, cum ab Imperatore ad sacrificandum idolis compellerentur, responderunt, illicitum esse, sacrificium offerre surdis & mutis idolis, sed semetipsos offerre in hostiam Jesu Christo, Deo vero & vivo pro nobis plurima passo & tandem crucifixo. *R. Sancti tui.*

Lectio V.

Imperator his auditis iussit eos torqueri, & iisdem poenis affici, quæ Christum tolerasse prædicabant; & ad extremum à reliquo triginta millium exercitu crucifigi; quæ omnia illi forti animo, & fide firmissimâ pro Christo sustinerunt. Inter eos crucifixus est Sanctus Hermolaus Archiepiscopus, qui eosdem Martyres baptizaverat. Passi autem sunt in monte Ararath prope Alexandriam Armeniæ, horâ sextâ, ac eâdem, quâ Christus in cruce patiebatur. Factâ autem oratione, in confessione Domini emiserunt spiritum. *R. Verbera carnificum.*

Lectio VI.

De Sermone S. Gregorii Pp. *Homil. 22. in Evang.*

AD Sanctorum Martyrum corpora consistimus,
fratres

fratres mei. Nunquid isti carnem suam in mortem darent, nisi eis certissimè constitisset, esse vitam, pro qua mori debuissent? Et ecce, qui ita crediderunt, miraculis coruscant. Ad extincta namque eorum corpora, viventes ægri veniunt, & sanantur: perituri veniunt, & dæmonio vexantur: dæmoniaci veniunt, & liberantur. Quomodo ergo vivunt illic, ubi vivunt, si in tot miraculis vivunt hîc, ubi mortui sunt? *R. Tanquam aurum.*

In III. Nocturno.

Lectio sancti Evangelii secundum Lucam.

Lectio VII.

IN illo tempore: Descendens Iesus de monte, stetit in loco campestri, & turba Discipulorum ejus & multitudo copiosa plebis ab omni Judæa, & Jerusalem, & maritima, & Tyri & Sidonis. Et reliqua.

De Homilia S. Bernardi Abbatis.

In Festo omnium Sanctorum.

LEgimus in Evangelio hodie, quoniam videns turbas Iesus, ascendit in montem. Prædicantem enim Dominum de civitatibus & castellis populi sequebantur: quorum salvabat animas, sanabat & corpora; & adhærebant ei, assatu pariter & aspectu illius delectati: cujus nimirum vox savis, & facies decora, sicut scriptum est: Speciosus formâ præ filiis hominum, diffusa est gratia in labiis tuis. Talis est, quem nos sequimur, cui adhæremus, totus desiderabilis: in quem non so-

Ex. F. 5. lūm

lūm populi, sed & ipsi quoq; Angeli sancti desiderant prospicere. *R. Propter Testamentum.*

Lectio VIII.

Quid vobis svavius apponemus? Nimirum hæc sunt deliciae Angelorum. Gustate proinde & videte quoniam svavis est Dominus. Et huic svavitati, huic sapor, huic sapientiæ, quæ trahitur de occultis, omne quod desideratur, non valet comparari. Quid enim miraris in Sole splendorem, in flore pulchritudinem, in pane saporem, in terra fecunditatem? Sed à Deo hæc universa dona sunt: nec dubium, quin multò amplius reservaverit sibi, quàm dederit creaturis. *R. Sancti mei.*

Lectio IX.

De Sancto Paulino. *Ut in Rom. Brev.*
Ad Missam Introitus. Sapientiam Sanctorum &c.

Die XXV. Junii.

Commemor. S. JOANNIS

Apost. & Evangel. Duplex.

Totum Officium ut in die ejus Octava 3. Januarii.

FESTA JULII.

Die II. Julii.

**IN FESTO
VISITATIONIS B. M. V.**

Duplex.

Omnia ut in Breviario Romano.

Cum

*Cum vero Festum Visitationis hic sit prima Classis Lect. 7.
de Homilia S. Ambrosii erit ut in Breviario. Lect.
8. terminetur ad illa verba. Non enim sola.
Lect. 9. usq; ad finem omisâ Lectione SS. Proces-
si &c. M.*

Die III. Julii.

Translatio S. THOMÆ

Apostoli. *Duplex.*

Omnia ut in Festo Ejusdem 21. Decembris.

Die IV. Julii.

De S. UDALRICO Episc. Confess.

ORATIO.

OMnipotens sempiterne Deus, Beati Udalrici Confessoris tui atque Pontificis supplicatione placatus, tempora nobis pacifica tribue præsentia, & ab hostium visibilium & invisibilium nos defende nequitia. Per Dominum nostrum, &c.

Lectio IX.

UDalricus, nobilis germanus à Martino Pontifice in demortui Adalberonis, Episcopi Augustani locum designatur, quod resciscens ex urbe profugit. Elapso verò 15. annorū spacio, cum Hilcanus Adalberonis successor è vivis excessisset, incredibili totius Cleri populique studio præficitur invitus. Huic divina quandoq; peragenti, adesse visa est manus virtute Omnipotentis cum ipso sacris benedicens. Ottonem Cæsarem, & Rudolphum

dolphum filium gravissime dissidentes reconciliavit; Barbaros Augustanis mœnibus imminentes orationis vi propulsavit. Episcopatum 50. annis laudabilissime gubernans, miraculis clarus obdormivit: Sanctum Corpus Augustæ quiescit.

Die V. Julii.

Quarta Die

Infra Octavam Visitat. B. M. V.

Semiduplex.

Lectioes secundi Nocturni.

Ex die Tertia

Infra Octavam Concept. B. M. V.

In III. Nocturno.

Lectio sancti Evangelii secundum Lucam.

Lectio VII.

IN illo tempore: Exurgens Maria, abiit in montana cum festinatione in civitatem Juda: & intravit in domum Zachariæ & salutavit Elisabeth. Et reliqua.

De Homilia S. Ambrosii Episcopi.

EXultavit Joannes, exultavit & Mariæ Spiritus. Exultante Joanne, repletur Elisabeth, Mariam tamen non repleti spiritu, sed spiritum ejus exultare cognovimus. Incomprehensibilis enim incomprehensibiliter operabatur in Matre: & illa post conceptum repletur, ista ante conceptum, Benedicta tu inter mulieres. Novit sermonem suum Spiritus Sanctus, nec unquam obliviscitur. Et

Pro-

Prophetia non solum rerum completur miraculis,
sed etiam proprietate verborum. *✠. Beatam.*

Lectio VIII.

QUis est ille fructus ventris, nisi ille, de quo dictum est: Ecce hæreditas Domini, filii merces, fructus ventris? Hoc est, hæreditas Domini filii sunt, qui merces sunt fructus illius, qui de Mariæ ventre processit. Ipse fructus ventris est, flos radicis, de quo bene prophetavit Isaias, dicens: Exiet virga de radice Jesse, & flos de radice ejus ascendet. Radix enim est familia Judæorum, virga Maria, flos Mariæ Christus: qui veluti bonæ arboris fructus pro nostræ virtutis processu, nunc floret, nunc fructificat in nobis. *R. Felix.*

Lectio IX.

ET unde hoc mihi, ut veniat Mater Domini mei ad me? Non quasi ignorans dicit: scit enim esse Spiritûs sancti gratiam, & operationem, ut Mater Prophetæ à Matre Domini ad profectum sui pignoris salutetur. Sed quasi non humani hoc meriti, sed divinæ gratiæ munus esse cognoscat, ita dicit: unde hoc mihi? hoc est, quo tantum bonum mihi accidit, ut Mater Domini mei veniat ad me? non cognosco meum. Unde hoc mihi? quâ justitiâ? quibus factis? pro quibus meritis? Non usitata hæc officia sceminarum sunt. *Te Deum laudamus.*

Die VII. Julii.

De S. WILIBALDO Episc. Conf.

ORA.

ORATIO.

DEUS, qui hodiernam diem Beati Wilibaldi Confessoris tui, atque Pontificis migratione consecrâsti, præsta quæsumus, ut cujus annuâ celebritate exultamus, ejus suffragiis tuæ pietatis consequamur effectum. Per Dominum, &c.

Sexta Die

Infra Octavam Visitat. B. M. V.

Semiduplex.

Lectiones secundi Nocturni.

Ex die Quinta

Infra Octavam Concept. B. M. V.

In III. Nocturno.

Lectio sancti Evangelii secundum Lucam.

Lectio VII.

IN illo tempore: Exurgens Maria, abiit in montana cum festinatione, in civitatem Juda: & intravit in domum Zachariæ, & salutavit Elisabeth. Et reliqua.

De Homilia S. Ambrosii Episcopi.

Vides non dubitasse Mariam, sed credidisse, & idè fructum fidei consecutam? Beata, inquit, quæ credidisti, Sed & vos beati, qui auditis, & creditis. Quæcunque enim crediderit anima, & concipit, & generat Dei Verbum, & opera ejus agnoscit. Et ait Maria: Magnificat anima mea Dominum. Sit in singulis Mariæ anima, ut magnificet Dominum: sit in singulis Spiritus Mariæ, ut exul-

ut exultet in Deo. Nam etsi secundum carnem una Mater est Christi, secundum fidem tamen omnium fructus est Christus. *R. Beatam.*

Lectio VIII.

OMnis enim anima concipit Dei verbum, si tamen immaculata & immunis à vitiis, intermerato castimoniam pudore custodiat. Quaecunque igitur talis esse potuerit anima, magnificat Dominum, sicut anima Mariæ magnificavit Dominum, & exultavit Spiritus ejus in Deo salutari suo. Non quod Domino aliquid humana voce possit adjungi, sed quia magnificatur in nobis. Sed Mariæ, quod persona melior, eò prophetia plenior. *R. Felix.*

Lectio IX.

Pro S. Wilibaldo Episc. Confess.

Wilibaldus S. Richardo Anglorum Rege Parente procreatus, cum trium annorum puerulus foedâ quâdam macie penè consumeretur ex voto sanctæ Cruci oblatus, miraculosè sanitati restitutus est. Pueritiam vix egressus, Theodoro tum temporis viro monasticæ disciplinæ peritissimo traditus est, ut artibus & pietate informaretur; brevique tempore in vita Spirituali & monastica amplissimos fecit progressus. Licentiâ dein à superioribus impetratâ Romam cogitat; ibique visitatis sacris liminibus, ad terram sanctam proficiscitur. Quo in itinere cum lumine oculorum derepentè privaretur, nihilominus tamen Hierosolymam ire satagens ad S. Crucem,

ceu Salutis suæ fontem iterum confugit, visumq; recepit. Denique creatus Eystettenis Ecclesiæ Episcopus, summâ vitæ sanctimoniam eidem præfuit, multis in vita, & morte miraculis clarus, Sanctorum Catalogo adscriptus est. Reliquiæ S. Episcopi in Aichstadiana Cathedrali honorificè aservantur. *Te Deum.*

In secund. Vesp. fit Com. de SS. Kiliano & Soc. M.

ORATIO.

PRæsta quæsumus; Omnipotens Deus, ut Beatorum Martyrum tuorum Kiliani, Colonati, & Tothnati solemnia recensentes, meritis ipsorum protegamur & precibus. Per Dominum, &c.

Die VIII. Julii.

IN FESTO

S. MARGARITÆ

Scotorum Reginæ, *Semid.*

ORATIO.

DEus, qui beatam Margaritam Scotorum Reginam eximia in pauperes charitate mirabilem effecisti, da ut ejus intercessione & exemplo tua in cordibus nostris charitas jugitet augeatur. Per Dominum, &c,

In II. Nocturno.

Lectio IV.

Margarita Scotorum Regina paterno Angliæ Regum, materno Cæsarum sanguine clarissima illustrior adhuc fuit Christianâ virtute. Hæc in Hun-

in Hungaria nata, ubi Pater tunc temporis exulabat, post exactam summâ cum pietate puerilem ætatem, unâ cum genitore, qui à sancto Edvardo patruo Anglorum Rege ad paterni Regni fastigium vocabatur, in Angliam venit. Mox alternante Parentum fortunâ, ex Angliæ littore solvens, vi tempestatis expulsâ, seu veriùs divinæ Providentiæ consilio deducta est in oram maritimam Scotiæ. Ibi cùm ex Matris imperio Malchholmo tertio Scotorum Regi egregiis ejus dotibus capto nupsisset, sanctimonix ac pietatis operibus triginta, quibus regnavit annis toti Regno mirificè profuit.

Lectio V.

INter regales delicias corpus afflictationibus ac vigiliis macerans magnam noctis partem piis precationibus extrahebat. Præter alia jejunia, quæ identidem usurpabat, integros quadraginta dies ante natalitia festa tantâ cùm severitate jejunare consuevit, ut ne in gravissimis quidem doloribus intermiserit. Divino cultui addictissima, templa plurima & cœnobيا partim ex integro excitavit, partim refarcivit, & sacra suppellectili, ac largo censu ditavit. Regem conjugem ad meliorem frugem, & ad similia suis exercitationibus opera saluberrimo exemplo traduxit, liberòsque omnes tam sanctè & feliciter educavit, ut eorum plerique quemadmodum & Agatha mater, & Christiana soror sanctissimum vitæ genus amplexi sint. Universi demum Regni felicitati consi-

lens; à vitiis omnibus, quæ furtim irreperant, populos expurgavit, eisque mores Christianâ pietate dignos restituit.

Lectio VI.

Nihil tamen æquè in illa mirabile fuit ac flagrantissima charitas erga proximos, præsertim egenos, quorum numerosis gregibus non modò stipem affatim suppeditare; verum etiam trecentis quotidie maternâ benignitate dapes præbere, flexis genibus in morem ancillæ ministrare, regiis manibus pedes abluere, & pressis etiam osculis ulcera fovere solenne habuit. His porro, aliisque piis sumptibus non regias tantùm vestes, & pretiosa monilia distraxit, sed ipsum non semel exhausit ærarium, Toleratis demum ad patientiæ miraculum acerbissimis doloribus animam semestri corporis ægrotatione purgatam, Auctori suo quarto Idus Junii reddidit. Quo temporis momento facies ejus diuturni morbi macie, ac pallore fœdata, insolitâ quâdam venustate refulsit. Miris etiam post mortem prodigiis clara, & Clementis decimi auctoritate in Scotiæ Patronam accepta, ubique terrarum religiosissimè colitur. Cujus festum ab eodem Pontifice concessum, Innocentius undecimus, ad octavam Idus Julii transferri jussit.

In III. Noct. Homil. S. Greg. Papa in Evang. Simile est Regnum Cœlorum Thesauo abscondito.

Lectio IX.

Pro SS. Kiliano & Soc. M.

Kilianns & genere & pietate nobilis, zelo fidei Christianæ propagandæ patriam & propinquos relinquens, divino nutu Wirceburgum Metropolim Franciæ orientalis cum sociis appulit. Ejus sanctitate & divini Verbi prædicatione permotus Gozbertus Francorum Dux cum multis aliis sacrum Baptisma suscepit: unde tota illa regio, relicto Dæmonum cultu ad fidem Christianam conversa est, & Kilianus nomen Apostoli Francorum & pro Christi nomine martyrium subire promeruit. Eiusdem reliquiæ in nobilissima Wirceburgensi Basilica eximie coluntur. *Te Deum laudamus.*

Die IX. Julii.

In Die Octava

Visitat. B. M. V. Duplex.

Lectioes secundi Nocturni.

Ex die Octava Concept. B. M. V.

In III. Nocturno.

Lectio Sancti Evangelii secundum Lucam.

Lectio VII.

In illo tempore: Exurgens Maria, abiit in montana cum festinatione in civitatem Juda: Et intra-

travit in domum Zachariæ, & salutavit Elisabeth,
Et reliqua.

Homilia S. Bernardi Abbatis.

Mirabatur Elisabeth personam venientis, dicens: Unde hoc mihi, ut veniat Mater Domini mei ad me? Commendabat & vocem salutantis, adjiciens: ut facta est vox salutationis tuæ in auribus meis, exultavit in gaudio infans in utero meo. Et beatificabat fidem credentis: Beata, inquit, quæ credidisti. Magna quidem præconia, sed & devota humilitas nihil sibi passa retinere, in cum magis universa refudit, cujus in se beneficia laudabantur. *R. Beatam.*

Lectio VIII.

TU, inquit, magnificas Matrem Domini: sed Magnificat anima mea Dominum. In voce mea filium perhibes exultasse in gaudio; sed exultavit Spiritus meus in Deo salutari meo: & ipse quoque; tanquam amicus Sponsi gaudet ad vocem Sponsi. Beatam esse dicis, quæ credidi; sed credulitatis, & beatitudinis causa respectus est supernæ pietatis, ut ex hoc magis beatam me dicant omnes generationes: quia ancillam humilem & exiguum respexit Deus. *R. Felix.*

Lectio IX.

Verumtamen nunquid putamus, fratres, Elisabeth sanctam in eo, quod per Spiritum utique loque-

loquebatur errasse? Absit. Beata plane, quam respexit Deus, & beata quæ credidit. Hic enim magnus divinæ respectiois extitit fructus: ineffabili siquidem artificio Spiritus superveniens tantæ humilitati magnanimitas tanta, in secretario virginis cordis accessit, ut quod videlicet nec humilitas tanta minuit magnanimitatem, nec magnanimitas tanta humilitatem. Sed cum in sua æstimatione tam humilis esset, nihilominus & in promissionis credulitate magnanimis: ut quæ nihil aliud, quàm exiguam sese reputaret ancillam, ad inscrutabile Sacramentum nullatenus se dubitaret electam, & veram Dei, & hominis genitricem crederet mox futuram. *Te Deum.*

Die XII. Julii.

IN FESTO

S. JOANNIS GUALBERTI Abbatis. *Duplex.*

In II. Nocturno.

Lectio. IV.

Joannes Gualbertus Florentiæ nobili genere ortus, dum Patri obsequens rem militarem sequitur. Ugo unicus ejus frater occiditur à consanguineo: quem cum solum, & inermem Sancto Parasceves die Joannes armis, ac militibus stipatus

tus obvium haberet, ubi neuter alterum poterat declinare; ob sanctæ crucis reversam, quam homicida supplex, mortem jam subiturus brachiis signabat; vitam ei clementer indulget. Hoste in fratrem recepto, proximum S. Miniatis templum oraturus ingreditur, ubi adoratam Christi imaginem caput sibi flectere conspicit. Quo mirabili factō permotus Joannes, Deo exinde, etiam invito Patre, militare decernit, atq; ibidem propriis sibi manibus comam totondit, ac Monasticum habitum induit, adeoq; piis, ac religiosis virtutibus brevi coruscat, ut multis se perfectionis specimen, ac normam perhiberet, ita ut ejusdem loci Abbate defuncto, communi omnium voto in superiorem eligeretur. At Dei famulus cupiens subesse potius, quam præesse, ad majora Divina voluntate servatus, ad Camalduensis Eremitam Romualdum proficiscitur: à quo cœlicum sui instituti vaticinium accipit, tum suum Ordinem sub Regula S. Benedicti apud umbrosam vallem instituit. *R. Honestum fecit illum.*

Lectio V.

DEinde plurimis ad eum ob ejus Sanctitatis famam undiq; convolantibus, unâ cum iis in socios adscitis, ad hæreticam, & Simoniacam pravitatem extirpandam, & Apostolicam fidem propagandâ sedulò incumbit, innumera propterea in se, & suis, incommoda expertus. Nam ut eum, ejusq; socios adversarii perdant, noctu S. Salvii Cœnobium repente aggrediuntur, templum incendunt, ædes demoliuntur, & Monachos omnes lethali

lethali vulnere fauciant, quos vir Dei unico Crucis signo incolumes protinus reddit, & Petro ejus Monacho per imensum, ardentissimūmq; ignem illæso mirabiliter transeunte, optatam sibi, & suis tranquillitatem obtinet: inde Simoniacam labem ab Hetruria expulit, ac in tota Italia fidem pristinae integritati restituit. *R. Amavit eum.*

Lectio VI.

Multa funditus erexit monasteria, eademq; & alia ædificiis, ac regulari observantiâ instaurata, sanctis legibus communivit. Ad egenos alendos sacram suppellectilem vendidit. Ad improbos coercendos elementa sibi famulari conspexit. Ad dæmones comprimendos Crucem quasi ensē adhibuit. Demum abstinentiis, vigiliis, jejuniis, orationibus, carnis macerationibus, ac senio confectus, dum infirma valetudine gravaretur, Davidica illa verba persæpè repetebat: Sitivit anima mea ad Deum fontem vivum, quando veniam, & apparebo ante faciem Dei? Jamq; morti proximus convocatos discipulos ad fraternam concordiam cohortatur, & in Breviculo, cui consepeliri voluit, jussit hæc scribi: Ego Joannes credo, & confiteor fidem quam Sancti Apostoli prædicaverunt, & SS. Patres in quatuor Conciliis confirmaverunt. Tandem triduo Angelorum obsequio dignatus, septuagesimum octavum annum agens apud Passinianum, ubi summa veneratione colitur, migravit ad Dominum anno salutis millesimo, septuagesimo tertio, quarto Idus Julii. Quem Cœlestinus tertius innumeris miraculis

raculis clarum, in Sanctorum numerum retulit.

R. Iste homo perfecit.

In III. Nocturno.

Lectio sancti Evangelii secundum Matthaeum. c. 5.

Lectio VII.

IN illo tempore: dixit Iesus discipulis suis: Audistis, quia dictum est, Diliges proximum tuum, & odio habebis inimicum tuum. Et reliqua.

Homilia S. Hieronymi Presb.

EGO autem dico vobis, diligite inimicos vestros: benefacite iis, qui oderunt vos. Multi praecepta Dei, imbecillitate sua, non sanctorum viribus aestimantes, putant esse impossibilia, quae praecepta sunt, & dicunt sufficere virtutibus, non odisse inimicos: cæterum diligere plus præcipi, quam humana natura patiatur. Sciendum est ergo, Christum non impossibilia præcipere, sed perfecta, Quæ fecit David in Saul, & Absolon: Stephanus quoque martyr pro inimicis lapidantibus deprecatus est, & Paulus anathema cupit esse pro persecutoribus suis, hæc autem JESUS, & docuit, & fecit, dicens: Pater ignosce illis, quod enim faciunt, nesciunt. *R. Iste est.*

Lectio VIII.

IN reliquis operibus bonis interdum potest aliquis qualemcunq; excusationem prætere, ad habendam veram dilectionem nullus se poterit excusare. Potest mihi aliquis dicere: non possum jejuna- numquid potest dicere, non possum amare. Potest aliquis dicere, virginitatem non possum

possum servare, non possum res totas vendere, & pauperibus erogare, numquid potest dicere: non possum diligere inimicos? *R. Sint lumbi vestri.*

Lectio IX.

NON enim ibi aut pedes laborant currendo, aures audiendo, ac manus operando laxantur, ut nos per ipsam excusationem liberare conemur. Non nobis dicitur: Ite ad orientem, & quærite charitatem, navigate ad occidentem, & invenietis dilectionem. Intus in nostro corde est, ubi redire jubemur, dicente Propheta: Redite prævaricatores ad cor. Non enim in longinquis regionibus invenitur, quod à nobis petitur. *Te Deum laudamus.*

Die XIII. Julii.

IN FESTO

S. MARGARITÆ Vir-
ginis & Mart. Duplex.

Omnia de com. Virg.

ORATIO.

DEus, qui beatam Margaritam Virginem, per Martyrii palmam hodiernâ die ad cœlos venire fecisti, concede nobis quæsumus, ut ejus exempla sequentes, ad te pervenire mereamur. Per Dominum &c.

Lectioes primi Nocturni.

Confitebor tibi Domine Rex &c.

In II. Nocturno.

Lectio IV.

Ex his quæ sunt apud Laurent. Surium.

BEata Margarita ex Antiochia Pisidiæ oriunda
 Filia fuit Ædessi, qui fuit illis temporibus vel
 maximè insignis Sacerdos idolorum. Cujus exi-
 miâ pulchritudine cùm captus esset Olibrius Præ-
 ses Orientis, ita ut eam uxorem ducere haberet in
 animo, deprehensò quòd Christiana esset, & nul-
 lo modo ejus in Christum fidei rationem posset
 flectere, aut emollire blanditiis, variis deinde tor-
 mentis eam est aggressus. *R. Propter veritatem.*

Lectio V.

ITaq; Virgo sancta humi extensa, primò virgis
 immisericorditer cæsa est: deinde, cùm irâ ebul-
 liisset Olibrius, ferreis etiam laminis conclusa, &
 clavis affixa, ferreis laniata est fuscinis, ac sic in
 carcerem ducta. Ubi, ipsâ orante, repenteque
 magno terræ motu excitato, Diabolum susceptâ
 formâ terribilis draconis eam cîrcumcursantis si-
 gno crucis superavit, ac simul de cœlo à plagis
 omninò fuit curata. *R. Dilexisti.*

Lectio VI.

SEquenti die impius Præses ad se vocatæ, & in
 sententia persistenti jubet, ut nudatæ lampadi-
 bus pectus uratur, & latera: ac deinde de ligno
 deposita in magnum lebetem aqua plenum vincta
 conjiciatur, ac sic suffocetur. Unde cùm nihilo-
 minus salva evasisset, cum ea, quæ explicari non
 potest, exultatione laudans Trinitatem, tandem
 ab im-

ab impio Olibrio pronuntiata in eam capitis sententiâ, pulchrè decertationis suæ cursum peregit.

R. Adducentur Regi.

In III. Nocturno.

Homilia in Evangelium. Simile est Regnum cœlorum thesauro &c. *De com. nec Virg. nec Mart.*

Ad Missam Introitus. Me expectaverunt peccatores, &c.

Die XV. Julii.

DIVISIO APOSTOLORUM. Duplex.

Omnia de com. Apostolorum præter ea, quæ hic assignantur.

Ad Magnif. Antiph. Euntes in mundum universum, prædicate Evangelium omni creaturæ, Alleluja. Qui crediderit & baptizatus fuerit, salvus erit, Alleluja: Qui autem non crediderit, condemnabitur, Alleluja.

ORATIO.

DEus, qui Ecclesiam tuam distributam per orbem terrarum Sanctorum Apostolorum prædicatione fundasti, concede propitius, ut quorum hodierna die sub una celebritate recolimus insignia, eorum in cunctis necessitatibus nostris experiamur suffragia. Per Dominum &c.

In II. Nocturno.

Sermo Sancti Joannis Chrysostomi.

1. de Pentec. Temp. 2.

Lectio

Lectio IV.

QUæ sunt tales stellæ, sicut Apostoli? Stellæ in cœlo: Apostoli super cœlos. Quæ sursum sunt, inquit Apostolus, sapite, ubi Christus est in dextera Patris sedens. Stellæ de igne insensibili. Apostoli de igne intelligibili. Stellæ in nocte lucent, in die obscurantur: Apostoli in die, & in nocte suis radiis, hoc est virtutibus, effulgent. Stellæ orto Sole obscurantur: Apostoli Sole Justitiæ resplendente, suâ claritate luceſcunt. Stellæ in resurrectione cadent sicut folia: Apostoli in resurrectione rapiuntur in aëra nubibus. Et in illis quidem sideribus alius antifer, alius lucifer appellatur: in Apostolis autem, nullus antifer est, omnes luciferi: & ideo Stellis majores Apostoli. Et quicumq; eos luminaria vocaverit mundi, non peccabit: non solum dum essent in corpore, sed etiam magis nunc, quando de hac vita migrarunt. *R. Vidi conjunctos.*

Lectio V.

PERagrârunt piscatores orbem terrarum; & infirmum eum inveniētes, ad sanitatem reducerunt: & in ruina positum ad stabilitatem revocârunt; non scuta moventes, non arcus tendentes, non sagittas mittentes, non pecunias largientes, non eloquentiæ confidentes. Et erant nudi quidem sæculo, sed induti Christum: pauperes, sed divites; pecunia indigētes, sed regnum cœlorum possidentes. Non habentes humana solatia, habentes autem Dominum suum. Ego enim, inquit, vobiscum sum omnibus diebus usque
ad con-

ad consummationem sæculi. Peragrârunt universum orbem terrarum oves simul cum lupis. Quis vidit? Quis audivit? Dicit, mittam vos ut oves in medio luporum. Quis unquam pastor oves mittit in medio luporum? Sed magis, si viderit lupos, congreget oves. At verò Christus è contrario fecit; oves ad lupos direxit, & vulneratæ à bestiis non sunt, sed magis lupi ad ovium mansuetudinem sunt conversi. *R. Beati eritis.*

Lectio VI.

Ubi sunt nunc, qui audeant Ecclesiæ contrari-
re? Quando novella erat, in nullo potuit læ-
di: & nunc quando usq; ad cœlum pervenit, existi-
mas eam posse superari? Et tunc quidem, cum
undecim essent Apostoli, nullus eos superare po-
tuit, sed pauci homines totum ceperunt mun-
dum: Et nunc quando terra & mare, & orbis ter-
rarum, & inhabitabiles regiones, & civitatès, &
omnes fines terræ pietate repleti sunt, putas eam
te posse lædere? Sed non poteris. Christus e-
nim propter eam passus est, portæ inferi non præ-
valebunt adversus eam. Facilius cœlum exter-
minari potest, & terra perire, quàm aliquid mali
pati Ecclesia. *R. Isti sunt triumphatores.*

In III. Nocturno.

Lectio sancti Evangelii secundum Lucam.

Lectio VII.

IN illo tempore: Convocatis Jesus duodecim
Apostolis, dedit illis virtutem & potestatem su-
per omnia dæmonia, & ut langvores curarent.
Et reliqua. Homi-

Homilla Venerabilis Bedæ Presbyteri.

BENIGNUS & clemens Dominus ac Magister non invidet servis atq; discipulis virtutes suas. Et sicut ipse curaverat omnem langvorem, & omnē infirmitatem; Apostolis quoq; suis tribuit potestatem, ut curent omnem infirmitatem, omnem-que langvorem. Sed multa distantia est inter habere & tribuere: donare, & accipere. Iste quodcumque agit, potestate Domini agit: Illi, si quid faciunt, imbecillitatem suam, & virtutem Domini cōfitentur, dicentes: In nomine JESU surge & ambula. *R. Ipsi sunt, qui viventes.*

Lectio VIII.

ET misit illos prædicare regnum Dei & sanare infirmos. Fortasse enim nemo crederet hominibus illiteratis, promittentibus regna cœlorum; ideo concessit illis primū potestatem signorum, & tunc misit prædicare regnum Dei; ut promissorum magnitudinem, attestaretur etiam magnitudo factorum; fidemq; daret verbis virtus ostensa: & nova facerent, qui nova prædicarent. *R. Ite in Orbem universum, & predicate dicentes: Qui crediderit & baptizatus fuerit, salvus erit. &c. Euntes in Mundum universum, predicate Evangelium omni creature. Qui crediderit &c. Gloria Patri &c. Qui crediderit &c.*

Lectio IX.

VERUM signa, quæ tunc per Apostolos corporaliter fiebant, quotidie in sancta Ecclesia per sanctos Prædicatores spiritualiter fiunt. Cum infide

fide quis infirmus, eorum prædicatione roboratur ad fidem: cum mortuus quis in peccatis, gratiâ & misericordiâ Dei compunctus, per eorum eruditionem resuscitatur ad poenitentiam & confessionem peccatorum suorum, dignâq; emendatione vitam merebitur sempiternam. *Te Deum.*

Ad Bened. Antiph. Convocatis Jesus duodecim Apostolis, dedit illis virtutem & potestatem, super omnia dæmonia, & ut langvōres curarent.

Ad Missam Introitus. Mihi autem nimis &c. *Dicitur Credo.*

In secundis Vesperis ad Magnif. Antiph. Egressi duodecim Apostoli, circuibant per castella, & evangelizantes & prædicantes ubique.

Die XXVII. Julii.

IN FËSTO

S. CHRISTOPHORI

Martyris. *Semidupl.*

ORATIO.

DEus, cujus virtute beatus Christophorus Martyr diversa superavit tormenta, fac quæsumus, ejus nos intervenientibus meritis universas insidias inimici superare. *Per Dominum &c.*

In II. Nocturno.

Sermo Sancti Augustini Episcopi.

Sermo de S. Cyprino. i i j.

Spiritus sanctus doceat nos in hac hora, quæ oporteat

porteat dicere. Dicturi enim sumus aliquid de laude B. Christophori gloriosissimi Martyris, cujus natalem hodie, sicut nōstis, celebramus. Quod nomen sic frequentat Ecclesia, id est natales, ut natales vocet pretiosas Martyrum mortes. Quid est hoc, fratres? Quando natus est, ignoramus: & quia hodie passus est, natalem ejus hodie celebramus. Sed illum diem non celebraremus, etsi nōssemus: Illo enim die traxit originale peccatum: isto autem die vicit omne peccatum. *R. Honestum.*

Lectio V.

Istum nobis festum diem passio beatissimi Christophori Martyris fecit: Cujus nos victoriæ celebritas in istum locum devotissimos congregavit. Sed celebratio solemnitatis Martyrum, imitatio debet esse virtutum. Facile est honorem Martyris celebrari: magnum est fidem, atq; patientiam Martyris imitari. Hoc sic agamus, ut illud optemus: hoc sic celebremus, ut illud potiùs diligamus. Quid laudemus in fide Martyris? Quia usq; ad mortem certavit pro veritate, & ideo vicit. Blandientem mundum contempsit, sævienti non cessit: ideo victor ad Deum accessit. Abundant in isto sæculo errores, & terrores. Beatissimus Martyr errores sapientiâ; terrores patientiâ superavit. *R. Desiderium anima.*

Lectio VI.

Contemnite ergo sæculum, Christiani, contemnite sæculum, contemnite: contempserunt Marty-

Martyres, contempserunt Apostoli, contempsit beatus Christophorus, cujus hodie memoriam celebramus. Divites esse vultis, honorati esse vultis, sani esse vultis: totum ille contempsit, ad cujus memoriam convenistis. Quid obsecro tantum amatis, quod contempsit, quem sic honoratis? Quem, si ista non contempsisset, non utique sic honoraretis. Quare te invenio earum rerum amatorem, quarum veneraris contemptorem? Certè illum, si hæc amaret, non veneraretis. Et tu noli amare; non enim intravit, & ostium contra te clausit. Contemne & tu: & intra post illum. *R. Stola jucunditatis.*

In III. Nocturno.

Lectio sancti Evangelii secundum Matthæum.

Lectio VII.

IN illo tempore: Dixit Jesus discipulis suis: Nolite arbitrari, quia pacem venerim mittere in terram, non veni pacem mittere, sed gladium. Et reliqua.

Homilia Sancti Joannis Chrysostomi.

Homilia 36. in Matthæum.

Non veni pacem in terram mittere. Quomodo igitur præcipit, cum ad suscipientium domos ingrederentur, pacem omnibus dicere? Aut quomodo Angeli clamabant: Gloria in excelsis Deo, & in terra pax hominibus bonæ voluntatis? Quomodo & omnes Prophetæ pacem tempore ipsius futuram prænuntiârunt? Quia videlicet præcipua, singularisq; pax tunc præstat, quan-

H

do quod

do quod tabe, vel fanie corruptum est, abscinditur, atque projicitur: Quando factiosa & improba pars repellitur, aut omninò destruitur; sic certè coeli terra conjungi potest. *R. Corona aurea.*

Lectio VIII.

NAm & medicus hoc modo reliquum corpus conservat facilè, si, quod reduci ad sanitatem non potest, inciderit, atq; abjecerit: & militiae dux ad solvendam militum conspiracyem alterum in alterum concitat. Sic in turre factum videmus, quando perniciofa illa pax per discrepantiam dissoluta, tranquillam atq; laudabilem pacem reddidit. Sic etiam Paulus eos, qui adversus se conspirabant, dividebat atq; dissipabat. Nec enim semper concordia laudanda, cum etiam latrones magnâ inter se concordia conspirare sciamus. Non igitur ex proposito Christi, sed ex mente, animoq; hominum vitioso bellum erumpit. *R. Hic est verè Martyr.*

Lectio IX.

De S. Pantaleone Martyre.

Si Festum S. Christophori transfertur, 9. Lectio de SS. Abdon. & Sennen Mart.

Ad Missam Introitus. In virtute tua. Ut in Com. n. nius Mart. non Pontif.

FESTA

FESTA AUGUSTI.

Die VIII. Augusti.

IN FESTO

S. AFRÆ Mart.

ORATIO.

FAMILIAM tuam, quæsumus Domine, supplican-
tem propitius respice, ut quæ te inspirante de-
poscit, Martyris tuæ Afræ, sociarumque ejus pa-
trociniis assequatur. Per Dominum, &c.

Lectio IX.

A Fra idolis serviens, ac in flagitiis demersa, cum
Narcissum Episcopum Augustam Vindelico-
rum profugientem hospitio recepisset, ac in preci-
bus pernoctantem cum Diacono vidisset, mox
impuditiæ renuntiavit, & ab eodem baptizata
est. Deinde Hileriam Matrem, ancillas, Dignam,
Eunomiam & Eutropiam ad eandem fidem &
morum correctionem adduxit. Tandem jussu
Caji Præfecti cum in templum Veneris rapta diis
sacrificare nollet, unâ cum Matre atque ancillis
ad Insulam fluminis, quod Lycum appellant, e-
ducta, & ad palum alligata lento igne crematur.
Earum corpora Augustæ Vindel. honorificè se-
pulta sunt.

Die XVI. Augusti.

IN FESTO

S. HYACINTHI

Confessoris. Duplex.

ORATIO.

Deus, qui nos beati &c. *Ut in Com. Confess. non Pont.**In Hymno: Ille Confessor dicitur.*

Hac die lætus meruit supremos laudis honores.

Lectioes primi Nocturni.

Leguntur de Scriptura juxta Rubricam Breviarii Rom.

In II. Nocturno.

Lectio IV.

SANCTUS Hyacinthus Silesius, ex antiqua Odrovanzorum gente, apud Opolium Oppidum in Cameno Diocesis Wratislaviensis vico natus est. Primam ætatem, ac pueritiæ florem ita exegit, ut bonarum artium, morumq; honestissimorum studiis, nobilitatem generis plurimum exornaret. Unde ab Ivone Cracoviensi Episcopo, patruo suo in Canonorum Cracoviensium Collegium adscitus, propter ampliores in rebus Theologicis, sacrisq; Canonibus progressus faciendos, in Italiam missus est. *R. Ille est.*

Lectio V.

ROMAM cum tribus comitibus veniens, divitiis, honoribus, aliisque illecebris mundi abjectis, sancto Dominico se in disciplinam cum eis tradidit.

dit. Is enim sanctus Pater tum in Urbe versabatur, de Ordine suo à Sede Apostolica confirmando, sollicitus. Tantâ Hyacinthi sui virtute atque pietate delectatus Cracoviensis Episcopus, qui & ipse tum negotiorum Ecclesiæ suæ causâ Romam venerat, à Dominico sancto impetrat Hyacinthum: eumq; cum tribus ejusdem Ordinis Sociis, Ceslao Polono, Henrico Moravo, & Hermannò Teutonico, antiquis ejusdem comitibus, tanquam novos homines, novæque gratiæ Dei propagatores secum ad suos lætus reducit. *R. Amavit eum.*

Lectio V I.

NON solum ille Cracoviam & Poloniâ, sed vicinas etiam Regiones & Provincias prædicatione suâ, Cœnobiisq; Ordinis sui replevit. In hac religiosa vita, & in sanctorum operum labore assiduo, exactis annis uno & quadraginta, Anno tandem Domini MCC LXII. ipso die Assumptionis Beatæ MARIÆ Virginis, quam ille vivus unicè venerabatur, castissimum & incontaminatum Spiritum DEO reddidit: cujus sanctitatem in vita & post mortem multis miraculis omnipotens Deus illustravit. Quibus motus Clemens VIII. Romanus Pontifex, eum in Sanctorum numerum retulit. *R. Iste homo.*

In III. Nocturno.

Homilia in Evangelium. Sint lumbi vestri præcincti. De Com. Conf. non Pontif. In Laud. fit com. Octavarum.

Die XXIII. Augusti.

IN FESTO

S. PHILIPPI BENNITII

Confess. Semiduplex.

De mandato Sanctissimi D. N. D. Clementis Divina dispositione Pape X. in Breviario Romano apponendum.

In II. Nocturno.

Lectio IV.

Philippus ex nobili Bennitiorum familia Florentiæ natus, Parisiis medicinæ operam dedit, reversus in Patriam, cum frequens Ecclesiam Servorum visitaret, quæ die verba ex Actibus Apostolorum: Philippe accede, & adjuuge te ad currum istum, legebantur, actus in extasim, in aureo curru, quem ovis, & leo trahebant, Sanctissimam Dei Genitricem Angelis comitantibus insidentem vidit, à qua sequenti nocte Servos suos adire jussus Bonfilium unum ex septem Ordinis Fundatoribus Priorem adit, oratq; ab eo inter Conversos recipi. Receptus vitam aliquandiu in Monte Serrario in spelunca solitariam duxit. Factus Sacerdos & postea Prior Generalis licet invitus, hujusmodi munus decem & octo annos ita ministravit, ut in Italia & alibi multis extructis Monasteriis Ordinem maximè propagârit, visitando & prædicando Emdam usque, Frisiæ Orientalis Urbem pervenit, multis ab hæresi, & aliis vitiis per diversa loca conversis. Dissidentium paci, & erranti-

rantium studuit emendationi, Pistorii ; & Florentiæ Seditiōibus inter Guelphos, & Gibellinos sedatis, Forolinenſibus, quod à Martino VI. Pont. Max. defeciſſent, inter concionandum, reprehensus, ab illis verberibus affectus est, ex quibus Peregrinus, unus ex percussoribus, eandem Religionem ingressus, mira sanctitate claruit. R. *Honestum fecit.*

Lectio V.

PLura vivens edidit miracula, ad curiam pergens leprosum nudum ad Camilianum agri Senensis, vicum propriâ veste indutum statim à lepra mundavit, quo miraculo pervulgato, dum Viterbii Clemente IV. è vivis sublato Cardinales de Successore deligendo diffiderent, nonnullis Philippum ad Pontificatum proponentibus ipse fugiens apud montē Tuniatum delituit ; ubi balneis (quæ adhuc S. Philippi nominantur) morbos sanandi virtutem impetravit. Arretii Fratribus fame pœnè confectis, dum ille ad imaginem sanctissimæ DEI Genitricis orat, ecce duo cophini candidissimorum panum pleni ad monasterii Januam divinitus delati. Cùm in Germaniam prædicandi Evangelii causâ, à Rudolpho Imperatore invitatus proficisceretur, apud Lavinum agri Bononiensis amnem sub arboris umbra obæstum diversatus, nonnullis Deum blasphemantibus, divinam prædixit ultionem, quæ illos statim, ac ab eis recessit, de cœlo tactos, igneq; consumptos secuta est. Ex Germania rediens, nemusq; inextricabile ingressus, cùm socii inedia triduo

afflicti ulterius progredi non possent, ipse ad orationem confugiens, panem, & aquam, quibus recrearentur, invenit. *R. Amavit eum.*

Lectio VI.

TUldertum veniens, meretricibus sibi in via ausi illudere sic persuasit, ut in Monasterio apud Carfulam reclusæ, perpetuam poenitentiam egerint: In Urbis ingressu totam Civitatem sibi, tanquam Patri obviam habuit. Ecclesiam ingressus, cum quasi divinis illa verba: Hæc requies mea pronunciasset, Paulò post in Festo Assumptionis beatæ M A R I Æ Virginis in morbum incidit, ex quo octavo die Fratres ad observantiam hortatus, sacrisque munitus XI. Cal. Septemb. Anno Salutis 1275. animam DEO reddidit, multis miraculis subsecutis: nam mulier manibus, pedibusq; contracta, ut sacrum attigit corpus, domum incolumis remeavit. Cæcus ad ejus tumulum deductus visum illicò recepit. Puer à lupo strangulatus ad vitam revocatur. Mulier, quæ & miracula negare, & servum DEI irridere præsumperat, muta effecta, dum resipiscens veniam precatur, loquendi recuperat facultatem. Unicus viduæ filius ex diutino morbo defunctus, dum illa Philippi opem implorat redivivus surgit, illum sibi succurrisse testatus, stupentibus, qui ut Matrem solarentur advenierant. Quare Leo X. Pontifex Maximus cognitâ Viri sanctitate, cum illum gravissimis curis impeditus, in Sanctorum numerum referre non potuisset, ut in toto Ordine, ritu duplici coleretur, indulisit. Paulus V. Lectiones ex Ejus vitâ probavit

vit Tudertensibusq; ejus ita colendi potestaté fecit : quod & Urbanus VIII. Florentinæ ditionis Episcopis in statu veteri concessit. *R. Iste homo.*

In III. Nocturno.

Legitur Homil. venerab. Bedæ Presbyt. in Evang.
Nolite timere pusillus grex. ut in Communi.

Die XXV. Augusti.

Translat. S. HEDWIGIS

Vid. Duplex.

ORATIO.

DA nobis quæsumus, omnipotens Deus, in te semper gloriari, & concede propitius, ut qui beatæ Hedvigis translationis diem annuâ devotione veneramur, ipsius adjuti suffragio tuam gratiam consequamur. Per Dominum &c.

In II. Nocturno.

Lectio IV.

Hedvigis Bertholdi Marchionis Moraviæ, Comitissæ Tirolensis & Agnetis filia, Sanctæ Elisabethæ matertera, duodecimo anno Henrico Longobardo Principi Poloniæ & Boemiæ in matrimonium data; illud semper honorabile & immaculatum custodivit, nullum jejuniū aut diem festum judicans, quem castitatis merito non dividisset. Nihilominus in summa castitate & continentia, facta est sicut vitis abundans in lateribus domus suæ, & filii ejus sicut novellæ in circu-

H s

itu

ita mensæ. Filios enim tres, totidemq; filias viro suo protulit. Ex quibus Henricus fortia pro religione Christiana aggressus, & tanquam alter Judas Machabæus, castra DEI contra Tartaros protegens, martyrii palmam promeruit. Filia Gertrudis Virgo perpetua permansit. Fructu matrimonii Hedvigis quæsito, redditisq; novalium fructibus, ferriari ab opere connubiali incipit: eadem marito persvadet. Fit spiritualis desponsatio in manu Pontificis, vivitur inter Sponsos Angelica vita per annos viginti octo, non coram hominibus tantum, sed etiam coram Deo. *R. Propter veritatem.*

Lectio V.

Parat deinde Hedvigis sedem futuræ castitati; amplissimum Trebnicense monasterium exstruit: filiam Gertrudem prius illuc præmittit, magnos greges Virginum sanctarum collegit: ipsa demum consequitur. In oratione diurna atque nocturna, nudis, etiam media hieme, pedibus assidua: in jejuniis multis per totos quadraginta annos perseveravit: ita, ut die Dominico, tertia & quinta feria piscibus & lactariis tantum, Sabbato & feria secunda aridis leguminibus, quarto & sexto die, aqua & pane solo duntaxat vesceretur. Pedes pauperum, quos tredecim semper ubiq; secum circumduxit, lavit: ulcera eorum ligavit, captivos redemit, subditos oppressos tutata est. Irata à nemine unquam visa est, contenta ea objurgatione: Deus tibi parcat. *R. Dilexisti iustitiam.*

Lectio VI.

NON caruit diva Hedvigis miraculorum ac prophetiæ Spiritu & gratia: nam & duabus sanctimonialibus visum restituit: & duos recentes suspensos, magna omnium admiratione, ad vitam revocavit. Mortis item mariti sui tempus & rationem longè antè prædixit: & filii eodem modo: cujus cædem eo ipso, quo cæsus est die, in remotissimis partibus cognovit: & ipsa diem sui obitus multò prius præsensit & prædixit. Itaq; priusquam morbo gravi correpta fuisset, sacram unctionem accepit: Sanctimonialia se ægram sine permissione Superiorum invisentes pepulit; nihil sanctum esse docens, quod cum obedientia majorum susceptum non esset. Priusquam moreretur magna hilaritate Sanctos cum splendida luce ad se venientes salutavit. Mortua est die sancti Matthæi horâ vespertinâ, quâ jejunia sua pane solo reficere solebat, anno salutis humanæ millesimo ducentesimo quadragesimo tertio. Ac post multis editis miraculis, in numerum Sanctorum à Clemente Quarto relata est. In cujus Canonizatione mulier cæca visui restituta est. *R.*
Fallax gratia.

In III. Nocturno.

Homilia in Evangel. Simile est regnum cœlorum thesauro. *Ut in Com. nec Virg. nec Mart.*

Die

Die XXX. Augusti.

IN FESTO

S. ROSÆ LIMANÆ

Virg. Duplex.

*Omnia de Comm. Virg. præter Orationem & Lectiones
II. Nocturni.*

ORATIO.

Bonorum omnium largitor Omnipotens Deus,
qui Beatam Rosam cœlestis gratiæ rore præ-
ventam Virginitatis & patientiæ decore Indis flo-
rescere voluisti: Da nobis famulis tuis ut in odo-
rem suavitatis ejus currentes, Christi bonus odor
effici mereamur. Per eundem Dominum.

In II. Nocturno.

Lectio IV.

Primus Americæ Meridionalis flos Sanctitatis
Virgo Rosa Christianis parentibus Limæ pro-
genita, mox ab incunabilis claruit futuræ Sancti-
tatis indiciis, nam vultus infantis mirabiliter in
rosæ effigiem transfiguratus huic nomini occasi-
onem dedit, cui postea Virgo Deipara cognomen
adjecit jubens vocari deinceps Rosam à sancta
Maria. Quinquennis votum perpetuæ Virgini-
tatis emisit. Adultior, nè à parentibus ad nupti-
as cogeretur clam sibi met venustissimam capitis
cæsariem præscidit. Jejunii supra humanum mo-
dum addicta integras Quadragesimas transiegit
pane abstinens, ac dietim solis quinque granulis
malicitrini victitans.

Lectio

Lectio V.

HAbitu tertii Ordinis sancti Dominici assumpto pristinas vitæ austeritates duplicavit, oblongo asperrimôq; cilicio sparsim minuscultas acus innexuit; sub velo coronam densis aculeis introrsus obarmatam inter diu noctûq; gestavit sanctæ Catharinæ Senensis ardua premens vestigia, catena ferrea triplici nexu circumducta lumbos cinxit, lectulum sibi è truncis nodosis composuit, horûmq; vacuas commissuras fragminibus testarum implevit: cellulam sibi angustissimam intruxit in extremo horti angulo, ubi cœlestium contemplatione dedita, crebris disciplinis, inediâ, vigiliis corpusculum extenuans, ac Spiritu vegetata, larvas Doemonum frequenti certamine victrix impavidè protrivit ac superavit.

Lectio VI.


ÆGritudinem tormentis, domesticorum insultibus, lingvarum moribus dirè agitata, nondum satis pro merito se affligi querebatur, per quindecim annos ad plusculas horas desolatione Spiritûs & arriditate miserrimè contabescens, fortissimo animo tulit: agones omni morte amariores. Exinde cœpit supernis abundare deliciis, illustrari visionibus, colliquescere Seraphicis ardoribus, Angelo tutelari, sanctæ Catharinæ Senensis, Virginis Deiparæ inter assiduas apparitiones mirè familiaris, à Christo has voces audire meruit: Rq. sa cordis mei, tu mihi sponsa esto. Deniq; sponsi hujus Paradiso feliciter in vitam, plurimiq; ante & post

& post obitum miraculis coruscant Clemens Decimus Pontifex Maximus Sanctarum Virginum Catalogo ritu solemniori adscripsit.

In III. Nocturno.

Simile erit Regnum Caelorum decem Virginibus.

Ad Missam Introitus. Dilexisti iustitiam. De conz. Virg.



FESTA SEPTEMBRIS.

Dominicâ primâ Septembris.

IN FESTO

S. ANGELI CUSTODIS.

Duplex secundæ Classis.

Omnia prout in Breviario cum Nona Lectione de Homilia Dominica, cujus fit commemoratio in Laudibus & secundis Vesperis.

FERIA SECUNDA.

Infra Octavam S. Angeli Custodis.

Officium de Octava dicitur, ut in die Festo.

In primo Nocturno Lectiones de Scriptura occurrente: Nimirum ex Dominica prima Septembris; quia heri non sunt lectæ.

In II. Nocturno.

LECTIO IV.

Sermo S. August. lib. 11. Civit. cap. 31.

Sancti Angeli, ad quorum societatem, & congrega-

gregationem in hac peregrinatione laboriosissima
 suspiramus, sicut habent permanendi æternita-
 tem, ita cognoscendi facilitatem, & requiescendi
 felicitatem; sine difficultate quippe nos adjuvant,
 quoniam spiritualibus motibus puris & liberis non
 laborant. *R. Vivit ipse Dominus.*

Idem ibidem c. 33.

Lectio V.

NOS duas societates Angelicas intelligimus, u-
 nam fruentem Deo, alteram tumentem ty-
 pho. Unam, cui dicitur: Adorate eum omnes
 Angeli ejus: aliam, cujus Princeps dicit: Hæco-
 mnia dabo tibi, si prostratus adoraveris me. Unam
 sancto Dei amore flagrantem: alteram propriæ
 celsitudinis imundo amore fumantem. Et quo-
 niam, sicut scriptum est, Deus superbis resistit, hu-
 milibus autem dat gratiam; illam in coelis habi-
 tantem, istam inde dejectam, in hoc infimo aëreo
 coelo tumultuantem. *R. Angelus Domini.*

Idem ibidem.

Lectio VI.

ILLam luminosâ pietate tranquillam; istam te-
 nebrosis cupiditatibus turbulentam. Illam Del-
 nutu clementer subvenientem, justè ulciscentem;
 istam suo fastu subdendi, & nocendi libidine æstu-
 antem. Illam, ut quantum vult, consulat, Dei
 bonitatis ministrâ; istam, ne quantum vult no-
 ceat, Dei potestate frenatam. Illam huic illu-
 dentem, ut nolens proferat persecutionibus suis;
 hanc illi invidentem, cùm peregrinos colligit su-
 os. *R. In omni tribulatione.*

In III.

In III. Nocturno.

*Lectiones ex 3. Noct. Festi S. Michaelis Archangeli,
ut in Breviario Rom. 29. Septemb.*

FERIA TERTIA.

Infra Octavam.

Lectio IV.

S. Bernard. in festivit. S. Michaelis.

Hic est funiculus triplex, quo de excelsis coelorum habitaculo ad consolandos, ad visitandos, ad adjuvandos nos attrahitur supereminens charitas Angelorum, propter Deum, propter nos, propter seipsos. Propter Deum utique, cujus tanta erga nos misericordiae viscera, ipsi quoque imitantur. Propter nos, in quibus propria similitudinem miserantur. Propter seipsos quorum ordines instaurandos ex nobis toto desiderio praestolantur. In ore enim parvulorum, qui lacte modo vescuntur, & nondum solido cibo, perficienda est laus illa majestatis divinae, cujus habentes primitias Angelici spiritus, beatam delectatione fruantur: sed tanto avidius nos expectant, quanto consummationis ejus expectatione, & expectatione sollicitantur. *R. Vivit ipse Dominus.*

Lectio V.

Quae cum ita sint, pensate etiam quantum nobis sollicitudine opus est, ut dignos nos exhibeamus eorum frequentiam, & eo modo conversemur in conspectu Angelorum, ne forte sanctos offendamus obtutus. Vae enim nobis si quando provocati

cati peccatis, & negligentis nostris, indignos nos judicaverint præsentia, & visitatione suâ, ut jam necesse habeamus, & nos plangere, & dicere cum Propheta. Amici mei, & proximi mei, adversum me appropinquaverunt, & steterunt, & qui juxta me erant, de longè steterunt, & vim faciebant qui quærebant animam meam. Elongatis nimirum eis, quorum præsentia protegere nos, & propulsare poterat inimicum. *R. Angelus Domini.*

Lectio VI.

QUOD si tam necessariam habemus familiaritatem dignationis Angelicæ, cavenda nobis est eorum offensâ, & in his maximè exercendum, quibus eos novimus oblectari. Sunt enim plurima, quæ eis placent, & quæ in nobis invenire delectat, ut est, sobrietas, castitas, paupertas voluntaria, crebri in cœlum gemitus, & orationes cum lachrymis, & cordis intentione. Attamen super omnia hæc unitatem, & pacem à nobis exigunt Angeli pacis. Econtra verò nihil æquè offendit, & ad indignationem provocat eos, quomodo dissensiones & scandala. *R. In omni tribulatione.*

In III. Nocturno.

Lectio sancti Evangelii secundum Matthæum. c. 18.

Lectio VII.

IN illo tempore: Accesserunt Discipuli ad Jesum, dicentes: Quis putas major est in regno cœlorum? Et reliqua.

Homilia S. Joannis Chrysostomi, ex variis in Matthæum locis, homilia 18.

VÆ mundo à scandalis. Mundum istum, terrenum locum dicit: neque verò de cœlo, & terra intelligere debemus mundum, sed mundum hic intelligamus terrenum; idcò quod dixit Dominus: Regnum meum non est de isto mundo: si essem de mundo, amaret me mundus. Et dicitur ad Apostolos: Vos non estis de mundo.

Lectio VIII.

VÆ igitur mundo, hoc est, terreno loco, ab scandalis: necesse enim est, ut veniant scandala: non quia necesse; sed quia mundo necesse, ut veniant. Videte, quod dicimus, subtile est: si necesse est, ut veniant scandala; ergo absq; culpa est ille, per quem venit scandalum.

Lectio IX.

Sed nos dicimus, scandalum non venit, nisi in terreno mundo. Vis tibi non venire scandalum? noli esse terrenus. Propterea dico, mundus terrenus scandalum habet, terra ista necesse est, ut habeat scandalum: noli portare terrenum, sed cœlestem, & scandalum non habebis. Veruntamen væ homini illi, per quem scandalū venit.

FERIA QUARTA

Infra Octavam.

Lectio IV.

S. Hilarius in Psalm. 137.

IN conspectu Angelorum psallam tibi. Parum sibi

sibi existimat Propheta esse, ut hominibus tantum præsentibus psallat, quia homines corporalium tantum negotiorum officia inspiciunt; in eo enim quod psallit, motum complacitæ operationis Deo ostendit. Non ergo quæ videntur in corpore, cerni desiderat; sed ea, quæ spiritualiter naturæ spirituales contuentur, gerere festinat. Scit enim sub specula Angelorum vitam omnem, moresq; agere, & ubiq; hæc divinorum ministeriorum auxilia, fidelibus cunctis assistere, ut scriptum est: Præest Angelus Domini in circuitu timentium eum.

Lectio V.

Legem etiam Moyfi in manu mediatoris per Angelos fuisse depositam, docet Apostolus; nec non & Helisæus absolutissimè docuit, humanas infirmitates, Angelorum auxiliis defendi, & in omnibus periculis, si fides maneat, in nobis adesse spiritualium virtutum defensionem. Nam cum Rex Syriæ capere Geth Urbem, in qua idem Propheta Helisæus esset, pararet, & nocturnis itineribus exercitium suum, qui antelucanus Urbem obsideret, destinasset, puer Helisæi conspectâ obsidione dixit: O Domine, quid faciemus? Et dixit: Noli timere, quia plures sunt nobiscum, quam cum illis.

Lectio VI.

ET oravit Helisæus ad Dominum, & dixit: Adaperi, Domine, oculos pueri hujus, ut videat: & aperuit Dominus oculos pueri, & vidit. Et ecce mons

ce mons erat plenus equis, & curribus in gyro Helisæi, & descenderunt ad eos. Tantus, & tam nobilis Propheta solus contemplatione auxiliorum spiritualium dignus est. Sed oratio ejus ad Deum, visum incorporeum etiam puero suo meruit. In horum igitur assistentium humanis auxiliis Angelorum conspectu psallat Propheta, simplicibus spiritualium operum contemplatione placiturus.

In III. Nocturno.

Lectio Sancti Evangelii secundum Mattheum c. 18.

Lectio VII.

In illo tempore: Accesserunt Discipuli ad Jesum, dicentes: Quis putas major est &c. Et reliqua.

Homilia S. Bernardi Abbatis,

Tom. 1. in festiv. S. Michaëlis Serm. 11.

Audistis fratres Evangelicam lectionem adversus eos, qui pusillos scandalizant, satis terribiliter intonantem. Nemini blanditur veritas, neminem palpat, nullum seducit, aperte denunci-ans, quoniam vix homini illi, per quem scandalum venit, expedit ei, ut suspendatur in collo ejus mola asinaria, & pro svavi jugo, & levi onere Salvatoris, gravi mole terrenæ cupiditatis humeris ejus imposita, demergatur in profundum maris hujus magni, & spaciosi manibus, quod est sine dubio sæculum nequam. Perire siquidem necesse est hominem, qui charitatem non habet, etiamsi tradiderit corpus suum ita, ut ardeat: & hoc dixerim, fratres, ut in ea charitate, & unanimitate, &
pace,

pace, in qua statis in Domino, solliciti sitis perfe-
verare & abundare magis.

Lectio VIII.

QUæ est enim spes nostra, & gaudium nostrum,
& corona gloriæ? nonne unitas, & unanimi-
tas vestra, in qua gaudeo vos inveniri fraternita-
tis amatores, & ante omnia mutuam in vobis-
metipsis charitatem habentes, quod est vinculum
perfectionis? In hoc enim cognoscunt omnes, e-
tiam Angeli sancti, quod Christi estis discipuli, si
dilectionem habueritis ad invicem. Denique po-
test hinc quoque fraternæ dilectionis utilitas ma-
gnificè commendari: numquid enim Christi gra-
tiâ diligemur ab Angelis, si de mutuæ dilectionis
inopia cognoverint nequaquam ejus nos esse di-
scipulos? Numquid diligemur ab eis propter nos
ipsos, id est, spiritualis naturæ similitudinem, si in-
venimur non diligere humanæ naturæ nostræ
confortes? imò verò, si ex eis, quæ inter nos sunt,
contentionibus, carnales nos magis, quàm spiri-
tuales esse constiterit.

Lectio IX.

Denique numquid Angeli diligent nos propter
seipsos, & futuram de nobis civitatis suæ re-
staurationem, si (quod absit,) unum, quo solu-
niri, coædificari eis possumus, defuerit glutinum
charitatis? Quomodo sperabunt reædificandos
de nobis perpetuos civitatis illius muros, si cogno-
verint, si viderint, nos non lapides esse vivos, qui
possint invicem cohærere: sed magis pulverem,

quem projicit ventus à facie terræ, quem unius verbi flatus in turbinem excitet, & suspicionis cujuslibet levissima aura dispergat? Et hæc quidem dixisse sufficiat pro eo, quod ait Dominus: Si quis scandalizaverit unum de pusillis istis.

FERIA QUINTA

Infra Octavam.

Lectio IV.

Sermo S. Augustini Episc. l. 9. civit. cap. 11.

Angelis bonis omnis corporalium, temporaliumq; rerum scientia vilis est, non quòd earum ignari sint, sed quòd illis Dei, quâ significantur, charitas chara est. Præ cuius non tantum incorporali, verum etiam incommutabili, & ineffabili pulchritudine, cuius sancto amore inardescunt omnia, quæ infra sunt, & quod illud Est non sunt, seq; ipsos inter illa contemnunt, ut ex toto, quod boni sunt, eo bono, ex quo boni sunt, perfruantur.

Lectio V. Ibidem lib. 10. cap. 7.

Angeli in cœlestibus sedibus constituti immortales, & beati, qui Creatoris sui participatione gaudent, cuius æternitate firmi, cuius veritate certi, cuius munere sancti sunt; quoniam nos mortales, & miseros, ut immortales, beatiq; simus, misericorditer diligunt, nolunt nos sibi sacrificare, sed ei, cuius & ipsi nobiscum sacrificium esse noverunt.

Lectio VI. Ibidem.

Cum ipsis sumus una civitas Dei, cui dicitur in Psal-

Psalmo: Gloriosa dicta sunt de te civitas Dei, cuius pars in nobis peregrinatur, pars in illis opitulatur. De illa quippe superna civitate, ubi Dei voluntas intelligibilis, atque incommutabilis lex est, de illa superna quodammodò curia (geritur namq; ibi cura de nobis) ad nos ministrata per Angelos sancta Scriptura descendit.

In III. Nocturno.

Lectio sancti Evangelii secundum Matthæum c. 18.

Lectio VII.

IN illo tempore: Accesserunt Discipuli ad Jesum dicentes: Quis putas major est in regno cœlorum? Et reliqua.

Homilia S. Bernardi Abbatis.

JAm verò quem non moveat, quod sequitur in Evangelio? Si oculus tuus scandalizaverit te, erue eum. Numquid enim corporalem hunc oculum monemur eruere, aut unam ex manibus istis, similiter & unum abscindere pedem? Absit à nobis hujusmodi carnalis omninò, & nimis ridiculosa cogitatio.

Lectio VIII.

Porrò triplex fieri scandalum istud quotidiano nobis nosse licet experimento. Interdum enim est in nobis spiritualis intentionis oculus simplex, & qui gratiæ magis, quam noster dicendus sit; sed scandalizat nos oculus noster, & qui verè à nobis est, dum voluntas nostra aliam minùs castam importunè ingerit intentionem; sed habemus super hoc salubre consilium Salvatoris: Erue

eum, inquit, & projice abs te. Hoc autem fiet, si non consentias, si abjicias, si resistas. Simili modo de manu, ac pede est intelligendum.

Lectio IX.

Cùm autem bonis operibus intentos, ad alia opera trahere voluntas propria conatur, manus nostra est, quæ scandalizat nos; sed abscindi debet, & projici à nobis, ut non ei consentiamus. Sic etiam proficere in sancta conversatione, & ascendere per gradus scalæ, quæ Jacob apparuit, ac juxta quod ait Psalmista, de virtute in virtutem ire desiderantes, sæpius scandalum patimur à pede quodam pusillanimitatis, & negligentia nostræ. qui nimirum descendere magis, ac remissiùs ire conatur; sed abscindi eum necesse est, ut pes gratiæ, qui stat in directo, currere possit sine offensione, sine scandalo, sine impedimento.

FERIA SEXTA

Infra Octavam.

Lectio IV.

S. Bernard. in festiv. S. Michaëlis.

Dignum est, ut gloriam Angelorum non capientes, tantò magis amplectamur misericordiam, quàm nimirum constat, nihilominus abundare domesticos Dei, cœli Cives, Principes Paradisi. Testatur enim Apostolus, qui raptus est ad tertium cœlum, beatæ illi curiæ meruit interesse, atq; ejus nosse secreta, quoniam omnes administratores sunt spiritus, missi in ministerium propter eos, qui

qui hæreditatem capiunt salutis. Neque id cuiquam incredibile videatur, quandoquidem ipse quoque Creator, & Rex Angelorum venit non ministrari, sed ministrare, & animam suam dare pro multis.

Lectio V.

Ministrant Angeli, sed de alieno offerentes Deo bona opera, non sua, sed nostra, & nobis ejus gratiam referentes; unde & Scriptura dicit: Quoniam ascendit fumus aromatum in conspectu Domini, de manu Angelorum: sollicitè præmisit, data ei fuisse incensa multa. Nostros enim sudores, non suos; nostras, non suas lachrymas offerunt Deo; nobis quoque ejus munera referunt, non sua. Non sic minister ille sublimior cunctis, sed humilior universis, qui semetipsum obtulit sacrificium laudis, qui Patri offerens animam suam, nobis ministrat usque hodie carnem suam.

Lectio VI.

Hujus itaque tanti mysterii gratiâ, nihil mirum si dignantur nobis, imò & libenter Angeli sancti ministrent. Ipsi enim amant nos, quia nos amavit Christus. Dicitur certè vulgari proverbio: Qui me amat, & canem meum. Nos verò, o beati Angeli, catelli sumus Domini illius, quem tanto affectu diligitis. Catelli, inquam, cupientes saturari de micis, quæ cadunt de mensis Dominorum nostrorum, qui estis vos. Et hæc dixerim, fratres, ut ampliorem de cætero erga beatos Angelos fiduciam habeatis, ac proinde familiariùs

in omni necessitate vestra illorum invocetis auxilia, sed & dignè in eorum præsentia conversari, & magis, ac magis eorum vobis conciliare gratiam, captare benevolentiam, exorare clementiam studcatis.

In III. Nocturno.

Lectio sancti Evangelii secundum Matthæum. c. 18.

Lectio VII.

IN illo tempore: Accesserunt Discipuli ad Jesum, dicentes: Quis putas major est in regno cœlorum? Et reliqua.

Homilia Sancti Joannis Chrysostomi,
ex Hom. 60. in Matthæum.

Videte, ne contemnatis unum de parvulis istis. Parvulos non ætate, sed multorum æstimatione appellavit; pauperes, inquam, ignotos, ceterosque hujusmodi, quos multi contemnunt, qui reverà parvuli non sunt, cùm Creatoris omnium amici sint: quos ipse multò magis venerabiliores facit, dicens: Quia Angeli eorum semper vident faciem Patris mei, qui in cœlis est.

Lectio VIII.

Hinc manifestum est, quia omnes Sancti Angelos habeant. Apostolus etiam ait de muliere, quoniam velamen debeat habere in capite propter Angelos; & Moyses: Statuit fines, inquit, Gentium secundum numerum Angelorum Dei. Hic verò non de Angelis excellentibus, atque supremis. Nihil enim aliud designatur, cùm faciem, di-

em, dicat, Patris mei aspiciunt, quàm summa fiducia eorum, & honor precibus.

Lectio IX.

Vides, quot, quibusq; rationibus ad modestiam, & ad curam tenuiorum fratrum, nos revocat? Infantem in medio statuit, & dixit: Efficiamini sicut parvuli, & quicumq; talem susceperit parvulum, me suscipiet; & quicumq; hunc scandalizaverit, extrema luet supplicia: & scandalizantes homines, etiamsi loco manuum, atque oculorum nobis essent, abscindere jussit. Angelorum quoque autoritate, qui hos tenues fratres tutantur, ut eos veneremur, impellit.

S A B B A T H O

Infra Octavam.

Lectio IV.

Sermo S. Ambrosii Serm. 1. de Eliseo.

Hostium tumultus bellicosos minimè timere debemus, nec quamlibet numerosam hostium multitudinem formidare. Quoniam, sicut ait Apostolus, major est, qui in nobis est, quàm qui in mundo, hoc est, potentior est ad protegendos famulos suos Christus, quàm diabolus ad instigandos inimicos; quamvis enim idem diabolus colligat sibi turbas, & crudeli eas armet insaniâ, tamen facilè destruuntur, quia melioribus populum suum Salvator circumdat auxiliis. Ait enim Propheta: Immittet Angelum Dominus in circuitu timentium eum, & eripiet eos. Quòd si Ange-

lus Domini timentes eum de periculis eripit, non potest timere barbarū, qui timuerit Salvatorem.

Idem in Epist. ad Hebr. c. 1.

Lectio V.

Quid miraris, si filio ministerium exhibent Angeli, cum etiam nostræ salutis ministros eos constet effectos? Filius tamen sicut Dominus salvat: isti verò sicut servi salutis prædestinatorum deserviunt. Intelligite igitur, quantus honor nobis existit, ad quos sicut ad amicos, ita ministros Angelos suos destinat Deus.

Idem in Psalm. 37.

Lectio VI.

Qui juxta me erant, de longè steterunt: nemysticus quidem pietatis abhorreat affectus, ut pro Angelis dixerit, qui prætentunt timentibus Dominum, ut eripiant eos de tentationibus, quas ferre non possunt. Quomodo ergò longè stant, qui ad adjumentum sunt attributi? sed non illi se separant, sed qui urgetur tentationibus, putat eos longè abesse, quos propiùs sibi adesse desiderat & arbitratur dissimulare, cum illi adjuvandi tempus nutu sui Imperatoris expectent, qui athletam suum, quò gloriosius vinceret, diutius certare præcepit.

In III. Nocturno.

Lectio sancti Evangelii secundum Matthæum. c. 18.

Lectio VII.

In illo tempore: Accesserunt Discipuli ad Jesum, dicentes: Quis putas major est in regno coelorum? Et reliqua. Homi-

Homilia S. Joannis Chrysostomi,
ex homil. 59.

CUriosè, inquit, scrutamini vos, quis vestrum major sit, & de primatûs honore contenditis. Ego autem si quis humiliorem se cæteris non effecerit, ipso ingressu coelesti omninò indignum assero. Rectè autem ante oculos monitione parvuli totam remposuit, ipso aspectu eos convertens, ac persuadens, ut absq; simulatione aliqua humilitatem amplectantur.

Lectio VIII.

PARvuli autem non invidere, nec inanem expectare gloriam, nec primatûs desiderare dignitatem noverunt; sed maximè hanc virtutem possident, puram dico simplicitatem, & humilitatem. Non ergò fortitudine tantum, ac prudentiâ, sed humilitatis quoque virtute, & simplicitate nobis opus est; quæ si non adest, salus nostra certè claudicat.

Lectio IX.

PARvulum autem ætate, & quidem meâ sententiâ, valde parvulum, qui ab omnibus esset passionibus liber, in medio statuit. Illa enim ætas omni arrogantia, omni gloriæ inanis furore, omni livoris insaniâ, omni contentionis cupiditate, cæterisq; hujusmodi affectibus immunis est. Cumq; præcipuis muniatur virtutibus, simplicitatis scilicet, ac humilitatis, de nulla istarum superbit, ita duplici philosophiâ ornatur.

Domi.

Dominica II. Septembris, Dies octa-
vâ sancti Angeli Custodis.

Duplex.

Lectioes primi Nocturni de Dominica secunda.

Lectio IV.

*Sermo S. Bernardi Abbat. ex Serm. 12. super
Psal. Qui habitat.*

Angelis suis mandavit de te. Mira dignatio, & verè magna dilectio charitatis. Quis enim? quibus? de quo? quid mandavit? studiosè consideremus, Fratres, diligenter commendemus memoriæ, hoc tam grande mandatum. Quis enim mandavit? cujus sunt Angeli? cujus mandatis obtemperant? cujus obediunt voluntati? nempe Angelis suis mandavit de te, ut custodiant te in omnibus viis tuis: nec cunctantur, quin etiam in manibus tollant te. Summa ergò majestas mandavit Angelis, & Angelis suis mandavit; illis utique sublimibus tam beatis, tam proximè sibi cohærentibus, tam familiariter sibi adhærentibus, & verè domesticis Dei mandavit de te. Tu quis es? Quasi verò non sit homo putredo, & filius hominis vermis.

Lectio V.

Sed quid putas mandavit de te? numquid scripsit contra te amaritudines? numquid ut contra folium, quod vento rapitur, ostendant potentiam suam, & stipulam siccam persequantur? numquid ut tollant impium, ne videat gloriam Dei?

man-

mandandum istud est, non mandatum. Itaque Angelis suis mandavit de te, ut custodiant te. Pretiosum depositum nobis commiserat fructum crucis suæ, pretium sanguinis sui, non est contentus custodiâ hâc tam parum tutâ, tam parum utili, tam fragili, tam insufficienti super muros tuos Jerusalem constituit custodes, nempe etiam ipsi, qui videntur muri, aut in muro ipso columnæ, his custodibus egent, & maximè.

Lectio VI.

Quantam tibi debet hoc verbum inferre reverentiam, asserre devotionem, conferre fiduciam? Reverentiam pro præsentia, devotionem pro benevolentia, fiduciam pro custodia. Cautè ambula, ut videlicet, cui adsunt Angeli, sicut eis mandatum est, in omnibus viis suis: in quovis diversorio, in quovis angulo, Angelo tuo reverentiam habe. Tunc audeas illo præsentem, quod vidente me non auderes? Cæterum etsi tam parvulus sumus, & tam magna nobis, nec modò tam magna, sed & tam periculosa via restat, quid tamen sub tantis custodibus timeamus? nec superari, nec seduci, minùs autem seducere possunt, qui custodiunt nos in omnibus viis nostris. Fideles sunt, prudentes sunt, potentes sunt, quid trepidamus? tantum sequamur eos, adhæreamus eis, & in protectione Dei cœli commoremur.

Lectio VII. & VIII. ut in die festi.

Lectio Nona de homil. Dominica secunda Septembris, cujus sit commemoratio in Laudibus & secundis Vesperis.

Sic dies

Si dies octava S. Angeli Custodis inciderit in Festum Nativitatis B. Mariae Virginis, fit de B. Maria Virgine, cum commemoratione diei Octavae S. Angeli Custodis.

Die I. Septembris.

IN FESTO

S. ÆGIDII Abbatis.

Semiduplex.

In II. Nocturno.

Lectio IV.

Ægidius Atheniensis &c, *Ut in Romano Breviario.*

Lectio V. & VI.

Ex Libr. Moralium S. Gregorii Papæ. Deridetur Justī simplicitas, Ut in Com. Conf. non Pont.

In III. Nocturno.

Lectio sancti Evangelii secundum Matthæum.

Lectio VI.

IN illo tempore: Dixit Petrus ad Jesum: Ecce nos reliquimus omnia, & secuti sumus te: Quid ergo erit nobis? Et reliqua.

Homilia Sancti Joannis Chrysostomi.

Homil. 7. in Cap. 3. ad Roman. circa finem.

SI centuplum hic non recipimus, nos ipsi in causa sumus, qui mutuū non damus illi, qui tantum reddere potest. Dic enim, quæso, quid magni dedit Petrus, nonne rete scissum tantum, & calamum & hamum? Verum vicissim illi Deus uni-

universi Orbis domos aperuit, terramq; simul & mare patefecit, deditque, ut omnes illum in sua vocarent. Imò, quæ sua erant, venderent, & ad illius pedes afferrent, nè in manus quidem tradentes pecuniam, neq; enim id audebant: Tantum illi honorem unà cum munificentia tribuebant.

R. Iste est, qui ante &c.

Lectio VIII.

Dices: At ille Petrus erat? quid tum, ô bone; Non ista Petro tantum promissa sunt: neq; enim dixit; Tu verò, ô Petre, centuplum accipies solus: sed quisquis reliquerit domos, aut fratres, centuplum accipiet: personarum siquidem differentiam non cognoscit, sed rectè facta magis pensat: gratiam enim habet Deus, & cum nobis debet, & cum solvit: aspicit autem creditores suos libentius; quàm eos, qui nihil mutuò dederunt: quibus verò plura debet, eos & plus diligit, Quam obrèm si perpetuam cum illo amicitiam inire vis; vide, ut multum tibi debeat. *R. Sint lumbi vestri.*

Lectio IX.

Neq; enim perinde delectabitur suis debitoribus creditor, atq; Christus creditoribus: fugit enim, quibus nihil debet; quibus verò debet, ad hos potissimum accurrit: omnem igitur lapidem moventes, curemus Christum debitorem habere. Hoc enim præsens tempus, soenerandi tempus est. Nunc scilicet in indigentia Christus constitutus est. Si jam illi nihil das mutuò, tuo-

K

rum

rum certè, cùm hinc discefferis, nihil opus habebit: hic enim fitit; hic esurit: cave igitur, illum nè despicias. *Te Deum laudamus.*

Die VI. Septembris.

IN FESTO

S. MAGNI Abbat.

ORATIO.

BEati Magni Abbatis, Domine quæsumus, supplicatione plebs tua benedictionem percipiat, ut de ejus precibus feliciter gloriatur, & æternæ societatis lætitia gratuletur. Per Dominum.

Lectio II.

Magnus, parentibus Scotis apud Hybernos natus, dum Columbano & Gallo adjutoribus Brigantii incolas à dæmonum cultu ad Orthodoxam fidem traducere laborat, gentilium invidiam commovet, Itaq; Columbanus in Italiam, Magnus & Gallus in eam eremi partem successe, quæ est inter lacum Brigantinum, & alpes Rheticas. Porro Magnus divertit Campodunum, olim populosum, tunc propter serpentum colluviem. & dæmonum infestationes tam hominibus, quàm feris impervium. Progressus terribilem draconem signo Crucis extinxit, & spectra fugavit. Eo miraculo vicinæ gentes in Christum crediderunt.

Lectio III.

EXædificato ad fauces Julias D. Augustini, Regularibus cœnobio, Fissendicto, sub religiosa
disci-

disciplina cœcos visu, surdos auditu, claudos gressu, agros atque dæmoniacos incolumitate donavit. Actâ in terris vitâ Angelicâ, ad Dominum, quem tantoperè desiderabat, emigravit 8. Idus Septembris. *Te Deum.*

Die X. Septembris.

IN FESTO

S. CORBINIANI Ep. Conf.

ORATIO.

OMnipotens sempiterne Deus, qui nos depositione Sancti Corbiniani Confessoris tui atque Pontificis annuâ recursione lætificas, concede, ut ejus suffragantibus meritis, ab imminentibus peccatorum periculis liberemur, & æternis gaudiis perfrui mereamur. Per Dominum.

Lectio IX.

Corbinianus in Gallia natus, in monasterio ad S. Germani Ecclesiam à se exstructo per annos 14. integerrimè vixit. Romæ à Gregorio Pontifice in Episcopum ordinatus, redit in Gallias. Verum sanctitatis famâ crescente, Romam iter clam aggreditur, Bojôsque invisit. Inde per Alpes ad Breonum sylvam contendenti, Ursus equum Clitellarium dilaniat: quem in pœnam reliquo itinere vectorem sarcinæ adhibuit. Grimoaldi Theodonis filii precibus invitatus, primùm ad Majas, dein Frisingæ, sedem Episcopalem constituit. Miraculis clarus cessit è vita, Cujus sacris reliquiis Basilica Frisingensis honorificè applaudit.

Die XVIII. Septembris.

IN FESTO

S. LAMPERTI Episc.

& Mart. Semiduplex.

ORATIO.

INtercessio, quæsumus Domine, Beati Lamperti Martyris tui atque Pontificis tuam nobis non desinat placare iustitiam, & nostrum devotum tibi efficere famulatum. Per Dominum &c.

In I. Nocturno.

Lectioes de Scriptura occurrente : nisi venerit in 4. temporibus : quia tunc dicuntur de Act. Apost. A Mileto &c.

In II. Nocturno.

GLoriosus Episcopus & Martyr Lampertus, natus Trajecti in Belgio, à pueritia ætatem suam Christo consecravit. Usus præceptoribus à vitæ sanctitate celebribus ita profecit, ut suo Sancto Martyri Theodardo in Episcopatum Trajectensem successerit, urgentibus, Rege Clodoveo, & electione Cleri, & omnis populi acclamatione. Clodoveus in Decreto eum vocabat Patrem suum, & virum Apostolicum; Childericus autem Rex, pectus ejus dicebat esse domicilium Spiritûs Sancti, & linguam organum veritatis. Sed hoc Rege occiso, Ebroinus Sanctum Lampertum iustitiæ defensores, Episcopatu expulit. *R. Honesti.*

Lectio

Lectio V.

Lampertus videns se oppressioni Ecclesiæ non posse resistere, septem annis angelicam vitam duxit in Monasterio Stabuleto usq; ad Ebroini interfectionem. Taxandriæ populum, qui Idololatriæ deditus, non in civitatibus, sed sparsis vicis continebatur usq; ad Tungros, ipse multâ patientiâ & prædicatione ad fidem convertit; unde & Taxandriæ Apostolus nominatus est. Dum autem Pipinum Principem, primi Pipini nepotem, à publico cum Alpaide adulterio revocare conatur, obsistente sibi Pellice, cum Joanne Baptista meruit martyrii coronam. *R. Desiderium.*

Lectio VI.

Dodo enim pellicis frater, sorore postulante; collegit impiorum Satellitium, & sanctum Lampertum in villa Legia habitantem noctu circumdedit, & fores effringere nitebatur. Quod cum Pontifex ex puero Gondonero audivisset, & arripuisset gladium quasi pugnaturus, mox seipsum increpans dixit: melius est mihi in Christo mori, quoniam sic pugnando victoriam non amitto, expansis igitur brachiis ante altare Sanctorum Martyrum Cosmæ & Damiani orantem impii ictu lanceæ vulnerarunt, & unâ cum Petro & Andoletio Martyrii Consanguineis occiderunt, anno salutis sexcentesimo nonagesimo octavo; Episcopatus autem quadragesimo. Sepultus est apud Traiectenses in Ecclesia sancti Petri; unde post annos duodecim translatus est in villam Legiam martyrio,

rio, & miraculis S. Lamperti nobilem, & deinde in amplam Urbem Leodium, ac sedem Episcopalem commutatam. *R. Stola jucunditatis.*

In III. Nocturno.

Lectio S. Evangelii secundum Lucam.

Lectio VII.

IN illo tempore: Dixit Jesus turbis: Si quis venit ad me, & non odit patrem suum, & matrem, & uxorem, & filios, & fratres, & sorores: adhuc autem & animam suam, non potest meus esse discipulus. Et reliqua.

De Homilia S. Gregorii Papæ.

SCimus autem; quia cum de terra Philistiim Arca Domini ad terram Israëlitarum rediret, plauastro superimposita est, & vaccæ plauastro subjunctæ sunt, quæ foetæ fuisse memorantur, quarum filios clauferunt domi. Et scriptum est: Ibant autem in directum vaccæ per viam, quæ ducit Bethsâmis, uno itinere gradiebantur pergentes, & mugientes, & non declinabant neq; ad dexteram, neq; ad sinistram. Quid ergo vaccæ, nisi fideles quosq; in Ecclesia designant? Qui dum sacri eloquii præcepta considerant, quasi super impositam sibi Domini Arcam portant. *R. Corona aurea.*

Lectio VIII.

DE quibus hoc etiam est notandum, quod fuisse foeta memorantur: quia sunt plerique, qui in via Dei intrinsecus positi, foris carnalibus affectibus ligantur; sed non declinant à recto itinere, qui

qui Arcam Dei portant in mente. Ecce enim vaccæ Bethsamis pergunt. Bethsamis quippe dicitur domus Solis, & Propheta ait: Vobis autem, qui timetis Dominum, orietur Sol Justitiæ. Si ergo ad æterni Solis habitationem tendimus, dignum profectò est, ut de Dei itinere pro carnalibus affectibus non declinemus. Totâ enim virtute pensandum est, quòd vaccæ Dei plauastro suppositæ pergunt, & gemunt. Dant ab intimis mugitus, & tamen ab itinere non deflectunt gressus. Sic nimirum prædicatores Dei, sic fideles quiq; esse intra sanctam Ecclesiam debent, ut compatiantur proximis per caritatem, & tamen de via Dei non exorbitent per compassionem. R.
Hic est verè Martyr.

Lectio IX.

HOc ipsum verò animæ odium qualiter exhiberi debeat; Veritas subdendo manifestat, dicens: Qui non bajulat crucem suam &c. Crux quippe à cruciatu dicitur. Et duobus modis crucem Domini bajulamur, cum aut per abstinentiâ carnem efficiamus, aut per compassionem proximi necessitatem illius, nostram putamus. Qui enim dolorem exhibet in aliena necessitate, crucem portat in mente. Sciendum verò est, quòd sunt nonnulli, qui carnis abstinentiâ non pro Deo, sed pro inani gloria exhibent. Et sunt plerique, qui compassionem proximo non spiritualiter, sed carnaliter impendunt; ut ei non ad virtutem, sed quasi miserendo ad culpas saveant. Hi itaq;

itaq; crucem quidem videntur ferre, sed Dominum non sequuntur. Unde rectè hæc eadem Veritas dicit: Qui non bajulat crucem suam, & venit post me, non potest meus esse discipulus. *Te Deum laudamus.*

Ad Missam Introitus. Statuit ei Dominus &c. Ut in Com. unius Mart. Pontif.

Die XXIV. Septembris.

IN FESTO

S. RUPERTI Ep. Conf.

ORATIO.

ECclesiam tuam quæsumus Domine, piâ miseratione custodi, & quam Beatissimus Confessor tuus & Episcopus Rupertus te præsidante purgavit ab hæresibus, ipsius orationibus non desinas momentis omnibus adjuvare. Per Dominum.

.Lectio II.

Rupertus Vangionensis Episcopus, sub Childeberto secundo Francorum Rege, genus suum ab iisdem ducens hoc suum existimabat, quod egenis contulisset. Ejus ope tam vicinæ, quàm longinquæ regiones in salutis viam tractæ sunt. Ac Theodo Bavarix Dux, miraculorum famâ auditâ, rogavit, ut suas ditiones invisere vellet. At ille, licet persecutionibus fatigatus, Theodonem unâ cum præcipuis proceribus, ac magnâ hominum multitudine baptizavit.

Lectio

Lectio III.

Cùm Episcopalem sedem ad lacum Walersee constituisset, templumq; in honorem B. Petri, ac Juvavium in loco, qui nunc Salisburgum dicitur, Clericorum ministeriis primus erexisset, animum statim ad reliquam gentem Bavarix imbuendam convertit. Quare Bavarorum Apostolus appellatus est. Cùm denique Episcopatum pluribus annis, summâ cum laude rexisset, sacrosancto Missæ sacrificio, ipso Dominico Resurrectionis die, peracto, ac discipulorum animis paternâ hortatione confirmatis, cœlesti vitâ perpetuò fruiturus, migravit ad Dominum. *Te Deum.*

Die XXVII. Septembris.

Translat. S. STANISLAI,
Episc. & Mart. *Duplex.*

ORATIO.

DEUS, pro cujus honore &c.

In II. Nocturno.

Lectio IV.

ECCe Stanislaus computatus est inter filios Dei, & inter Sanctos fors illius est. Honorificavit eum Pater æternus, qui in cœlis est: centuplum accepit in hac vita, & vitam æternam possedit. Nam qui vivus cœcis viam demonstrabat, mortuus cœcos illuminat: qui vivus unum solum mortuû, magnâ nostri orbis admiratione, à mortuis excitavit, mortuus plures de sorte mortis su-

stulit, qui vivus ferro Boleslai cessit, mortuus universos exercitus, atque acies integras, piorum Regum patronus & adjutor, gentisq; suæ amator fugat. Itaque cum locus ille, ubi depositus fuit, populi frequentiam, quæ illuc opis causâ confugiebat, continere non posset, Lambertus hujus nominis tertius, Successor ejus, & Princeps Vladislaus, divinis visionibus admoniti, ossa Sancti, odorem suavissimum spirantia, sanctè ac reverenter in primarium templum Cracoviense, sancti Wenceslai tum dictum, transferunt. Sic suo Altari Pontifex, Cathedræ Doctor, templo Episcopus, populo Pastor post decennium restituitur. *R. Honestum fecit illum.*

Lectio V.

Post centum tandem & septuaginta annos excitat Dominus spiritum Prandotæ Episcopi Cracoviensis, Viri sancti, Boleslai item Ducis, cum sua conjuge Kinga scemina castissima. Qui miraculis sancti Episcopi collectis, & fide publicâ, tanquam igni probatis; Legatos ad Innocentium Quartum, Summum Pontificem mittunt: atq; ut tantum Virum in numerum Sanctorum referre velit, diligenter precantur. Fit consultatio Assisii, ubi tum fortè erat Summus Pontifex. Inter alios tum unus adversabatur causæ Divi Stanislai, Reinholdus Cardinalis Ostiensis, Vir primæ authoritatis: Incidit hic in gravem & lethalem morbum: cui in somnis apparet Divus Stanislaus; indignè illum facere docet, qui Dei resistat voluntati:

tati: excitatur senex, Divo se commendat: convalescit; causam antea oppugnatam tuetur. Fit summus consensus omnium: Episcopus sanctus inter Martyres refertur. *R. Desiderium animæ.*

Lectio VI.

Contigerat, Deo ita ordinante, inter ipsam rem sacram, ut mortuus adolescens à matre in illud templum Divi Francisci dictum deduceretur. Pontifex Deum supplex precatur, ut novo miraculo factum suum confirmet: erigit se subito adolescens: fit ingens lætitia omnium. Summus Pontifex pro suggestu gratias Deo agit: Martyrem luculentissimâ oratione celebrat: diem VIII. Idus Maji memoriæ ejus solemnem assignat. Reddeunt Legati cum ingenti lætitia, annuntiantes, quanta Deus fecit cum Martyre suo. Prandota Episcopus ossa Sancti ex pulvere terræ sublevat, eaque pro more solito in Altari condit, Boleslao Rege pudico, ac Regina pudicissima, cæterisque Episcopis, ac Ducibus Regni & vicinarum Provinciarum assistentibus. Et factum est in die illa gaudium magnum: benedixitq; Dominus novissimis Stanislai magis, quàm principio ejus. *R. Stollâ jucunditatis.*

In III. Nocturno.

Lectio sancti Evangelii secundum Joannem.

Lectio VII.

IN illo tempore: Dixit JESUS Phariseis: Ego sum Pastor bonus. Bonus Pastor animam suam dat pro ovibus suis. Et reliqua.

Homi-

Homilia S. Basilii Episcopi.

Quomodo, cum magna dicit: Ego manu meâ firmavi terram, ego produxi cœlos solus: quomodo cum alibi dicit: Ego sum Pastor bonus. Accet degeneres, & veritatem sibi ipsi vendicat: Ego sum Pastor ille bonus. Disce quis sit Pastor, & quis sit bonus ille. Ipse hoc interpretatur: Bonus Pastor animam suam ponit pro ovibus suis: Mercenarius verò, & qui non est Pastor, cujus non sunt oves propriæ, illi nihil est curæ, quando lupum venientem videt. Hic quærit Ecclesia: Si Dominus Pastor est, quis sit mercenarius Pastor? Num Diabolus? Et si Diabolus mercenarius Pastor est, quis sit lupo? At lupo Diabolus est, bestia immanis, rapax, insidiosa, communis omnium hostis. Habeat itaq; propriam appellationem mercenarius Pastor. *R. Corona aurea.*

Lectio VIII

Tunc quidem mercenarios Pastores Dominus vocavit, ad eos conversus, qui tunc erant: sunt verò & nunc (quod minimè vellem) qui non ut prosint ovibus, Pastores agunt: quibus propriè mercenariorum appellatio convenit. Tunc Principes Sacerdotum notabantur & Pharisei, & tota illa secta Judaica: illos dixit mercenarios esse Pastores, qui non veritatis, sed quæstus sui gratiâ pascendi potestatem usurpabant: qui vano prætextu precationibus instabant, ut panem comederent viduarum, & orphanorum. Mercenarii sunt, qui proprium compendium curant. Qui præ-

præsentia sectantes, ad futura non aspiciunt, mercenarii sunt, non Pastores. *R. Hic est verè Martyr.*


Lectio IX.

ET cognosco oves meas, & cognoscunt me meæ. Quid vocat cognoscere? Oves meæ, inquit, vocem meam audiunt. Ecce quomodo cognoscatur Deus, ex eo, quòd præcepta illius audimus: ex eo, quòd illa audientes opere adimplemus. Hæc demum est cognitio Dei, observantia videlicet præceptorum Dei, non inanis illa curiositas, non essentia Dei, & supra mundanorum investigatio, non rerum invisibilium consideratio. Satis tibi sit scire, Pastorem esse bonum, animam suam posuisse pro ovibus. Quantus verò sit Deus, & quæ illius mensura, & qualis essentia; talia sciscitanti sunt periculosa; ei autem, qui rogatur, perplexa: & talium medicina est, silentium. Qui verò nostram hanc panegyrim congregavit, nos custodiat indemnes, illæsos, & à lupi rapacitate seculos, Ecclesiam hanc immotam, ac magis Martyrum turribus munitam, conservet: omnes furentium hæreticorum insidias & incursum, in tranquillitate ac silentio avertat: nobis verò donet, ut divina oracula discamus, & doceamus, subministratâ à Spiritu Sancto gratiâ: cui cum Patre & Filio sit gloria & imperium nunc & semper & in sæcula sæculorum, Amen. *Te Deum.*

Ad Missam Introitus. Statuit ei Dominus. &c. *Epistola S. Pauli Apostoli ad Hebræos.* Fratres, Omnis Pontifex.

Evan.

Evangelium. Ego sum Pastor bonus &c. *Ut in Missa*
S. Thomæ Episcopi & Mart. 29. Decembr.



FESTA OCTOBRIS.

Die X. Octobris.

IN FESTO

SS. GEREONIS & Soc.

Mart.

ORATIO.

TRibue quæsumus, omnipotens Deus, beatorum Martyrum tuorum Gereonis, sociorumque ejus sacrarum precum ubiq; nos muniri suffragiis, ut eorum intervenientibus meritis, famulatus nostri tibi placere possint obsequia. Per Dominum.

Lectio II.

BEatus Gereon, ejusq; Socii trecenti decem & octo passi sunt Diocletiano & Maximiano Imperatoribus, quos in campis Agrippinæ civitatis assecuti carnifices, universos eadem Christi fide armatos obtruncârunt in loco, qui ab incolis ad Martyres dicitur; ubi in præaltum puteum conjecerunt occisorum corpora. Interea cohors illa trecentorum ac triginta Christianorum, quæ beatum Victorem comitabatur, pervenerat ad Francorum oppidum, quod ex Majorum sedibus Trojam nuncupabant, ubi fixis per prata castris, obruti sunt

ti sunt à supervenientibus Thebæorum Tyrannis, qui occisis universis, corpora eorum in locis palustribus submerferunt.

Lectio III.

Eodem tempore trecenti quinquaginta Christiani Milites, qui ex Mauritania Africæ regione ad eosdem Gallicos tumultus sedandos evocati, navigio descenderunt, pro fide trucidati, eandem cum beato Gereone; ejusq; Sociis corporum quietem, & venerationem reppererunt Coloniæ. Helena autem Constantini Mater, acceptâ à filio potestate sublimandi sepulturas Martyrum, ipsorum honori magnificam & divitem Basilicam exædificavit. *Te Deum.*

Die XIII. Octobris.

IN FESTO

S. EDUARDI Regis Conf.

Semiduplex.

Omnia de Comm. Confess. non Pont. præter orationem, & Lect. secundi Nocturni.

ORATIO.

Deus, qui beatum Regem Eduardum Confessorem tuum æternitatis gloriâ coronâsti; fac nos quæsumus ita eum venerari in terris, ut cum eo regnare possimus in cœlis. Per Dominum.

In II.

In II. Nocturno.

Lectio IV.

EDuardus cognomento Confessor, nepos sancti Eduardi Regis & Martyris Anglo-Saxonum Regem ultimus (quem futurum Regem Brithualdo viro sanctissimo in mentis excessu Dominus demonstravit) decennis à Danis Angliam vastantibus quæsitus ad necem, exulare cogitur apud avunculum Normanniæ Ducem: ubi in mediis vitiorum illecebris talem se exhibuit integritate vitæ, morumq; innocentia, ut omnibus admirationi esset. Eluxit in eo, vel tum, mira pietas in Deum, acres divinas, fuitq; ingenio mitissimo, atque ab omni dominandi cupiditate alieno; cuius ea vox fertur. Malle se Regno carere, quod sine cæde, & sanguine obtineri non possit. *R. Honestum fecit.*

Lectio V.

EXtinctis mox tyrannis, qui fratribus suis vitam, & regnum eripuerant, revocatur in patriam: ubi summis omnium votis, & gratulatione regno potitus, ad hostilium irarum delenda vestigia totum se convertit, à sacris exorsus ac Divorum templis: quorum alia à fundamentis erexit, alia refecit, auxitque redditibus, ac privilegiis; in eam curam potissimum intentus, ut refloresceret collapsa Religio. Ab aulæ proceribus compulsus ad nuptias, constans est assertio scriptorum, cum Virgine Sponsa Virginitatem in matrimonio servasse. Tantus in eo fuit in Christum amor, & fides,

fides, ut illum aliquando inter Missarum solemnia videre meruit blando vultu, & Divinâ luce fulgentem. Ob profusam charitatem, orphanorum, & egenorum pater passim dicebatur, numquam lætior, quàm cum Regios thesauros exhaurisset in pauperes. *R. Amavit.*

Lectio VI.

PRopphetiæ dono illustris de Angliæ futuro statu multa cœlitus prævidit; & illud in primis memorabile, quod Sweyni Danorum Regis in mare demersi mortem, dum Angliam invadendi animò classem conscenderet, eodem quo accidit momento, divinitus intellexit. Joannem Evangelistam mirificè coluit, nihil cuiquam, quod ejus nomine peteretur, negare solitus. Cui olim sub lacera veste, suo nomine stipem roganti, cum nummi deessent, detractum ex digito annulum porrexit, quem Divus non ita multò post Eduardo remisit, unâ cum nuntio secururæ mortis. Quare Rex, indictis pro se precibus, ipso ab Evangelista prædicto die, piissimè obiit. Nonis videlicet Januarii, anno salutis 1066. quem sequenti sæculo Alexander Papa III. miraculis clarum, Sanctorum fastis adscripsit. At ejus memoriam Innocentius XI. officio publico per universam Ecclesiam eo die celebrari præcipit, quo annis ab obitu 63. translatus ejus corpus incorruptum, & suavem spirans odorem, repertum est. *R. Iste homo.*

In III. Nocturno Homilia S. Gregorii P. in Evangelium

lium Sint lumbi vestri præcincti. *ut in communi Confessoris non Pontif.*

Missæ Os justi, &c. de Communi Conf. non Pontif.

Oratio Deus qui, &c. ut supra.

Evangelium. Sint lumbi vestri præcincti, &c.

A sacra Rituum Congregatione recognitum, & approbatum, & ab omnibus Christi fidelibus utriusque sexus tam secularibus, quam Regularibus, qui ad horas Canonicas tenentur, sub ritu semiduplici de præcepto recitandum, die 13. Octobris.

Die XV. Octobris.

IN FESTO

S. HEDVIGIS Viduæ,

Patronæ Silesiæ. *Duplex.*

Ad Vesp. Antiph. Dum esset Rex &c, cum reliquis, ut in Com. nec Virg. nec Mart.

ORATIO.

DEus, gratiæ dator & gloriæ, tuæ nobis propitius sinum pietatis aperi & præsta, ut qui manentem civitatem hinc non habemus, ad futuram, quam quærimus, beatæ Hedvigis interveniente suffragio perducamur. Per Dominum &c.

Lectiones primi Nocturni.

Mulierem fortem quis inveniet? &c. *De Com. nec Virg. nec Mart.*

In II. Nocturno.

Lectio IV.

Crescente Religione Christiana in partibus Poloniæ

loniæ, quæ provincia est contigua finibus paganorum, ut eò gloriosius lumen fidei illucesceret neophytis, & Petri navicula, inter perfidorum insidias firmiore remigio navigaret, veluti stella matutina à remigio navigaret, veluti stella matutina à regalibus emissa sedibus, Henrici Longobardi Poloniæ & Boëmiæ Principis Coniux Hedvigis præceteris partibus Poloniæ, terram Silesiæ illustravit. *R. Propter veritatem.*

Lectio V.

Fullsit claritate natalium ab his, qui sceptrâ gestârunt regnorum, & quos insignes effecit imperii celsitudo: Fuit enim Bertholdi Marchionis Meraniæ, Comitis Tyrolensis filia: tres habens fratres germanos, Patriarcham Aquileiensem, Episcopum Bariensem, & Meraniæ Ducem & Comitem, Patris hæredem & successorem, viros multæ dignitatis & virtutis generositate præclaros; habuit tres sorores uterinas, unam Reginam Franciæ Philippi, alteram Hungariæ, Matrem S. Elisabethæ, tertiam Abbatissam insignem in Ordine S. Benedicti. *R. Dilexisti iustitiam.*

Lectio VI.

Licet enim ætas puellaris tenera sit & prona in vitium: hæc tamen usq; ad duodecimum annum virtutibus cardinalibus subnixa, tanquam columnis fortissimis, probata est, cursum suæ pueritiæ cucurrisse. In Matrimonium data, illud semper honorabile & immaculatum custodivit, nullum jejunium aut diem festum iudicans, quem castitatis merito non condidisset. *R. Fallax gratia.*

In III. Nocturno.

Homilia in Evangelium. Simile est regnum cœlorum thesauro abscondito. *De Com. nec Virg. nec Mart.*

Ad Missam Introitus. Gaudeamus omnes: *ut in festis Patr. Regn. Pol. habetur. Dicitur Credo.*

Die XVI. Octobris.

Pro S. GALLO Abbate.

Lectio IX.

GAllus nobilis Scotus, sub sancto Columbano religiosæ vitæ institutum coluit. Cum eodem ad Gallos & Helvetos profectus, multos Christianæ fidei præceptis erudit, nonnullos ad pauperis Christi sectanda vestigia perduxit. Ad locum Durienium, & alibi dæmonum simulacra succendit, in abstrusa solitudinis loca se abdidit: ubi quantò mitiùs etiam feræ immanes ei morem gerebant, tantò ferociùs dæmones sceleratissimis spectris adorientes ferventissimis precibus cum triduano jejunio, & corporis verberatione fugavit: tandem Ducis Gunzonis filiam à dæmone vexatam sanat, & spretis Ducis muneribus cum Constantiensi Episcopatu, ad solitudinem revertitur: in qua severiori disciplinâ informatis & monasteriis pluribus exstructis, plenus dierum quievit in Domino. *Te Deum laudamus.*

Ad Landes Hymnus, ut in primis Vesp. In Laud. com. Oct. S. Hedvigis & S. Galli.

Oratio. Intercessio. De Com. Abbatum.

Die

Die XVII. Octobris.

De Octava S. HEDVIGIS.

Semiduplex.

In II. Nocturno.

Lectio IV.

Nihilominus in summa castitate & continentia facta est sicut vitis abundans in lateribus domus suæ, & filii ejus sicut novellæ Olivarum in circuitu mensæ: filios enim tres, totidemq; filias viro suo protulit: Ex quibus Henricus fortia pro religione Christiana aggressus, & tanquam alter Judas Machabæus castra Dei contra tartaros protegens, Martyrii palmam promeruit. *R. Propter veritatem.*

Lectio V.

Filia Gertrudis, Virgo perpetua permanfit. Audistis exordium bonæ vitæ, videatis in hac femina religionis augmenta. Fructu Matrimonii Hedvigis quæsito, redditisq; novalium fructibus, seruari ab opere connubiali incipit, eademq; Marito persuadet: fit spiritualis desponsatio in manu Pontificis; vivitur inter Sponsos angelica vita per annos viginti octo, non coram hominibus tantum, sed etiam coram Deo. *R. Dilexisti justitiā.*

Lectio VI.

Parat deinde Hedvigis sedem futuræ castitatis; amplissimum Trebnicense Monasterium extruit: filiam Gertrudem prius præmittit, magnos

greges Virginum sanctarum collegit: ipsa demum consequitur. In oratione diurna atque nocturna, nudis etiam mediâ hyeme pedibus assidua: in jejuniis multis per totos quadraginta annos perseveravit, ita ut die dominico, tertia & quinta feria, piscibus & lactariis tantum, Sabbatho, & feria secunda, aridis leguminibus, quarto & sexto die aquâ & pane solo duntaxat vesceretur. *R. Fallax gratia.*

In III. Nocturno.

Lectio sancti Evangelii secundum Matthæum.

Lectio VII.

IN illo tempore, Dixit JESUS discipulis suis parabolam hanc: Simile est regnum cœlorum thesauro abscondito in agro. Et reliqua.

De Homilia S. Gregorii Papæ.

Homil. XI. in Evang.

Rursum cœleste regnum negotiatori homini simile dicitur, qui bonas margaritas quærit, sed unam pretiosam invenit, quam videlicet inventam, omnia vendens emit: quia qui cœlestis vitæ dulcedinem in quantum possibilitas admittit, perfectè cognoverit; ea, quæ in terrenis amaverat, libenter cuncta derelinquit: in comparatione ejus vilescunt omnia, deserit habita, congregata disperdit, inardescit in cœlestibus animus, nihil in terrenis libet: deforme conspicitur, quidquid de terrenæ rei placebat specie: quia sola pretiosæ margaritæ claritas fulget in mente. *R. Os suum aperuit.*

Lectio

Lectio VIII.

Rursus simile esse regnum cœlorum sagenæ in mare missæ dicitur, ex omni genere piscium congreganti, quæ impleta ad littus educitur, & in vasis boni pisces eliguntur; mali autem projiciuntur foras. Sancta Ecclesia sagenæ comparatur; quia & piscatoribus est commissa, & per eam quisque ad æternum regnum à præsentis sæculi fluctibus trahitur; nè in æternæ mortis profunda mergatur. Quæ ex omni genere piscium congregat: quia ad peccatorum veniam sapientes & fatuos, liberos & servos, divites & pauperes, fortes & infirmos vocat. *R. Regnum mundi.*

Lectio IX.

Quæ sagena, scilicet Ecclesia tunc universaliter repletur, cum in fine suo humani generis summa concluditur. Quam educunt, & secus littus sedent; quia sicut mare sæculum, ita sæculi finem significat littus maris. In quo scilicet fine boni pisces in vasis eliguntur, mali autem projiciuntur foras; quia & electi quique in tabernacula æterna recipiuntur, & interni regni luce perditâ ad exteriores tenebras reprobi pertrahuntur. *Te Deum laudamus.*

Die XX. Octobris.

De Octava. Semiduplex.

In II. Nocturno.

~~De Symone & Gregorio Ninijsi.~~

Lectio IV.

PEdes pauperum, quos tredecim semper ubique secum circumduxit, lavit: ulcera eorum ligavit, captivos redemit, subditos oppressos tutata est. Irata à nemine unquam visa est, contenta ea oburgatione: Deus tibi parcat. Non caruit Diva Hedvigis miraculorum ac prophetiæ spiritu & gratia; Duabus Sanctimonialibus visum restituit, & duos recenter suspensos, magnâ omnium admiratione, ad vitam revocavit. *R. Propter veritatem.*

Lectio V.

MOrtis item Mariti sui tempus & rationem longe ante prædixit, & filii eodem modo: cuius cædem eo ipso die, quo cæsus est, in remotissimis partibus cognovit, & ipsa diem sui obitus multo prius præsensit & prædixit. Accidit quoque, ut quâdam Moniali in Ecclesia remanente, cum sancta Hedvigis de more sedilia & scabella pedum Monialium exoscularetur, signum Crucifixi in majore Altari existens, dextram manum extenderet, dicens: Hedvigis, exaudita est oratio tua. *R. Dilexisti iustitiam.*

Lectio VI.

PRiusquam morbo gravi correpta fuisset, sacram Uctionem accepit. Sanctimonialēs se
ægram

agram sine permissione superiorum invisentes pepulit; nihil sanctum esse docens, quod cum obedientia Majorum susceptum non esset. Priusquam moreretur, magna hilaritate Sanctos cum splendida luce ad se venientes salutavit. Mortua est die sancti Matthæi hora Vespertina, quâ jejunia sua pane solo reficere solebat, anno salutis humanæ millesimo ducentesimo quadragesimo tertio. Ac post multis editis miraculis, in numerum Sanctorum à Clemente quarto relata est. In cujus Canonizatione mulier cæca visui restituta est. *Resp. Fallax gratia.*

In III. Nocturno.

Lectio sancti Evangelii secundum Matthæum.

Lectio VII.

IN illo tempore: Dixit Jesus discipulis suis parabolam hanc: Simile est regnum cœlorum thesauro abscondito in agro. Et reliqua.

Homilia S. Hieronymi Presbyteri

Lib. 2. in Matth. 13.

THesaurus iste, in quo sunt omnes thesauri sapientiæ, & scientiæ absconditi, aut Deus verbum est, qui in carne Christi videtur absconditus; aut sanctæ scripturæ, in quibus reposita est notitia

L s

Salva-

Salvatoris: Quem cum quis in eis invenerit, debet omnia istius mundi emolumenta contemnere. ut illum possit habere, quem reperit. Quod autem sequitur: quem, cum invenerit homo, abscondit: idcirco dicitur, non quod hoc de invidia faciat, sed quod timore servantis, & nolentis perdere, abscondat in corde suo, quem pristinis prætulit facultatibus. *R. Os suum aperuit.*

Lectio VIII.

Aliis verbis idipsum, quod supra, dicitur. Bonæ margaritæ, quas quærit institor, Lex & Prophetæ sunt. Unum autem est pretiosissimum margaritum, scientia Salvatoris, & Sacramentum passionis illius, & resurrectionis arcanum. Quod cum invenerit homo negotiator, similis Pauli Apostoli, omnia legis, Prophetarumq; mysteria, & observationes pristinas, in quibus inculpate vixerat, quasi purgamenta contemnit & quisquilias, ut Christum lucri faciat. Non quod, inventio novæ margaritæ, condemnatio sit veterum margaritarum; sed quod, comparatione ejus, omnis alia gemma vilior sit. *R. Regnum mundi.*

Lectio IX.

Intellexistis hæc omnia? Dicunt ei: Etiam. Ad Apostolos propriè sermo est: quos non vult audire tantum, ut populum, sed intelligere, ut Magistros futuros. Instructi erant Apostoli; Scribæ, & Notarii Salvatoris, qui verba illius, & præcepta signabant in tabulis cordis carnalibus, regnorum cælestium sacramentis, & pollebant opibus

bus patrisfamilias, ejicientes de thesauro doctrinarum suarum nova, & vetera; ut quidquid in Evangelio prædicabant, Legis & Prophetarum vocibus comprobarent. Unde & sponsa dicit in Cantico Canticorum: Nova & vetera, frater meus, servavi tibi. *Te Deum.*

Die XXI. Octobris.

SS. URSULÆ & Soc.

Virg. Mart. *Duplex.*

Oratio. Da nobis quæsumus. *De Com. Virg.*

In III. Nocturno.

Lectio IV.

URSula, Diomethi Britonum Regis filia, Virgo Christi & castitatis amore succensa, à Conano, summæ dignitatis Viro, in conjugem petita, cum pluribus virginum millibus, quæ itidem Britanicis militibus, in Armorica cum eodem Conano Duce suo degentibus, novæ Coloniae propagandæ causâ, in matrimonium destinatæ erant, illuc proficisci cogitur. *R. Propter veritatem.*

Lectio V.

Cum itaque, conscensis navibus, per maria feruntur, exortâ sævâ tempestate, ab incepto cursu, fluctibus abreptæ, ac post longos errores & pericula in littus impulsæ, tandem, Deo ad coronam martyrii eas vocante, in Hunnorum exercitum, Christi nomini inimicum, incidunt. Barbarâ itaq; Hunnorum gens, castissimum gregem violan-

violandæ pudicitia animo aggressa, vim inferre
tentat. R. *Dilexisti justitiam.*

Lectio VI.

Quia verò sanctarum Virginum cætus, hortatu
beatae Ursulae, potius dira quæque, ac crude-
lissimam mortem Religionis & castitatis causâ
perpeti, quàm tantâ labe inquinari firmissimè de-
creverat; Ideo Hunni tantâ virtutis constantiâ
in furorem acti, barbaricâ crudelitate in univer-
sam multitudinem ferro desæviunt, omnibûsque
trucidatis abeunt. Sic sacra Virginum societas
candore castitatis, & effusi sanguinis rubore de-
cora, felicius ad cœlestis Sponsi complexum, quàm
ad terrena nuptiarum fœdera migravit. Earum
corpora Coloniae Agrippinae, ubi eas passas esse
ejusdem Ecclesiae traditio tenet, sepulta, magno
in honore habentur. R. *Afferentur Regi.*

In III. Nocturno.

Homilia in Evangelium. Simile est regnum cœlo-
rum decem virginibus. *Nona Lectio de S. Hila-
rione Abb. In Laud. com. Oct. & S. Hilarionis Ab.
Ad Missam Introitus.* Me expectaverunt. *Epistola.*
De Virginibus præceptum Domini non habeo.

Die XXII. Octobris.

Octava S. HEDVIGIS.

Duplex.

In II. Nocturno.

De Sermone S. Augustini Episcopi.

Lectio

Lectio IV.

Duplicia pallia fecit viro suo. Jam acclamatis: credo, quòd agnoscitis, quæ sunt duplicia pallia, Laudes sunt, laudes fidei, laudes confessionis, laudes prædicationis, Quare duplicia? Christum laudas, Deum laudas & hominem. Dupliciter lauda, simpliciter lauda. Dupliciter, quia homo est & Deus: simpliciter, ut non sit fictus. Confitere Deum, confitere hominem; lauda hominem in Deo. Texuit pretiosissimum illud pallium laudis: In principio erat Verbum, & Verbum erat apud Deum, & Deus erat Verbum: hoc erat in principio apud Deum. Texuit & aliud pallium, propter conversationem inter homines quotidianam: Verbum caro factum est, & habitavit in nobis. *R. Propter veritatem.*

Lectio V.

Hic ergo ista laboriosa, vigilans, sollicita, severè castigans domum suam, surgens de noctibus, intuens lucernam, ne extinguatur; in tribulatione fortis, nondum receptis promissis pavens; brachia sua in fustum confirmans, non pigrum panem manducans. Ob labores istos, quasi paupertatis & necessitatis sæcularis, quid erit, quia in diebus novissimis lætata est? Quid erit? Audite. Propter quam spem ardeat lucerna nostra totâ nocte, nunc audite. Surrexerunt filii ejus, & ditati sunt. Modò in paupertate vivimus, in paupertate dormimus: Sed surgemus, & ditabimur. Quæ illæ divitiæ sunt Angelorum? Unam vestem habent

habent lucis: nunquam sordidatur. Si filius es mulieris hujus, attende, quando tibi divitiæ promittantur: surrexerunt filii ejus, & ditati sunt, parati resurrectionis divitias accipere. Noli has amare, ut merearis ad illas venire. *R. Dilexisti justitiam.*

Lectio VI.

ET vir ejus laudavit eam. Multæ, inquit, filiæ fecerunt potentiam. Laudes sunt, quibus eam laudat vir ejus. Quæ filiæ? Quibus hæc comparatur? Non comparatur. Tu autem superâsti. Attendite ergo vos, jam in fine lectionis sumus. Multæ filiæ fecerunt potentias, multæ locutæ sunt lingvis, scierunt omnia sacramenta, fecerunt virtutes multas, dæmonia excluderunt, res suas pauperibus distribuerunt, corpora sua ignibus tradiderunt: inflatæ sunt, quia caritatem non habuerunt. Tu autem superâsti, & superposuisti omnes, non solum flore, sed & fructu grvida abundans. Date illi de fructibus manuum suarum. Quid date? Venite benedicti Patris mei. De quibus fructibus manuum ejus? Esuri vi enim, & dedistis mihi manducare. Et quod illi deinde negotium erit finitis laboribus? Et laudetur in portis vir ejus. Ipse erit portus laborum nostrorum: videre Deum: laudare Deum. *R. Fallax gratia.*

In III. Nocturno.

Lectio sancti Evangelii secundum Matthæum.

Lectio

Lectio VII.

In illo tempore : Dixit Iesus discipulis suis parabolam hanc : Simile est regnum cœlorum thesauro abscondito in agro. Et reliqua.

Homilia S. Augustini Episcopi. *Quest. 16.*

In Deo omnis scriba doctus in regno cœlorum similis est homini patrifamilias, qui profert de thesauro suo nova & vetera. Utrùm istâ conclusionem exponere voluit, quem dixerit thesaurum in agro absconditum? Quoniam sanctæ Scripturæ intelliguntur, quæ nomine duorum Testamentorū, novi & veteris concluduntur. Quemadmodum apud alium Evangelistam, gladium bis acutum tali conclusione videtur exponere. *R. Os suum aperuit.*

Lectio VIII.

AN. quia in parabolis ista locutus est? Et cū quæsisset ab eis, utrū intellexissent, responderunt se intellexisse. Fortasse istâ similitudine ultimâ, Patrifamilias proferentis de thesauro suo nova & vetera, ostendere voluit, eum doctum habendum esse in Ecclesia, qui etiam Scripturas veteres parabolis explicatas intellexit, ab istis novis accipiens regulas; quia & ista Dominus per parabolas enuntiavit, quamvis ipse Christus esset finis illorum, id est, ut in eo illa vetera complerentur. *R. Regnum mundi.*

Lectio IX.

VT si ipse, in quo illa complentur & manifestantur, per parabolas adhuc loquitur, donec ejus passio

passio velum discindat, ut nihil sit occultū, quod non reveletur: multò magis illa, quæ ad comendandam tantam ejus salutem tam longè de illo scripta sunt, parabolis operta esse noverimus: quæ cū Judæi ad litteram acciperent, noluerunt esse docti in regno cœlorum, neque transire ad Christum, ut auferretur velamen, quod supra cor eorum positum est. *Te Deum laudamus.*

Si Dominica inciderit in 17. vel 20. Octobris, in II. Noct. Lectiones legantur consequenter de vita S. Hedvigis.

Die XXIII. Octobris.

IN FESTO

S. SEVERI Ep. Conf.

ORATIO.

DEUS, qui æternæ gloriæ beatum Severum Confessorem tuum, atq; Pontificem participem fieri concessisti, concede nobis propitius, ipso intercedente, aditum regni cœlestis, cujus ad bene vivendum informamur exemplis. Per Dominum nostrum, &c.

Lectio III.

SEVERUS Ravennæ in Italia ortus, pauperem cum uxore & filia vitam duxit. Mortuo ibidem Præsule, Electioni novi Episcopi præstolatur post ostium latitans. Verùm niveæ columbæ, capiti ejus tertio insidentis indicio proditus, in Episcopum (quod illi per jocum dictum fuerat) invitatus

con-

constituitur. In spiritu raptus, Geminiano Mutiensium Præsuli moribundo adfuit. Mortuæ filiae corpusculo (dum id in cryptam Matris jam pridem sepultæ inferri jubet) prohibente loci angustia, spatium precibus evincit. Ipse obitûs sui præsciis, populo in fide & charitate confirmato, idemque sepulchrum ingressus efflavit animam.
Te Deum laudamus.

Die XXIV. Octobris.

IN FESTO

S. SEVERINI Ep. Conf.

ORATIO.

DEus, qui beatum Severinum Confessorem tuum, atque Pontificem hodierna die suscepisti, atque remunerasti, concede propitius ut qui ejus gaudemus meritis, provocemur exemplis, & ejus intercessione veniam, & vitam mereamur æternam. Per Dominum nostrum, &c.

Lectio III.

Severinus sub S. Achanasio Ecclesiam contra hæresim in Germania tutatus, confluentibus totius Galliæ, aliarumque Provinciarum ad Synodum Coloniensem Doctoribus, amoto Ephratâ Ariano, Ecclesiæ Agrippinensi præficitur, B. Materni dignissimus successor. Auditâ cœlesti melodîâ edoctus est, B. Martinum Turonensem Episcopum vitâ decessisse. Erat tûm quisè Principum familia, qui primâ nuptiarum nocte, intactâ Sponsâ, unico ligneo poculo asportato, eremo

M

se ad-

se addixerat; Hic B. Severinum paris esse meriti divinitus cognovit. Senex Burdegalas profectus, à B. Amando exceptus est. Ubi post multa virtutum insignia, obdormivit in Domino, & in Ecclesia Burdegalensi primùm sepultus, deinde à Coloniensibus trienniali siccitate afflictis, quòd pastorem suum non repetiissent, in propria translatus est. *Te Deum laudamus.*

Die XXIX. Octobris.

IN FESTO

SS. CRISPINI & CRISPINIANI Mart.

ORATIO.

DEus, sincerum lumen mentium, luxque perfecta beatorum, da cordibus nostris, & dignam tibi orationem persolvere, & in Sanctorum tuorum Crispini & Crispiniani gloriosa te semper victoria collaudare. Per Dominum, &c.

Lectio III.

CRispinus & Crispinianus clari natalibus, Diocletiano & Maximiano Imperatoribus, Christum in Gallia prædicaturi Svectionem deveniunt. Inde rejeçti, & artem sutrinam mirificè edocti, reficiendis pauperum calceis occupantur. Ad quos multi non tam artis, quàm fidei perdiscendæ gratiâ accurrunt. Comprehenfi, Rictio varo excrucianti traduntur. Quare ad trochleam extensos sustibus cædi: tum è dorso corrigias exci-
di, &

pi, & inter digitorum ungues defigi fides imperat. Dein alligatis ad colla molaribus ex flumine Axona incolumes, in plumbum liquefactum coniecti, in medio ignis Deum magnificant. Rictio-
varum autem ferventis plumbi gutta excæcat. Denuo adipe, pice, & oleo sævitur in Martyres. Unde ab Angelo ereptis, Rictio varus furibundus in flammam se præcipitat. Quo audito, Maximianus utrumq; gladio feriri jubet. *Te Deum.*

Die XXXI. Octobris.

IN FESTO

S. WOLFGANGI

Ep. & Conf. *Duplex.*

Omnia de Com. confess. Pontif.

ORATIO.

DEus, qui nobis æternæ salutis Beatum Wolfgangum Episcopum, ministrum tribuisti, præsta quæsumus, ut, quem Doctorem vitæ habuimus in terris, Intercessorem habere mereamur in coelis. Per Dominum, &c.

In II. Nocturno.

Lectio IV.

Wolfgangus Nobili in Svevia genere prognatus, rerum exterarum fuit & sui contemptor egregius, solum ex animo Deum quærens, honores amplissimos ab Henrico Trevirensium Episcopo sibi oblatos recusavit, illôq; demortuo pollicitationibus aliorum contemptis, monasticam tan-

M 2

dem

pem vitam, cuius semper desiderio flagraverat, est amplexus. Sacris ordinibus à B. Udalrico initiatus, cum in Pannoniam prædicandi Evangelii causâ se prius contulisset, propter conjunctam in eo eximia cum pietate prudentiam, Othonis Imperatoris studio, totiûsq; Cleri, & populi acclamatione Ecclesiæ Ratisponensi ritè præficitur. *R. Inveni David.*

Lectio V.

SUSCEPTO Episcopatus munere, gregem Domini verbo pavit, & exemplo, sanctissimisq; Ecclesiam temperavit institutis: Monasterio sancti Emmerami, quod jamdiù Episcopi administraverant, restituit proventibus, magno illius bono, insignem Virum Ramuoldum præposuit. Sanctimonialium Cænobium, quod ipse fundaverat, tam sanctè instituit, ut collapsa in aliis disciplina eo exemplo sit facilè restaurata, novoq; pietatis odore capta Brigida, Baviaræ Ducis filia, Sponsum Christum secuta, ad sacras se Virgines aggregavit. Bohemis, quò ampliora apud illos fides incrementa caperet, contempto suæ Ecclesiæ detrimento, rejectis aliorum consiliis, proprium dari Episcopum libentissimè permisit. *R. Posui adiutorium.*

Lectio VI.


EGREGIAM Viri sanctitatem comprobarit Energumeni, & variis languoribus oppressi, quos precatione sanavit. Divino afflatus instinctu sanctum Henricum Imperatorem regnaturum, Fratrem ipsius Brunonem ad Episcopatum promotum

tum iri; è Sororibus alteram Reginam, Abbatissam alteram fore prædixit. Denique cum viginti, & amplius, annis in seduli Pastoris munere peractis, extremum sibi diem imminere intelligeret, quæ ex usitata liberalitate supererant, per manus pauperum præmisit, sacræque Euchariistiæ viatico præmunitus, in sancti Othmariæde, uti divinitus antea futurum acceperat, sanctissimam vitam pari morte conclusit, Ratisponæ in Templo sancti Emmerami sepultus. *R. Iste est, qui.*

In III. Nocturno.

Homilia in Evangelium. Vigilate. Ex Com. Conf. Pontif. Nona Lectio & com. Vigil. Omnium SS.

Ad Missam Introitus. Sacerdotes tui.



FESTA NOVEMBRIS.

Festum Beatiss. Virginis

MARIÆ de Victoria.

Dominicâ post Octavam Omnium

Sanctorum celebrandum sub Ri-

tu duplici Secundæ Classis.

Ad Vesperas.

Antiph. Dum esset Rex. cum reliquis Antiphonis &

Psalmis ut in Officio parvo B. Mariæ.

Capit. Ab initio. Hymnus. Ave maris stella.

✠. Dignare me laudare &c. &c.
✠ Da mihi virtutem &c. &c.

Ad Magnif. Antiph.

Sancta Maria succurre miseris, iuva pusillanimes, resove flebiles, ora pro populo, interveni pro Clero, intercede pro devoto foemineo sexu, sentiant omnes tuum iuvamen, quicunque celebrant tuam sanctam commemorationem.

ORATIO.

Concede nos famulos tuos &c.

Ad Matutin. Invitatorium.

Sancta Maria Dei Genitrix Virgo. * Intercede pro nobis.

Psalmi. Venite exultemus &c.

Hymnus. Quem Terra. Antiphona & Psalmi Nocturnorum cum Vers. ut in parvo Officio B. Mariae.

In I. Nocturno.

De Parabolis Salomonis.

Ego Sapientia habito. *ut in Festo B. Mariae ad Nives cum Responsoriis.*

In II. Nocturno.

Lectiones prout in Octava Nativitatis B. Mariae. Sermo S. Cyrilli Alexandrini. Hilarem video.

In III. Nocturno.

Prout in Festo B. Mariae ad Nives.

Missa de Eadem Festivitate.

fillani-
erveni
o sexu,
e cele-

ercede

Psalmi
ria.

ria ad

laria.

Die

*Die 6. Novembris.*IN FESTO
S. LEONARDI Abb.

ORATIO.

MAjestati tuæ, quæsumus Domine, sancti Leonardi Abbatis pia jugiter nos commendet oratio : ut quem devoto veneramur obsequio, ipsius suffragio sublevemur optato. Per Dominum.

Lectio IX.

Leonardus, regio genere ortus, à B. Remigio Episcopo Remensi sanctis moribus, doctrinâq; salutari imbutus, recusatis, quos illi Clodoveus offerebat, honoribus, ne munus Episcopale suscipere cogeretur, Aquitaniam petiit : ubi plurimis ad Christi fidem conversis, in solitudinem se recepit. In ea fratribus aquam desiderantibus, perennem suis precibus fontem impetravit. Idem cæcos, claudos, energumenos, & quolibet morbo laborantes, incolumitati restituit. Captivis demum Viri sancti opem implorantibus, repente soluta vincula, effracti carceres, libertas reddita, atque alia multa miracula Viri sanctitatem declarârunt.

Te Deum.

Die X. Novembris.

IN FESTO

S. LAZARI Ep. & Mart.

Duplex.

ORATIO.

DEus, qui per unigenitum Filium tuum beatum Lazarum, quatrduanum mortuum suscitasti à monumento, erige nos de tumulis peccatorum: ut mereamur adipisci consortium Electorum. Per eundem.

In II. Nocturno.

Lectio IV.

LAzarus, nobilibus & copiosis parentibus natus, post Christi Domini ascensum in cœlum, cum Maria & Martha sororibus, & Marcella pedisequa ac Maximino, uno ex septuaginta duobus discipulis Christi Domini, qui totam illam domum baptizaverat, multisq; aliis Christianis, comprehensus à Judæis in navem sinè velo ac remigio imponitur, vastissimoq; mari ad certum naufragiū committitur. Sed navis, Deo gubernante, salvis omnibus Massiliam appulsa est. Eo miraculo, & horum prædicatione primùm Massilienses, mox Aquenses, ac finitimæ gentes in Christum crediderunt: Lazarusq; Massiliensium, & Maximinus Aquensium Episcopus creatur. *R. Honestum fecit.*
De Sermone S. Joannis Chrysostomi.

Lectio V.

TEMPUS animadvertite, fratres, quo dignita-
tem

tem Episcopalem Beatus Lazarus est affecutus: neque enim est eadem nunc, quæ tunc erat, Ecclesiam gubernandi conditio: non æqualis est labor viam tritam, & planè paratam post multos ingredi viatores, atque eam, quæ nunc primò secanda est, quæque prærupta, & saxosa, ferisq; plena, nec ullum adhuc viatorem admisit. Tunc autem, quocumq; quis oculos verteret, ubique præcipitia, barathra, & bella, & pugnae, & pericula: Imperatores, & Reges, & populi, & civitates, & gentes, & domestici, & alieni, credentibus insidias tendebant. *R. Desiderium.*

Lectio VI.

Quemadmodum igitur gubernatorem admiramur, non quòd vectores possit in portum incolumes ducere, cum mare tranquillum est, cumque navis fertur ventis secundis: sed cum insaniante pelago, ventisque sævientibus, qui in navi sunt, inter se dissentiunt, magna tempestate intus & foris navigantes exagitante, navim tamen potest dirigere, & conservare: sic eos, qui tunc Ecclesiam regebant, multò magis, quàm illos, qui eam in præsentia gubernant, suspicere debemus, & admirari, quando multa bella intus, & foris: quando fidei planta imbecillior erat adhuc, & diligentia magis indigebat: quando veluti modò genitus infans Ecclesiæ populus, magnam providentiam, atque sapientiam animæ, à qua nutriendus esset, postulabat. *R. Stolâ jucunditatis.*

In III. Nocturno.

*Lectio sancti Evangelii secundum Joannem.**Lectio VII.*

IN illo tempore: Erat quidam langvens Lazarus à Bethania, de Castello Mariæ & Marthæ sororis ejus. Et reliqua.

*Homilia Sancti Augustini Episcopi.**Tract. 49. in Joan. post Initium.*

MAria erat, quæ unxit Dominum unguento, & exersit pedes ejus capillis suis, cujus frater Lazarus infirmabatur. Miserunt ergò sorores ejus ad eum. Jam intelligimus, quò miserunt, ubi erat Jesus: quoniam absens erat, trans Jordanem scilicet. Miserunt ad Dominum nuntiantes, quòd ægrotaret frater earum, ut, si dignaretur, veniret, & eum ab ægitudine liberaret: Ille distulit sanare, ut posset resuscitare. R. *Corona aurea.*

Lectio VIII.

Quid ergo nuntiaverunt sorores ejus? Domine, ecce, quem amas, infirmatur. Non dixerunt, veni: amanti enim tantummodò nuntian- dum fuit. Non ausæ sunt dicere: ibi jube, & hic fiet. Cur enim non istæ, si fides istius Centurio- nis inde laudatur? Ait enim: Non sum dignus, ut intres sub tectum meum: sed tantum dic ver- bo, & sanabitur puer meus. Nihil horum istæ, sed tantummodò, Domine, ecce, quem amas in- firmatur. Sufficit, ut noveris: non enim amas, & deferis. R. *Hic est verè Martyr.*

*M 5**Lectio*

Lectio 9. & com. SS. Tryphonis &c. M. ut in Breviario Rom.

Ad Missum Introitus. Statuit ei Dominus. Ut in Com. unius Mart. Pontif.

Oratio. Deus, qui per unigenitum.

Evang. Erat quidam langvens Lazarus. ut in feria 6. post 4. hebdomadam Quadragesima.

Cetera, prout in Missa sub dicto Introitu habentur.

Die XI. Novembris.

IN FESTO

S. MARTINI Episc. Conf.

Duplex.

Omnia ut in Breviario Romano.

Die XIII. Novembris.

IN FESTO

S. DIDACI Confess.

Semidupl. de præcepto.

Omnia de Comm. Conf. non Pont. exceptis iis, quæ habentur inf.

In II. Nocturno.

Lectio IV.

DIdacus Hispanus ex oppido S. Nicolai de portu Diocesis Hispalensis, ab ineunte ætate, pii sub Sacerdotis disciplina sanctioris vitæ, solitaria in Ecclesia tyrocinium exercuit. Deinde ut firmius Deo se conjungeret, in Conventu de Ariz-
fa Fra-

sa Fratrum Minorum (quos observantes vocant) S. Francisci Regulam in statu laicali professus est. Magna ibi alacritate humilis obedientiæ, & regularis observantiæ jugum subiens, contemplationi in primis deditus, mira Dei luce perfundebaratur, adeò ut de rebus coelestibus literarum expertus, mirandum in modum, & planè divinitus loqueretur.

Lectio V.

CAnariis in Insulis, ubi fratribus sui Ordinis præfuit, multa perpeffus, martyrii æstuans desiderio, plures infideles verbo, & exemplo ad Christi fidem convertit. Romam veniens anno jubilæi Nicolao V. Pontifice, ægrotorum curæ in Conventu Aræ Coeli destinatus, eo charitatis affectu munus hoc exercuit, ut urbe annonæ inopia laborante, ægrotis tamen, quorum aliquando ulcera, etiam lambendo abstergebat, nihil penitus necessarii defecerit. Eximia quoque fides, & gratia curationum in eo eluxit, cum lampadis, quæ colucebat ante imaginem Beatissimæ Dei Genitricis, quam summa devotione colebat, oleo ægros inungens, signo Crucis impresso, multorum morbos mirabiliter sanaverit.

Lectio VI.

DEmum compluti finem sibi vitæ adesse intelligens, lacerâ, & obsoletâ indutus tunicâ, conjectis in crucem oculis, singulari devotione illis verbis ex sacro hymno pronuntiatis; dulce lignum, dulces clavos, dulcia ferens pondera, quæ fuisti digna portare Regem Coelorum, & Domi-
num

num; animam Deo reddidit, pridie Idus Novembris, anno Domini supra millesimum quadringentesimo sexagesimo tertio. Ejus corpus, cum menses non paucos (ut pio confluentium desiderio fieret satis) insepultum mansisset, quasi jam in corruptionem induerit, odorem suavissimum afflavit. Illum multis & illustribus miraculis clarum, Sixtus V. Pontif. maximus Sanctorum numero adscripsit.

In III. Nocturno.

Pro S. Briccio Episc. Conf.

Lectio IX.

BRiccus Sancti Martini discipulus Diaconus & (ut prædixit) ejusdem in Episcopatu Turonensi successor, sede pulsus septem annos exulavit, ultrò semper confessus, justè se hæc pati ob injurias sanctissimo Magistro illatas. Quem cum mulier impudiciæ arguisset, adjuratus per Deum triginta dierum ex ea natus infans, innocentiam viri inusitata loquela declaravit. Id cum magicis artibus tribueretur, prunas ardentes in byrrhum suum posuit, & usq; ad sepulchrum Sancti Martini portavit; ubi projectis in terram prunis, vestimentum illæsum apparuit. Ecclesiam quadraginta septem annis in magna rerum varietate gubernans, miraculis clarus obdormivit Idibus Novembris. *Te Deum.*

Die

Die XIV. Novembris.

Quarta Die.

Infra Octav. S. MARTINI.

Semiduplex.

In II. Nocturno.

*Lectio IV.**Sermo S. Gregorii Nysseni.*

Cum primum benè morata ac modesta Ecclesia
 Beatum Martinum vidit, vidit faciem ad ima-
 ginem Dei verè formatam: vidit dilectionem
 fontis modò scaturientem: vidit gratiam labiis
 circumfusam, animi demissionis summum gra-
 dum, post quem amplius quicquam cogitari non
 potest: videt mansuetudinem, atque clementi-
 am, qualis in Davide fuit: qualis in Salomone,
 intelligentiam, atque prudentiam: qualis in Sa-
 muele, perfectionem: qualis in Iosepho, conti-
 nentiam, pudicitiamque: qualis in Daniele, sa-
 pientiam: quemadmodum magnus Elias, zelo fi-
 dei præditum: sicut sublimis Joannes, integrita-
 te corporis ornatum: sicut Paulus, inexupera-
 bili præditum dilectione: vidit tot bonorum cir-
 ca unam animam concursum; amore beato vul-
 nerata est, calto bonoque Sponsum suum amore
 atque benevolentia prosecuta dilexit. *R. Oculis
 & manibus.*

Lectio V.

Sed priusquam cupiditatem expleret, antequam
 deside-

desiderium recrearet, atque sedaret, amoris vi fervens, tentationibus athletam ad certamina vocantibus sola relicta est. Atque ille quidem in certaminibus proprietate susceptis desudabat; hæc verò durabat in castitate matrimonium conservans. Non ablatus est à nobis Sponsus, in medio nostrum stat, etiamsi nos non videamus, in adytis, ac penetrabilibus Sacerdos est: in interioribus veli, quæ præcursor pro nobis ingressus est Christus, reliquit carnis tegumentum: non amplius per speculum, atque per transfennam & ænigma: sed ipsa facie cum facie collata intercedit apud Deum. *R. Beatus Martinus.*

Lectio VI.

INtercedit autem pro nobis, & populi erratis: deposuit tunicas pelliceas, neque enim tabulis tunicis opus habent, qui in Paradiso degunt, sed habent, indumenta, quæ puritate vitæ suæ contextuit, iisque sese exornavit. Honorata ac pretiosa coram Domino talis viri mors est; imò verò non mors, sed ruptura membrorum est: Dirupisti enim, inquit, vincula mea: dimissus est Simeon, liberatus est à vinculis corporis laqueus contritus est, & avicula avolavit; ingressus est terram promissionis: in monte cum Deo philosophatur: Solvit animæ calceamentum, ut purâ plantâ mentis terram sanctam, ubi conspicitur Deus, conscenderet. *R. Dixerunt Discipuli.*

In III. Nocturno.

Lectio S. Evangelii secundum Lucam.

Lectio

Lectio VII.

IN illo tempore: Dixit Iesus discipulis suis: nemo lucernam accendit, & in abscondito ponit, neque sub modio? sed supra candelabrum, ut qui ingrediuntur, lumen videant. Et reliqua.

Homilia S. Augustini Episcopi.

Quid putamus, ita esse dictum sub modio, ut occultatio tantum lucernæ accipienda sit, tanquam si diceret, nemo accendit lucernam, & occultat illam? An aliquid etiam modius significat, ut hoc sit ponere lucernam sub modio, superiora facere corporis commoda, quam prædicationem veritatis: ut ideò quisque veritatem non prædicet, dum timet, nè aliquid in rebus corporalibus, & temporalibus molestiæ patiatur. R.
O beatum.

Lectio VIII.

ET benè modius, sive propter retributionem mensuræ, quia ea quisque recipit, quæ gessit in corpore, ut illic, inquit Apostolus, recipiat unusquisque, quæ gessit in corpore; sive quoniam temporalia bona, quæ corpore peraguntur, certarum dierum mensura & inchoantur, & transeunt, quam fortasse significat modius: æterna verò & spiritualia nullo tali fine coercentur; non enim ad mensuram dat Deus Spiritum. Sub modio ergo lucernam ponit, quisquis lucem bonæ doctrinæ commodis temporalibus obscurat & regit. R.
Martinus Abnaha.

Lectio IX.

Super candelabrum autem, qui corpus suum ministerio

nisterio Dei subjicit, ut superior sit prædicatio veritatis, & inferior servitus corporis, per ipsam tamen corporis servitutem excellentior luceat doctrina, quæ per officia corporalia, id est, per vocem & linguam, & cæteros corporis motus in bonis operibus insinuat discentibus. Super candelabrum ergò ponit lucernam, cùm dicit Apostolus: Non sic pugno tanquàm aërem cædens, sed castigo corpus meum, nè fortè aliis prædicans, ipse reprobus inveniar. *Te Deum.*

Die XV. Septembris.

Quinta Die.

Infra Octav. S. MARTINI.

Semiduplex.

In II. Nocturno.

Sermo Sancti Joannis Chrysostomi.

Lectio IV.

CHristum diligens, & gregem illius utique diligit: & Moysen tum primum super populum Judæorum posuit, quando, quâ esset in illum benevolentia, re ipsa jam declaraverat. David quoque simili modo regno inauguratus est, posteaquam apparuerat, quàm amico esset in populum affectu: ità quippe juvenis adhuc populi causâ doluit, ac zelavit, ut & animam suam exponeret, cùm videlicet barbarum illum è medio tollebat. Quod verò dicebat? quid dabitur ei, qui alienigenam hunc interfecerit? non ideo dicebat, quod merces

mercedem exigeret, sed quo sibi crederetur, & in pugnam cum illo committeretur: Nam cum adeptâ jam victoriâ ad Regem esset ingressus, nihil de mercede meminit. *R. Oculis & manibus.*

Leſtio V.

ET Samuel quoque benignus erat, & amator populi: unde & dicebat: Absit, autem hoc à me peccatum, ut cessem pro vobis orare Dominum. Ità & Paulus, imò non ità, sed multò plùs omnibus ardeat erga subditos. Unde & discipulos ità erga se animavit, ut diceret: Si possibile fuisset, oculos vestros eruissetis, mihiq; dedissetis. Et Christus optimi pastoris regulam proferens dixit: Bonus pastor animam suam ponit pro ovibus: sunt enim Sanctorum animæ vehementer mites, & hominum amantes, non solum erga domesticos, sed alienos, ità ut hanc suam mansuetudinem etiam ad animantia bruta extendant. Propterea & sapiens quispiam dixit: justus miseretur animarum jumentorum suorum: si jumentorum, multò magis hominum. R. *Beatus Martinus.*

Lectio VI.

Verum, quoniam pecorum mentionem feci, perpendamus & ovium pastores illos, qui in Cappadocum regione sunt, qualia & quanta pro pecorum suorum custodia patiantur: illi sæpè numero universum triduum nive obruti perdurant. Dicuntur autem, & qui in Lybia sunt, non minora mala ferre, dum integros menses difficilem illam solitudinem, pessimarumque bestiarum plenam vagando circumeunt. Si tantum erga

pecora diligentiae impendunt pastores illi, quam, quæso, excusationem habebimus, quibus rationales animæ concreditæ sunt, quod profundum hunc somnum dormimus? An ignoras gregis dignitatem? An illius gratiâ Dominus tuus innumera non fecit? An non postremò & sanguinem suum fudit? Tu verò requiem quæris: & quid poterit pejus esse pastoribus istis? *R. Dixerunt discipuli.*

In III. Nocturno.

Lectio sancti Evangelii secundum Lucam.

Lectio VII.

IN illo tempore, Dixit Jesus discipulis suis: Nemo lucernam accendit, & in abscondito ponit, neq; sub modio: sed super candelabrum, ut qui ingrediuntur, lumen videant, Et reliqua.

De Homilia Sancti Augustini Episcopi.

Serm. Domini in monte, lib. 2. c. 13.

SI oculus tuus simplex fuerit, totum corpus tuum lucidum erit: qui locus sic intelligendus est, ut noverimus omnia opera nostra tunc esse munda, & placere in conspectu Dei, si fiant simplici corde, id est, intentione supernâ, sine illo charitatis: quia & plenitudo legis charitas. Oculum ergò hic accipere debemus ipsam intentionem, quâ facimus, quæ si munda fuerit, & recta, & illud aspiciens, quod aspiciendum est, omnia opera nostra, quæ secundum eam operamur, necesse est
bona

bona sint, quæ omnia opera, totum corpus appellavit. *R. O beatum virum.*

Leſtio VIII.

Non ergò, quid quisq; faciat, sed, quo animo faciat, considerandum est. Hoc est enim lumen in nobis; quia hoc nobis manifestum est bono animo nos facere, quod facimus; omne enim quod manifestatur, lumen est: nam ipsa facta, quæ ad hominum societatem à nobis procedunt, incertum habent exitum, & idèò tenebras eas vocavit. Itaque si bono animo feci, quod mihi facerem, notum erat: & idèò lumen vocatur; illuminatur etiam factum meum, qualemcùnq; exitum habuerit; Si autem malo animo feci, etiam ipsum lumen tenebræ sunt: lumen enim dicitur, quia novit quisque, quo animo faciat: sed ipsum lumen tenebræ sunt, quia ad inferiora declinatur intentio. *R. Martinus Abrahe.*

Leſtio IX.

Si ergò lumen, quod in te est, tenebræ sunt; ipse tenebræ quantæ erunt? Hoc est, ipsa si cordis intentio, quâ facis, quod facis, quæ tibi nota est, sordidatur appetitu rerum temporalium, atque cæcatur; quantò magis ipsum factum, cujus incertus est exitus, sordidum, & tenebrosum est? quia etsi benè alicui proveniat, quod tu non recta, & munda intentione facis, quomodo tu feceris, tibi imputatur, non quomodo illi provenerit. *Te Deum laudamus.*

Die XVI. Novembris.

Sexta Die.

Infra Octav. S. MARTINI.

*Semiduplex.**Cum Com. S. Othmari Abbatis.*

ORATIO.

SANCTI Othmari Abbatis, Domine, tribue nos
foveri supplicationibus, ut cujus venerabilem
solennitatem celebramus obsequiis, ejus interces-
sionibus commendemur & meritis. Per Dom.

In II. Nocturno.

*Lectio IV.**De Sermone S. Joannis Chrysostomi.*

ET homines quidem, qui populis præsunt, si
quando de rebus fortuitis consultaturi sunt,
diebus non contenti, noctes etiam vigilando ad-
hibent; nos verò, qui pro ipso cœlo certamen ha-
bemus, ipso quoque die dormimus? quis quæso ab
eo nos supplicio eripiet, quod istis debetur? si e-
nim corpus trucidandum exponere, si innumeras
mortes ferre oportebat, nunquid ad hoc munus,
tanquam ad nundinas currendum erat? Hæc au-
tem non solum pastores, sed & oves audiant, ut
alacriores faciant pastores, aliud quidem nihil, ve-
rùm omnem obedientiam animumque, cui per-
suaderi queat, exhibentes. R. *Oculis & manibus.*

Lectio V.

ITa Paulus præcipit dicens. Obedite ducibus
vestris,

vestris, & subditi estote, nam ipsi vigilant pro animabus vestris, tanquam rationem daturi. Quando verò dicit: nam ipsi vigilant; innumeros labores, curas, & pericula complectitur. Bonus enim Pastor, & talis, qualem Christus vult, innumeris certat martyriis. Propter ipsum quippe Christus semel quidem est mortuus, hic verò milles propter gregem, siquidem talis sit grex, qualem esse oportet. Talis enim pastor singulis diebus mori potest. Propterea & vos, cognito isto labore, & precibus, & diligentia, & animi alacritate, & dilectione nos juvate, ut & nos vestra, & vos vicissim nostra gloriatio sitis. *R. Beatus Martinus.*

LECTIO VI.

NAM ideo Christus illud Apostolorum summavit, & plus ipsum, quam reliqui, diligenti, commendans, & injungens primum rogabat, an ab ipso diligeretur, ut discas, quòd istud sit ante omnia reliqua dilectionis in Christum positum signum: strenuo siquidem animo hic opus est. Hæc verò mihi de optimis pastoribus dicuntur, non de me ipso, & mei similibus: sed si quis talis sit, qualis erat Paulus, qualis Petrus, qualis S. Martinus: Istos itaque imitemur, & superiores, & subditi: licet enim & subdito pro parte pastorem agere, nempe domus suæ, amicorum, domesticorum, uxoris, liberorum. *R. Dixerunt discipuli.*

In III. Nocturno.

LECTIO sancti Evangelii secundum Lucam.

Lectio VII.

IN illo tempore: Dixit Jesus discipulis suis: Nemo lucernam accendit, & in abscondito ponit, neque sub modio: sed supra candelabrum, ut qui ingrediuntur, lumen videant. Et reliqua.

Homilia S. Bernardi Abbatis.

Ex Tractat. de precept. & dispensat.

SI oculus tuus fuerit simplex, totum corpus tuum lucidum erit. Ut interior oculus verè simplex sit, duo illi esse arbitror necessaria; charitatem in intentione, & in electione veritatem: nam si bonum quidem diligat, sed verum non eligat, habet quidem zelum Dei, sed non secundum scientiam. Nescio quemadmodum iudicio veritatis vera esse possit cum falsitate simplicitas. Volens denique ad veram discipulos instruere simplicitatem magistra Veritas: Estote, inquit, prudentes sicut serpentes, & simplices sicut columbæ. Præmisit prudentiam, sinè qua neminem satis esse posse simplicem sciret. R. *O beatum virum.*

Lectio VIII.

Quomodo deniq; verè simplex erit oculus cum ignorantia veritatis? aut verò vera potest dici simplicitas, quam simplex ignorat veritas? Scriptum est enim ignorans ignorabitur. Cæterum, sicut oculum simplicem duo ista faciunt bona, amor boni, & cognitio veri: sic nequam oculum duo è regione mala constituunt, cæcitas, quâ fit, ut veritatem non agnoscat; & perversitas, quâ fit, ut diligat iniquitatem. Secundum hoc duplex

plex malum, & illud item geminum bonum, quadrifariam dividamus oculum cordis, in bonum & meliorem, in malum, & pejorem. R. *Martinus Abraha.*

Lectio IX.

Pro S. Othmaro.

Othmarus Alemannus Cellulæ, in eremo à S. Gallo exstructæ, à Valdramno sylvæ Domino Præfectus & Abbas constitutus, leprosis & aliis mirificè deservivit; nudum etiam ut tegetet, pallio proprio se spoliavit, & 70. argenti libras sibi à Pipino Rege donatas, erogavit pauperibus: Cùm verò Ulvarinus & Ruadhardus per Germaniam potentes S. Galli possessiones in suum peculium transtulissent, & beatum Othmarum, criminatore Lamberto, stupri accusassent, Vir sanctissimus diu conticuit, tandem secreti sui inspectorem Deum, invocat testem: & accusator quidem poenas dedit: ipse nihilominus abductus in Villam Potamum, noctu à fratrum suorum quodam alebatur: Gozbertus verò Vir nobilis suæ fidei traditum ad Insulam Rhenistein transtulit, ubi in liberiori custodia Deo vacans migravit in cælum. *Te Deum.*

Die XVIII. Novembris.

In Octav. S. MARTINI.

Duplex.

N 4

In II.

In II. Nocturno.

Lectio IV.

Sermo S. Gregorii Papa. 2. p. pastor. cap. 1.

Tantum debet actionem populi actio transcendere præsulis, quantum distare solet à grege vitæ pastoris. Oportet namque, ut metiri se sollicitè studeat, quantâ tenendæ rectitudinis necessitate constringitur, sub cuius æstimatione populus grex vocatur. Sit ergò necesse est, cogitatione mundus, actione præcipuus discretus in silentio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius contra delinquentium vitia per zelum iustitiæ erectus, interiorum curam in exteriorum occupatione non minuens, exteriorum providentiam in interiorum sollicitudine non relinquens. *R. Oculis & manib.*

Lectio V.

Considerandum quoque est, quia cum curam populi electus præsul suscipit, quasi ad ægrum medicus accedit. Si ergò adhuc in ejus corpore passionibus vivunt, quâ præsumptione percursum mederi properat, qui in facie vulnus portat? ille igitur modis omnibus debet ad exemplum bene vivendi pertrahî, quî cunctis carnis passionibus moriens jam spiritualiter vivit, qui prosperam mundi postponit: qui nulla adversa pertimescit, qui sola interna desiderat. Cujus intentioni bene congruens nec omnino per imbecilitatem corpus, nec valde per contumaciam repugnat spiritus.

Qui

Qui ad aliena cupiendā non ducitur, sed propria largitur. *R. Beatus Martinus.*

Lectio VI.

UNde ipsum quoque Episcopatus officium boni operis expresse diffinitur, cum dicitur: si quis Episcopatum desiderat: bonum opus desiderat: ipse ergo sibi testis est, quia Episcopatum non appetit, qui non per hunc boni operis ministerium, sed honoris gloriam quaerit. Sacrum quippe officium non solum non diligit omnino, sed nescit, qui ad culmen regiminis anhelans in occulta meditatione cogitationis ceterorum subiectione patitur, laude propria laetatur, ad honorem cor elevat; rerum affluentium abundantia exultat. Mundi ergo lucrum quaeritur sub ejus honoris specie, quo mundi destrui lucra debuerant. *R. Dixerunt discipuli.*

In III. Nocturno.

Lectio sancti Evangelii secundum Lucam.

Lectio VII.

IN illo tempore: Dixit Jesus discipulis suis: Nemo lucernam accendit, & in abscondito ponit, neque sub modio: sed supra candelabrum, ut, qui ingrediuntur, lumen videant. Et reliqua.

Homil. S. Joannis Chrysostomi in Matth. homil. 21.

Lucerna corporis tui est oculus tuus: quod oculus corpori, hoc intellectus est animae, ut enim nequaquam optes auro ornari, veste serica conspici, si sit oculis tibi carendum, sed horum procul dubio sanitatem desiderabiliorem rebus

omnibus judicares: quæ si tibi certè depereat, nihil te jam tota vita delectat; quantò magis pro oculis debes mentis efficere? Sicut enim postquam corporalium oculorum lumen extinctum est, omnia jam membra in miseria versantur, ac tenebris, ità etiam mente cæcatà, innumeris prorsus malis hominum vita cumulatur. *R. O beatum virum.*

Lectio VIII.

Quemadmodum igitur in corpore hoc maxime providemus, ut oculos habeamus incolumes; sic etiam in anima intellectus conservemus salutem, si verò cæcamus istum, quo aliis quoque debemus lumen inferre, unde jam ipsi poterimus aspicere? sicut enim, qui caput ipsum fontis obstruxit, totum simul exsiccavit & fluvium: sic etiam qui oculum mentis, tenebris obduxit, omnes quoque vitæ istius actus unâ confusione cæcavit; propter quod ait: si lumen, quod in te est, tenebræ sunt, ipsæ tenebræ quantæ erunt. *R. Martinus Abraha.*

Lectio IX.

Quando enim lucerna extinguitur, quando gubernator mergitur, quando dux ipse capitur, quæ tandem obedientibus supererit spes salutis? propterea nunc quidem omisit dicere eas, quæ divitiis tenduntur, insidias, lites videlicet ac pugnas, sed ponens his omnibus sæviora, & quæ absque dubio semper accidunt, à maligna concupiscencia liberat audientes: etenim multò horribilius est,

est, mentem huic aegritudini emancipare, quàm carceris squalore macerari. Dedit enim nobis intellectum Deus, ut ignorantiam fugemus è mentibus, ut rectum teneamus, justumque judicium. *Te Deum laudamus.*

Die XX. Novembris.

IN FESTO

S. FELICIS de Valois

Confess. Duplex.

In Vesp. ad hymn. Hac die lætus meruit supremos laudis honores.

ORATIO.

DEus qui beatum Felicem Confessorem tuum ex eremo ad munus redimendi captivos cœlitus vocare dignatus es; præsta quæsumus, ut per gratiam tuam ex peccatorum nostrorū captivitate, ejus intercessione liberati, ad cœlestem patriam perducamur. Per Dominum nostrum.

In II. Nocturno.

Lectio IV.

FELIX, Hugo antea dictus, ex regali Valefiorum familia ortus in Gallia, ab ineunte ætate, non levia dedit futuræ sanctitatis indicia, præsertim misericordiæ erga pauperes; nam adhuc infantulus manu propria, ac si grandior esset, & judicii maturitate polleret, numos egenis distribuit. Jam grandiusculus solebat ex appositis in mensa dapibus

bus ad ipsos mittere, & firmè eo, quod sapidius erat, obsonio pauperculos pueros recreabat. Adolescens non semel vestibus se spoliavit, ut inopes cooperiret. Ab avunculo Theobaldo Campaniæ, & Blesii comite vitam reo mortis impetravit, prædicens hunc infamem hætenus sicarium, mox sanctissimis præditum moribus evasurum, veridicum testimonium monstravit eventus. *R. Hone-
stum fecit.*

Lectio V.

Post exactam laudabiliter adolescentiam coepit ex cœlestis contemplationis studio solitudinem cogitare, prius tamen voluit sacris initiari, ut omnem regni, à cujus successione, jure legis Salicæ, non longè distabat, spem sibi procideret, Sacerdos factus, & primâ Missâ devotissimè celebratâ, non multò post in eremum secessit, ubi summâ abstinentiâ victitans cœlestiû charismatum abundantiam pascerebatur. Ibi cum S. Joanne de Martha Parisiensi Doctore, à quo ex Divina inspiratione quæsitus, & inventus, per aliquot annos sanctissimè vixit, donec ambo per Angelum à Deo admoniti Romam perierint, specialem à Summo Pontifice vivendi regulam impetraturi. Facta igitur Innocentio Papæ tertio inter Missarum solemnia revelatione Religionis & instituti de redimendis captivis ab ipso Pontifice, simul cum socio, candidis vestibus bicolori cruce signatis induitur, ad eam formam, quâ Angelus induitus apparuit; & insuper voluit Pontifex, ut nova Religio

gio juxta triplicem colorem, quo habitus constat,
SS. Trinitatis titulo decoraretur. *R. Amavit.*


Lectio VI.

Regula propria ex Summi Pontificis Innocentii confirmatione accepta, in Dioecesi Meldensi, apud locum, qui Cervus Frigidus dicitur, primum Ordinis paulo antè à se, & Socio extructum Cœnobium ampliavit: ubi Religiosam observantiam, & Redemptoris institutum mirificè coluit, ac inde per alumnos in alias Provincias diligentissimè propagavit. Illustrem hic à Beata Virgine Matre favorem accepit: dormientibus siquidem cunctis fratribus, & ad matutinas preces in pervigilio Nativitatis Deiparæ, media nocte recitandas, Deo sic disponente, non surgentibus, Felix de more vigilans, & horas proveniens, Chorum ingressus reperit Beatam Virginem in medio chori, habitu Cruce Ordinis insignito indutam, ac cœlitibus similiter indutis sociatam. Quibus permixtus Felix præcinente Deipara, Laudes Divinas concinuit, ritèque persolvit. Et quasi jam à terrestri ad cœlestem chorum evocaretur, instantis mortis ab Angelo certior factus, filios ad charitatem erga pauperes, & captivos adhortans, animam Deo reddidit, ætate, ac meritis consummatus, anno post Christum natum ducentesimo duodecimo supra millesimum, sub eod. Pontifice Innocentio Tertio.

In III. Nocturno.

Homil. Ven. Bedæ Presb. in Ev. ang. Nolite timere pusillus grex: de Comuni Confess. non Pontif.

Missæ. Justus ut palma.



FESTA DECEMBRIS.

Die I. Decembris.

De Octav. S. ANDREÆ.

Semiduplex.

In II. Nocturno.

Sermo S. Petri Chrysologi. serm. 133.

Lectio IV.

BEatus Andreas meritò natus hodie creditur, quando non ad præsentem vitam materno est effusus ex utero, sed conceptu fidei, martyrii partu, cœlestem noscitur generatus ad gloriam; quando non cum materna cunabula suscepere vagientem, sed superna triumphantem secreta receperunt; quando non infirmum lactis pastum genitricis traxit ex pectore, sed pro rege suo devotissimus miles virtutis sanguinem fudit. Vivit, quia mortem cœlestis militiæ bellator occidit. *R. Homo Dei.*

Lectio V.

Sequitur hic moriendo Dominum æstuans, & anhelans: ac toto virtutis gradu dominicis incum-

cumbit hærere vestigiis, nè cum cursus faciat disparem fratri quem natura similem, vocatio socium, parem gratia ipsa perfecerat. Ad unam vocem Domini, sicut ille patrem, patriam, censum reliquit, laboribus, opprobriis, itineribus, contumeliis, vigiliis, Christi indefessè germani societate donavit: Solum est, quod tempore Dominicæ Passionis fugit; sed neque hoc impar, quia fugit: negare autem si aliqua putatur culpa, non est gravius fugere, quàm negare: sed tacenda sunt alia; æquavit fratres venia, quos sic discreverat culpa.
R. O bona Crux.

Lectio VI.

CRUCEM, quam refugerant, postea conjunctis viribus ardentè invadunt, ut, underatum sumpserant, inde conscenderent cœlum, inde præmium sumerent & coronam. Petrus namq; crucem, arborem conscendit Andreas: ut qui Christo compati gestiebant, in semetipsis figuram, formamque ipsius exprimerent passionis: & redempti ligno consummarentur ad palmam. Sic Andreas noster, etsi cedit ordini, præmio tamen non cedit, & labori. *R. Expandi manus.*

In III. Nocturno.

Lectio Sancti Evangelii secundum Matthæum.

Lectio VII.

IN illo tempore: Ambulans Jesus juxta mare Galileæ, vidit duos fratres, Simonem, qui vocatur Petrus & Andream fratrem ejus, mittentes rete in mare. Et reliqua.

De Ho.

De Homalia S. Gregorii Papæ.

Multum dimisit, qui cum re possessa etiam concupiscentiis renuntiavit. A sequentibus ergo tanta dimissa sunt, quanta à non sequentibus concupisci potuerunt. Nemo igitur etiam cum quosdam conspicit multa reliquisse; apud semetipsum dicat: Imitari mundi hujus contemptores volo, sed quod relinquam, non habeo. Multum, fratres, relinquitis, si desideriiis terrenis renuntiat. *R. Oravit sanctus.*

Lectio VIII.

Exteriora etenim nostra Domino quamlibet parva sufficiunt: cor namque & non substantiam pensat: nec perpendit, quantum in ejus sacrificio, sed ex quanto proferatur. Nam si exteriorem substantiam perpendamus, ecce sancti negotiatores nostri perpetuam Angelorum vitam datis retibus, & navi, mercati sunt. Æstimationem quippe pretii non habet: sed tamen regnum Dei tantum valet, quantum habes. *R. Videns Cruc.*

Lectio IX.

Valuit namque Zachæo dimidium substantiæ: quia dimidium aliud ad hoc, quod injustè abstulit, restituendum in quadruplum reservavit. Valuit Petro, & Andreæ, dimissis retibus, & navi. Valuit viduæ duobus minutis. Valuit alteri calicem aquæ frigidæ. Regnum itaque Dei, ut diximus, tantum valet, quantum habes. *Te Deum.*

Die IV. Decembris.
IN FESTO
S. BARBARÆ Virg.
& Mart. Duplex.

Omnia de Com. Virginum : com. Oct. S. Andr. Apost. & Adventus in utrisq; Vesperis & Laudibus.

ORATIO.

PORrige, misericors Deus, clementiam tuam nobis devotè supplicantibus, ut qui beatæ Barbaræ Virginis, & Martyris tuæ commemoratione gratulamur, virtute illius ad promerendam delictorum veniam gubernemur. Per Dominum.

In II. Nocturno.

Lectio IV.

BARBARA Virgo Nicomediensis, ob insignem corporis elegantiam à Dioscoro patre, nobilissimo viro, in turrim inclusa, ab omnium oculis arceatur, ubi multa piè secum, religioseque meditata, tanto Christianæ Religionis, & servandæ castitatis amore exarsit, ut non modò nuptias à patre oblatas respueret, verùm etiam se Christum colere professâ, nefarium idolorum cultum magnâ libertate perstringeret. *R. Propter veritatem.*

Lectio V.

Dioscorus verò hac filiæ constanti confessione adeò excaudit; ut eam Præsidi Marchiano, nisi à proposito desisteret, excruciamdam tradiderit. Is illam primùm blanditiis, propositis etiam

præmiis & honoribus, ad paternæ superstitionis cultum conatus est adducere. Cum verò à fidei constantia nullis verborum illecebris abduci posset, omnis tormentorum acerbitas in eam convertitur. Nervis enim bubalis gravissimè cæsa, in obscurissimum carcerem detruditur: ubi, etsi omni humanâ ope destituta, divinitus tamen curata est. *R. Dilexisti justitiam.*

Lectio VI.

QUod, ubi senserunt Christianæ fidei hostes, eò furoris atque dementiæ progressi sunt; ut in eam, & carceris maceratione, & lampadam adustione, & mammillarû præcisione, omnem suam crudelitatem depromperint. Neq; tamen his contentus Dioscorus, paternæ charitatis prorsus oblitus, propriâ manu filiæ caput amputare non dubitavit. Cujus anima in cœlum, ad duplicem virginitatis & martyrii palmam, evolavit. *R. Afferentur.*

In III. Nocturno.

Homilia in Evangelium. Simile est regnum cœlorû decem Virginibus.

Die V. Novembris.

Die Sexta.

Infra Octavam S. ANDRÆ

Semiduplex.

Cum Comm. fer. & S. Sabba Abb.

In II.

In II. Nocturno.

De Sermone S. Bernardi Abbatis.

Lectio IV.

BEati Andreæ Apostoli solemnitas hodie celebratur: quam, si pia sollicitudine perscrutemur, multa inueniemus in ea, quæ ædificent animas nostras. In ipso siquidem conversionis suæ initio magnū nobis perfectæ obedientiæ præstat exemplum; quod quidem Christianis omnibus necessarium. Vis audire perfectæ obedientiæ formam? Vidit Dominus Petrum & Andream mittentes recte in mare, & ait illis: Venite post me: faciam de piscatoribus piscatores: imò prædicatores. At illi continuò nihil dijudicantes, aut hæsitantes, nihil interrogantes, sinè omni mora relictis retibus & navi secuti sunt eum. *R. Homo Dei.*

Lectio V.

AGnoscite fratres, quoniam propter vos scripta sunt hæc, propter vos singulis annis in Ecclesiis recitantur; ut discentes veræ obedientiæ formam, castigetis corda vestra in obedientia charitatis. Sola est charitas, quæ obedientiam gratam facit, & acceptabilem Deo. Hilarem quippe datorem diligit Deus: & item: Si tradidero, inquit, corpus meum, ita ut ardeam, charitatem autem non habeam, nihil mihi prodest. *R. O bona crux.*

Lectio VI.

Vultis, ut de ipsa quoque Beati hujus Apostoli passione, quam nimirum hodie celebramus, loquamur aliquid ad laudem Christi, & ædificationem

nem vestram? Audistis certè, cùm pervenisset beatus Andreas ad locum, ubi crux parata erat, quomodo confortatus sit in Domino, & per Spiritum, quem una cum ceteris Apostolis in igneis lingvis acceperat, verba verè ignea loqueretur. Videns ergo paratam eminus crucem, nequaquã (ut exigere videtur mortalis infirmitas) facies ejus expalluit: non contremuit corpus, nec mens turbata est, non recessit, ut assolet, intellectus. *R. Expandi manus.*

In III. Nocturno.

Lectio sancti Evangelii secundum Matthæum.

Lectio VII.

IN illo tempore: Ambulans Jesus juxta mare Galileæ, vidit duos fratres, Simonem, qui vocatur Petrus, & Andream fratrem ejus, mittentes rete in mare. Et reliqua.

Homilia S. Joannis Chrysostomi.

Ex homil. 14. in Matth.

ET Joannes quidem aliter dixit eos vocatos: Unde manifestum est, secundam hanc vocationem fuisse, idque ex multis rebus ostenditur. Nam ibi quidem dicit, quod ad Christum, antequam Joannes in carcerem duceretur, accesserint; hic verò, quod Jesus ambos vocet; & Joannes quidem ait, quod Jesus venientem ad se Petrum videns, dicit: Tu es Simon filius Jona, tu vocaberis Cephass; Matthæus verò asserit, quod isto jam nomine vocaretur. *R. Oravit sanctus.*

Lectio

Lectio VIII.

Sed à loco etiam, quo vocati sunt, aliisq; multis id scire possibile est, & ab eo, quò faciliè obedi-
runt vocati, suáque omnia reliquerunt. Erant
quippe sufficienter jam ante prædocti, & ibiqui-
dem Andreas in domum veniens, multaq; à Chri-
sto audiens invenitur: hic verò unum audientes,
nudúmque verbum, confestim sequuntur. Vide-
tur quippe fuisse consequens, ut prius quidem au-
dierint & secuti sint: postea verò cùm & Joan-
nem in carcere ligatum, & ipsum secessisse vidis-
sent, reliquisse eos magistrum, atq; ad artem pro-
priam revertisse. Sic denique piscantes eos rur-
sus invenit. *R. Videns crucem.*

Lectio IX.

Perpende verò & fidem & obedientiam voca-
torum, & cognosces, quàm dulcis sit piscatio:
siquidem in medio ipsius operis constituti, cùm il-
lum audissent jubentem, nihil distulerunt, nihil
omninò cunctati sunt: non dixerunt, revertemur
domum, loquemur propinquis, sed cuncta illicò
relinquentes fecerunt, quod Elisæus quoque sub
Elia legitur implèsse. Talem quippe à nobis obe-
dientiam Christus efflagitat, ut neque punctum
temporis differamus, si nos aliquid necessarii ur-
gere videatur. *Te Deum laudamus.*

*Die VII. Decembris.**In Octava S. ANDREÆ Apost.**Duplex.**O 3**In II.*

In II. Nocturno.

De Sermone S. Bernardi Abbatis.

*In Vigil. S. Andr. in med.**Lectio IV.*

Quanta exultatione universæ terræ celebrandum tantæ novitatis miraculum, tam magnificum opus divinæ virtutis? Andreas homo erat similis nobis passibilis, & tam vehementi ardore spiritûs crucem scitebat, tam inaudito à sæculis gaudio tripudiabat, cum paratum sibi eminus patibulum conspexisset. O crux, inquit, diu desiderata, & jam concupiscenti animo præparata, securus & gaudens venio ad te, ita ut & tu exultans suscipias me. Videtis, quia non se capit præ magnitudine gaudii, ita, inquit, ut & tu exultans. *R. Homo Dei.*

Lectio V.

Ergone tanta est exultatio, ut exultet & ipsa crux, nec lethi quicquam habeat, sed totum lætitiæ sit? Aut quis dicat minus, contra consuetudinem, supra rationem; ultra, naturam; crucifixum exultare, quam crucem: illi sensum lætitiæ natura negavit, huic, si quid prævalet gaudium omne exterminat, ingeritque dolorem. Fratres, ignis vibrans est, non lingua loquens, & si lingua, certè ignea est. Carbores sunt ignis illius, quem de excelsō Christus miserat in ossibus ejus. Atque utinam desolatorii nobis sint, consumentes, & exurentes quicquid in nobis est carnalis affectionis. *R. O bona crux.*

Lectio

Lectio VI.

Planè, beate Andrea, granum sinapis est fides tua, quæ tam insperatum, ubi teri cœpit, cœpit ex se proferre fervorem: quid si paulò amplius tereretur? Quis fervorem illum animus, quis verba illa sustinere posset auditus? Terendum eum putat Ægeas crucis supplicium minitans, sed non est ità. Accenditur magis in verbo hoc, & liberè clamat: Ego si patibulum crucis expavescerem crucis gloriam non prædicarem. Meritò proindè crucis amatorem venerantur, quicumque sunt servi crucis: sed ab his ampliorem jure devotionem exigit, qui specialius proposuerunt tollere crucem suam. *R. Expandi manus.*

In III. Nocturno.

Lectio sancti Evangelii secundum Matthæum.

Lectio VII.

IN illo tempore: Ambulans Jesus juxta mare Galileæ, vidit duos fratres, Simonem, qui vocatur Petrus, & Andream fratrem ejus, mittentes rete in mare. Et reliqua.

De Homilia Venerabilis Bedæ Presbyteri.

circa med.

Congruè de piscatoribus piscium, piscatores hominum facere voluit, quia sicut officium est piscatoris navem ascendere, retia manibus tenere, & de profundis gurgitibus pisces ad littus trahere: sic isti in gremio Ecclesiæ recepti navem fidei ascendentes, retia prædicationis in verbo, & opere habentes de amarissimis, & tenebrosis mun-

di gurgitibus multos homines ad veram lucem traxerunt, Vide Beatum Andream in Achajare-tia in manibus tenentem, & multos pisces spiritaliter capientem. Non solum enim tota civitas, sed etiam tota regio credidisse legitur, sicut ipse ait: Christus me misit ad istam provinciam: ubi non parvum populū acquisivi. *R. Oravit sanctus.*

Lectio VIII.

Sed libet intueri, quod non frustra Dominus in prima sua vocatione quatuor discipulos elegit, quaternarius enim numerus perfectus est, & in suis partibus divisus, perfectionem significat: vel propter quatuor principales virtutes, nempe prudentiam, temperantiam, fortitudinem, & iustitiam. Has virtutes non solum in numero, sed etiam in nominibus isti discipuli significant. Petrus enim, qui à quibusdam agnoscens interpretatur, prudentiam significat. Andreas, qui virilis interpretatur, fortitudinem significat: quam virtutem non solum in nomine, sed etiam in opere habuit, quia in fide recta usque ad passionem viriliter perseveravit, in tantum, ut etiam, cum duceretur ad crucifigendum, videns crucem cum gaudio diceret, Salve crux pretiosa. *R. Videns Crucem.*

Lectio IX.

Per Jacobum, qui interpretatur supplantator, iustitia designatur, quæ iniquitatem supplantare, & æquitatem novit diligere: & Joannes qui interpretatur gratia Dei, vel in quo est gratia, temperantiam designat, quæ alio nomine discretio

voca-

vocatur, & est mater omnium virtutum. Cùm ergò Dominus in prima sua vocatione quatuor discipulos suos elegit, in ipso numero nobis innouit; quia si ejus discipuli esse volumus, has quatuor virtutes habere debemus. *Te Deum.*

Die VIII. Decembris.

IN FESTO

CONCEPTIONIS

B. Mariæ Virg. *Duplex.*

Omnia ut in Breviario, cum com. feria Advent.

Die IX. Decembris.

Secunda Die.

Infra Octav. Concept. B. M. V.

In II. Nocturno.

De Sermone S. Augustini Episcopi. :

Serm. 18. de Sanctis, in medio.

Lectio IV.

EXultat Maria, & matrem se læta miratur, & de Spiritu sancto se peperisse gaudet: nec quia peperit innupta, terretur: sed quia genuerit, cum exultatione miratur. O foemina super foeminas benedicta, quæ virum omninò non novit, & virum suo utero circumdedit! Circumdat virum Maria, Angelo fidem dando; quia Heva perdidit virum, serpenti consentiendo. O felix obedientia! ô insignis gratia! quæ dum fidem humiliter
 O s dedit,

dedit, coeli in se opificem corporavit! Hinc promeruit gloriam, quam ipsa postmodum auxit. Ecce, ait, ex hoc beatam me dicent omnes generationes.

℞. Conceptio gloriosæ Virginis Mariæ ex semine Abrahæ, ortæ de tribu Juda, clara ex stirpe David: * Cujus vita inclyta cunctas illustrat Ecclesias. ✕. Hodie concepta est beata Virgo ex progenie David. Cujus vita.

Lectio V.

O Beata Maria, quis tibi dignè valeat jura gratiarum, ac laudum præconia rependere, quæ singulari tuo assensu mundo succurristi perditio? Quas tibi laudes fragilitas humani generis persolvat, quæ solo tuo commercio recuperandi aditum invênit? Accipe itaque quascunque exiles, quascunque meritis tuis impares gratiarum actiones: & cum susceperis vota, culpas nostras orando excusa. Admitte nostras preces intra sacrarium exauditionis, & reporta nobis antidotum reconciliationis.

℞. Cum jucunditate Conceptionem Beatæ Mariæ celebremus: * Ut ipsa pro nobis intercedat ad Dominum Jesum Christum. ✕. Corde & animo Christo canamus gloriam in hac sacra solemnitate præcellæ Genitricis D E I Mariæ. Ut ipsa.

Lectio VI.

Sit per te excusabile, quod per te ingerimus: fiat impetrabile, quod fida mente poscimus. Accipe

cipe, quod offerimus, redona quod rogamus, excusa quod timemus: quia tu es spes unica peccatorum. Per te speramus veniam delictorum; & in te, beatissima, nostrorum est expectatio premiorum. Sancta Maria, succurre miseris, juva pusillanimes, resove flebiles, ora pro populo, interveni pro clero, intercede pro devoto foemineo sexu: sentiant omnes tuum juvamen, quicunque celebrant tuam sanctam Conceptionem.

℟. Conceptio tua, Dei Genitrix Virgo, gaudium annuntiavit universo mundo: * Ex te enim ortus est sol justitiæ, Christus Deus noster: Qui solvens maledictionem, dedit benedictionem: & confundens mortem, donavit nobis vitam sempiternam. ✠. Benedicta tu in mulieribus, & benedictus fructus ventris tui. Ex te. Gloria. Qui solvens.

In III. Nocturno.

Lectio sancti Evangelii secundum Matthæum.

Lectio VII.

Liber generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

Homilia S. Hieronymi Presbyteri.

Lib. I. Coñment. in Matth. in initio.

IN Isaia legimus: Generationem ejus quis enarrabit? Non ergo putemus, Evangelistam Prophetæ esse contrarium, ut quod ille impossibile dixit effatu, hic narrare incipiat: quia ibi de genera-

neratione divinitatis, hic de incarnatione est dictum. A carnalibus autem cœpit, ut per hominem, Deum discere incipiamus. Filii David, filii Abraham. Ordo præposterus, sed necessario commutatus. Si enim primùm posuisset Abraham, & postea David, rursus ei rependendus fuerat Abraham, ut generationis series texeretur.

R. Beatam me dicent omnes generationes: *
Quia fecit mihi Dominus magna, qui potens est, & sanctum nomen ejus. *ψ.* Et misericordia ejus à progenie in progenies timentibus eum. Quia fecit.

Lectio VIII.

I Deo autem cæteris prætermisissis, horum filium nuncupavit; quia ad hos tantum facta est de Christo repromissio. Ad Abraham: In semine, inquit, tuo benedicentur omnes gentes, quod est Christus. Ad David: De fructu ventris tui ponam super sedem tuam. Judas autem genuit Phares & Zaram de Thamar. Notandum, in genealogia Salvatoris nullam sanctarum assumi mulierum, sed eas quas Scriptura reprehendit: ut qui propter peccatores venerat, de peccatoribus nascens, omnium peccata deleret. Unde & in consequentibus Ruth Moabitis ponitur, & Bethsabée uxor Uriæ.

R. Felix namque es sacra Virgo Maria, & omni laude dignissima: * Quia ex te ortus est sol justitiæ, * Christus Deus noster. *ψ.* Ora pro populo, intérvieni pro clero, intercede pro devoto sce-

to foemineo sexu: sentiant omnes tuum juvenem, quicumque celebrant tuam sanctam Conceptionem. Quia. Gloria. Christus.

Lectio IX.

JAcob autem genuit Joseph. Hunc locū objecit nobis Julianus Augustus de dissonantia Evangelistarū, cur Evangelista Matthæus Joseph dixerit filium Jacob, & Lucas eum filium appellārit Heli: non intelligens consuetudinem Scripturarū; quod alter secundum naturam, alter secundum legem ei pater sit. Scimus enim hoc per Moysen, Deo jubente, præceptum, ut si frater aut propinquus absque liberis mortuus fuerit, alius accipiat uxorem, ad suscitandum semen fratris vel propinqui sui. Joseph virum Mariæ. Cum virum audieris, suspicio tibi non subeat nuptiarum: sed recordate consuetudinis Scripturarum, quod sponsi viri, & sponsæ vocentur uxores. *Te Deum.*

In Laudibus fit commemor. Feria; cui in Vesperis additur S. Melchiadis Papa & Martyrū.

Die X. Decembris.

Tertia Die.

Infra Octavam. Semiduplex.

Cum Com. fer. & S. Melchiadis P.M.

In II. Nocturno.

Sermo S. Bernardi Abbatis.

Lectio IV.

NOVum fecit Dominus super terram, ut mulier circumdaret virum, nec alium, quàm Christum,

stum, de quo dicitur: Ecce Vir, Oriens nomen ejus. Novum quoque fecit in cœlo, ut mulier sole appareret amicta. Denique & coronavit eum, & vicissim ab eo meruit coronari. Egredimini filiæ Sion, & videte Regem Salomonem in diademate, quo coronavit eum Mater sua. Verùm hoc aliàs. Interim sanè ingredimini magis, & videte Reginam in diademate, quo coronavit eam Filius suus in capite, inquit, ejus corona stellarum duodecim. *R. Conceptio gloriosa.*

Lectio V.

Dignum planè stellis coronati caput, quod & ipsi longè clariùs micans, ornet eas potiùs, quàm ornetur ab eis. Quidni coronent sidera, quam sol vestit? Sicut dies verni circumdabant eam flores rosarum, & lilia convallium. Nimirùm læva Sponsi sub capite ejus, & jam dextera illius amplexatur eam. Quis illas æstimet gemas, quis stellas nominet, quibus Mariæ regium diadema compactum est? *R. Cum jucunditate.*

Lectio VI.

Quid ergo sidereum micat in generatione Mariæ? Planè quòd ex Regibus orta, quòd ex semine Abrahæ, quòd generosa ex stirpe David. Si id parum videtur: adde, quòd generationi illi, ob singulare privilegium sanctitatis, divinitùs noscitur esse concessa: quòd longè ante eisdè patribus cælitùs repromissa: quòd mysticis præfigurata miraculis: quòd oraculis prænuntiata prophetis. Hanc enim sacerdotalis virga, dum sinè radice floruit: hanc Gedeonis vellus, dum in medio sicca

area

area maduit: hanc in Ezechielis visione Orientalis porta, quæ nulli unquam patuit, præsignabat.

R. *Conceptio tua.*

In III. Nocturno.

Lectio sancti Evangelii secundum Matthæum.

Lectio VII.

Liber generationis Jesu Christi, filii David, filii Abraham. Abraham genuit Isaac, Isaac autem genuit Jacob. Et reliqua.

Homilia Sancti Hilarii Episcopi.

Comment. in Matth. c. I.

Non refert, quis in originis numero, atq; ordine collocetur, dummodo univerforum familia cepta esse intelligatur ab uno. Itaq; cum ejusdem tribus sint Joseph, & Maria, dum profectus esse ex Abrahæ genere Joseph ostenditur, profecta quoque docetur & Maria. Hæc enim in lege ratio servata est, ut, si mortuus sine filiis familiæ princeps fuisset, defuncti uxorem posterior frater ejusdem cognationis acciperet, susceptosq; filios in familiam ejus, qui mortuus esset, referret: maneretq; ita in primogenitis successionis ordo, cum patres eorum, qui post se nati essent, aut nomine haberentur, aut genere. R. *Beatam.*

Lectio VIII.

Sequens illud est, ut, quia diximus secundum rerum fidem generationis istius ordinem, nec numero sibi, nec successionem constare, hujus quoque rei ratio afferatur. Non enim levis causa est, ut aliud narratione sit, aliud fuerit in gestis; & aliud
refe;

referatur in summa, aliud verò teneatur in numero. Namq; ab Abraham usque ad David, quatuordecim generationes numeratæ sunt: & à David usque ad transmigrationem Babylonis, in quibusdam libris decem & septem deprehenduntur. Sed in hoc non mendacii, aut negligentiae vitium est; tres enim ratione præteritæ sunt. Nam Joras genuit Ochoziam, Ochozias verò genuit Joam, Joras deinde Amaziam, Amazias autem Oziam: & in Matthæo Joras Oziam genuisse scribitur: cum quartus ab eo sit: Hoc ita, quia ex gentili sæmina Joras Ochoziam genuit, ex Achab scilicet, qui Jezabel habuit uxorem. *R. Felix namq;.*

Lectio IX.

DEnique per Prophetam non nisi quarta generatione in throno regio Israël is quemquam de domo Achab esse sessurum dicitur. Purgatâ igitur labe familiæ gentilis tribûs; quæ præteritis jam regulis, in quarto generationum consequentium ordine numeratur, & usq; ad Mariam generationes quatuordecim esse scribuntur, cum in numero decem & septem reperiantur, nullus error esse poterit scientibus, non eam solùm esse Domino nostro Jesu Christo originem, quæ cæpit ex Maria: sed in procreatione corporea, nativitatis æternæ significantiam comprehendere. *Te Deum.*

Die XII. Decembris.

Quinta Die.

Infra Octavam Semidupl. Com. fer.

In II.

In II. Nocturno.

Ex lib. S. Epiph. Ep. *adversus hæreses. Lectio IV.*

BEata Mater Dei Maria per Evam significatur, quæ per ænigma accepit, ut mater viventium vocetur. Illa etenim mater viventium vocata est, etiam postquam audivit: Terra es, & in terram reverteris, post transgressionem, & mirum est: quod post transgressionem hoc magnum cognomen habuit. Et quod quidem pertinet ad rem sensibilem, ab illa Eva omnis hominum generatio deducta est in terra: hic autem verè à Maria hæc vita mundo genita est, ut viventem gigneret, & fieret Maria mater viventium appellata est. *℟.*

*Conceptio gloriosa.**Lectio V.*

EVæ datum est operire corpus sensibile propter nuditatem sensibilem: Mariæ verò datum est à Deo, ut pareret nobis Agnum & ovem, & ex gloria ipsius Agni, & ovis fieret nobis velut à vellere in sapientia per virtutem ipsius indumentum incorruptibilitatis. Eva etiam mortis causa facta est hominibus: per ipsam enim mors ingressa est in mundum. Maria verò causa vitæ, per quam genita est nobis vita, & per hanc Filius Dei advenit in mundum: & ubi abundavit peccatum, ibi superabundavit & gratia: & unde illata est mors, illinc processit & vita, ut vita pro morte fieret qui per mulierem nobis vita factus est, mortem ex muliere inductam excluderet. Et quoniam illic Eva, cum adhuc esset virgo, per inobedientiam transgressa est: è contrario per Virginem obedi-

entia gratiæ facta est, annuntiatio adventu in carne de cœlo, & vita æterna. *R. Cum iucunditate.*

Lectio VI.

DE Maria accipitur (licet mihi hoc dicere) quod scriptum est de Ecclesia: Relinquet homo patrem suum & matrem suam, & adhærebit uxori suæ: & erunt duo in carne una. Sanctus autem Apostolus dicit: Mysterium hoc magnum est, ego autem dico in Christo & Ecclesia. Et vide Scripturarum accuratam dicendi proprietatem, quod de Adam quidem dixit, formavit: de Eva verò non formatam esse, sed ædificatam: Accipit enim, inquit, unam de costis ejus, & ædificavit ipsi in uxorem. Quo ostendat, Dominum quidem de Maria efformasse sibi ipsi corpus, ab ipsa verò costa ædificatam esse Ecclesiam, in eo, quod punctum & apertum est ipsius latus, & mysteria sanguinis & aquæ, pretia redemptionis facta sunt. *R. Conceptio tua.*

In III. Nocturno.

Lectio S. Evangelii secundum Matth. Lectio VII.

Liber generationis Jesu Christi, filii David, filii Abraham. Abraham genuit Isaac, &c.

De Homilia Sancti Joannis Chrysostomi.

Homil. 2. in Matth. post init.

Auditu quidẽ mirabile est, quod ineffalis Deus, & qui nec sermonibus explicari potest, nec cogitationibus comprehendere, Patriq; per omnia cœqualis, per Virginis ad nos venit uterum, & fieri ex muliere dignatus est, & habere progenitores David & Abraham: & quid dico, David & Abraham

ham. Etiam illas, quod magis stupendum est, iocundas, quas paulò ante memoravi. Hæc igitur audiens mente consurge, nihilq; humile suspicèris, sed potius propter hoc ipsum maximè mirare, quia cum verus, & dilectus Filius sit sempiterni Dei, etiam filius David esse dignatus est, modò ut te filium faceret Dei: servum patrem habere dignatus est, ut tibi servo patrem faceret ipsum Deum. *R. Beata me dicent.*

Lectio VIII.

Vides ab ipso statim principio, quàm læta sint hæc nuntia. Quod si ambigis de his, quæ ad tuum spectant honorem, ab iis, quæ illius sunt, etiam tuam disce credere. Quantum enim consequi potest humana ratio, multò est difficilius Deum hominem fieri, quàm hominem Dei Filium consecrari. Cum ergò audieris, quia Filius Dei, filius sit & David & Abrahæ; dubitare jam desine, quod & tu, qui filius es Adæ, futurus sis filius Dei. Non enim semetipsum ita humiliasset, nisi nos esset exaltaturus. Natus est enim secundum carnem, ut tu nascerere spiritu: natus ex muliere, ut tu desineres filius esse mulieris. *R. Felix namq;.*

Lectio IX.

Propterea duplex facta generatio est, hæc scilicet nostræ similis, illa nostram eminenter excedens. Quod enim natus ex foemina est, & nobis competit: quod verò non ex voluntate carnis, & viri, sed ex Spiritu sancto, aliam nobis sublimiorem, futuramque, & spiritu consequendam generationem promittit. Sed alia quoq; omnia ex simili diversitate constabant. Nam & baptisma profectò

tales suscepit, quod haberet quidem aliquid veteris, haberet & novi: quod enim baptizatus est à Propheta expressit vetus: quod autem descendit Spiritus, adumbravit novum. *Te Deum.*

Die XIV. Decembris.

Septima die infra Octav. Semid.

In II. Nocturno.

Ex Epistola S. Ambrosii Ep. ad Siricium Papam.

Epist. 81. al. 7. post init. Lectio IV.

DE via peruersitatis produntur dicere, Virgo concepit, sed non virgo generavit. Potuit ergo virgo concipere, non potuit virgo generare, cum semper conceptus præcedat, partus sequatur? Sed si doctrinis non creditur sacerdotum, credatur oraculis Christi, credatur monitis Angelorum dicentium: Quia non est impossibile Deo omne verbum. Credatur Symbolo Apostolorum, quod Ecclesia Romana intemeratum semper custodit & servat. Audivit Maria vocem Angeli, & quæ ante dixerat: Quomodo fiet istud? Non de fide generationis interrogans, respondit postea: Ecce ancilla Domini, contingat mihi secundum verbum tuum.

2. Conceptio.

Ex lib. S. Hieron. Presb. adversus Jovinian. Lectio V.

Christus virgo, mater virginis nostri virgo perpetua, mater & virgo; Jesus enim clausis ingressus est ostiis: & in sepulchro ejus, quod novum, & in petra durissima fuerat excisum, nec antea quis, nec postea positus est. Hortus conclusus, fons signatus: de quo fonte ille fluuius manat juxta Joël, qui irrigat torrentem vel feniculum, vel spinarum: fenum peccatorum, quibus ante alligabamur: spinarum, quæ suffocant sementem patrisfamilias. Hæc est porta orientalis, ut ait Ezechiel, semper clausa, & lucida, operiens in se, vel ex se proferens sancta sanctorum; per quam sol justitiæ, & Pontifex noster secundum ordinem Melchisedech ingreditur, & egreditur. *R. Cum jucunditate.*

Ex

Ex lib. S. Irenæi Ep. & M. *Advers. hares. l. 5. c. 9.*

Lectio VI.

IN sua propria veniente Domino, & sua propria bajulante conditione, quæ bajulatur ab ipso, & recapitulatione ejus, quæ in ligno fuit inobedientiæ: per eam, quæ in ligno est, obedientiam faciente, & seductione illa soluta, quæ seducta est malè illa, quæ jam viro destinata erat, virgo Eva: per veritatem evangelizata est benè ab Angelo jam sub viro virgo Maria. Quemadmodum enim illa per angelicum sermonem seducta est, ut effugeret Deum, prævacaricata verbum ejus: ita & hæc per Angelicū sermonem evangelizata est, ut portaret Deum, obediens ejus verbo. Et sicut illa seducta est, ut effugeret Deum, sic hæc svasa est obedire Deo, uti virginis Evæ virgo Maria fieret advocata. Et quemadmodum adstrictum est morte genus humanum per virginem; solvatur per virginem; æquā lance disposita virginalis inobedientia, per virginalem obedientiam. *R. Conceptio tua.*

In III. Nocturno.

Lectio sancti Evangelii secundum Matth. Lectio VII.

Liber generationis Jesu Christi, filii David, filii Abraham. Abraham genuit Isaac, Isaac autem genuit Jacob. Et rel.
De Homilia S. Joannis Chrysostomi.

Cujus verò rei gratiā librum ipsum generationis Christi vocat, ubi non sola utiq; generatio, sed tota prorsus, ipsius mysterii dispensatio continetur? Quia totius scilicet dispensationis caput, radix atq; principium omnium nobis in hoc consistit bonorū. Ut enim Moyses librum cœli appellavit, ac terræ, cum certè non de cœlo solum, terræ, que loqueretur, sed de cunctis, quæ inter ipsa subsistunt: ita etiam Evangelista ab ipso omnium fonte, & capite bonorum, librum vocavit. *R. Beati.*

Lectio VIII.

Qua verò de causa non eum ante filium Abraham, & postea filium David nuncupavit. Non, sicut opinantur aliqui, ab inferioribus volens ad superiora conscendere, ceterū

fecisset, quod fecit & Lucas; nunc autem è contrario facit: Cur ergò commemoravit priorem David? Quia ipse procùl dubiò in omniù vocabatur ore, ob insigne honoris & gloriæ, ob ipsius quoq; temporis spatia iunctiora. Et si enim utriq; promiserat Deus; sed tamen illud quasi antiquum reticebatur: hoc verò quasi novum, & recens ab omnibus celebrabatur. *R. Felix. Lectio IX.*

Ipsi namq; Judæi dicunt: nonnè ex semine David, & Bethlehèm castello, unde erat David, venit Christus? Nemo igitur illum filiù Abrahæ, sed omnes filium David? nominabant: qui etiam honorabiliores quosq; de sanctitate Reges, qui post David fuisse referuntur, ab illo omnes vocabant. Nec ipsi solùm, verùm etiam Deus. Nam & Ezechiel, & alii Prophetæ dicunt, David surrecturum esse, atq; venturum non de illo utiq; mortuo jam loquentes: sed de iis, qui illius virtutem erant imitaturi. Propterea igitur à notiore interim, & celebratiore persona sumit exordium, & tum demùm ad antiquiorem recurrit parentem. *Tè Deum laudamus.*

Die XV. Decembris.

In die Octava Conceptionis B. V. M.

Duplex. cum Coñ. fer. & S. Eusebii Ep. M.

In II. Nocturno.

De Expositione S. Gregorii Pp. in libros Reg. In 1. Reg. 1.

Lectio IV.

Fuit vir unus de Ramathaim Sophim, de monte Ephraim. Potest hujus montis nomine, beatissima semper Virgo Maria, Dei genitrix, designari. Mons quippe fuerit, quæ omnem electæ creaturæ altitudinem, electionis suæ dignitate transcendit. An non mons sublimis Maria, quæ, ut ad conceptionem æterni Verbi pertingeret, mentorum verticem supra omnes Angelorum choros, usque ad solium Deitatis erexit? Hujus enim montis præcellentissimam dignitatem Isaias vaticinans, ait: erit in novissimis

simis diebus præparatus mons domus Domini in vertice montium. Mons quippe in vertice montium fuit, quia altitudo Mariæ supra omnes Sanctos refulsit. *R. Conceptio.*

Ex Epistola S. Leonis Papæ ad Pulcheriam Augustam.

Epist. 3. ante med. Lectio V.

Sacramentum reconciliationis nostræ ante tempora æterna dispositum, nullæ implebant figuræ: quia nondum supervenerat Spiritus sanctus in Virginem, nec virtus Altissimi obumbraverat ei, ut & intra intemerata viscera, ædificante sibi Sapientia domum, Verbum caro fieret, & forma Dei, ac forma servi in unam conveniente personam, Creator temporum nasceretur in tempore, & per quem facta sunt omnia, ipse inter omnia gigneretur. Nisi enim novus homo, factus in similitudinem carnis peccati, nostram susciperet vetustatē; & consubstantialis Patri, consubstantialis esse dignaretur & Matri: naturamque sibi nostram solus à peccato liber uniret: sub iugo diaboli generaliter teneretur humana captivitas. *R. Cū jucund.*

De Expositione S. Basilii Ep. in Isaiam Prophetam.

In cap. 8. post init. Lectio VI.

Acceffi, inquit, ad Prophetissam, & in utero accepit, & peperit filium. Quod Maria Prophetissa fuerit, ad quam proximè accessit Isaias per prænotationem Spiritus, nemo contradixerit, qui sit memor verborum Mariæ, quæ prophetico afflata spiritu elocuta est; Quid enim ait? Magnificat anima mea Dominum: & exultavit spiritus meus in Deo salutari meo: quia respexit humilitatem ancillæ suæ: Ecce enim ex hoc beatam me dicēt omnes generationes. Quod si animum accommodaveris universis ejus verbis: non utique per diffidiū negaveris eam fuisse Prophetissam, quod Domini Spiritus in eam supervenerit, & virtus Altissimi obumbraverit ei. *R. Conceptio tua.*

In III. Nocturno.

Lectio sancti Evangelii secundum Mattheum.

Lectio VII.

Liber generationis Jesu Christi, filii David, filii Abraham. Abraham genuit Isaac. Et reliqua. *De*

De Homilia S. Joannis Chrysostomi.


Duo sunt, quæ pariunt quæstionem. Unum, quæ causa sit, ut in generationum catalogo Virgo fileatur; alterum verò, qua ratione Joseph memoretur, cui certè nihil cum Christi generatione est commune. Videtur enim & unum abundare, & alterum deesse. Quid ergò dicemus; Quod utiq; primum illud necesse fuerit memorari, quemadmodum ex David Virgo descenderit. Unde hoc itaq; discemus? Audi ad Gabriel loquentem Dominum: Vade ad Virginem desponsatam viro, cui nomen Joseph, ex domo & familia David. Quid vis audire manifestius, cum ex domo & familia David illam virginem esse cognoscas? *R.*

*Beatam.**Lectio VIII.*

Non erat mos apud Hebræos generationum catalogum per sœminas texere. Ut ergò & morem custodiret, ne in ipso statim principio videretur antiqua destruere, & nobis Virginem certius indicaret; parentes ejus reticens atq; majores, de Joseph generatione non tacuit: siue enim hæc fecisset in Virgine, novitatis non effugisset invidiam; siue Joseph reticisset, non agnosceremus, ex qua tribu Virgo subsisteret. Ut ergò & nos discernereamus, quæ esset Maria, vel unde, & consuetudo legis maneret immobilis; generationum catalogum usq; ad sponsum ejus perduxit, ac de domo illum David esse monstravit. *R.* *Felix namq;*

Lectio IX.

Hoc enim declarato, illud quoq; pariter ostendit, quòd, scilicet inde esset & Virgo: quia utiq; nequaquam justus iste pateretur uxorem sibi aliunde, quam unde lex præcipiebat, eligere. Possumus verò aliam quoq; & altiorum quidem proferre rationem, ob quam parentes Virginis prætermissi sunt: sed quæ ea est. Noluit Evangelista, recenti adhuc tempore novi illius, admirandiq; partus, Judæis esse manifestum, quòd Christus natus fuisset ex Virgine. Neq; proprius noster hic sermo est; sed à nobis de Patrum, atq; insignium virorum traditione susceptus.

Te Deum laudamus.

Officium S. Gabrielis Archangeli

Dipl. majus. a S. S. Innocentio XI Regi Franc. Aug.
Imperatoris Leopoldi concessus pro die 24 Martij
Ad Vesperas.

Antiph. Ingressa Sabaia. Et ad reli. del.
Versus: in loco cultus: Caudate Dnum:

Capitulum.

Eccc vir Gabriel quem videram in
visione a principio cito volans tetigit
me in tempore sacrificij respicienti et
docuit me: et locutus est mihi et dixit.
Daniel nunc cernis ut docerem te, et
intelligeres. Hymn.

O re celorum Deus Angelorum: Geni
humanae salutis et redemptoris. Coelorum
nobis tribuas standere sedes:
Angelis, Paucis Michael in ades. Coelitus
nostris venias serena. Arcibus et
pauca lacrimosa in Oluum. Bella delictis
Angelis fortis Gabriel ut hostes pellat
antiquos. Amlua coelo. Quia triumphat
tor statuit per orbem. Tempora reuertat?

angelorum medicus salubris Adversus coelo
Michael uictor, Gabriel agrotos dubiosq
Illa singul' actus. Virgo Dile
pax Genitricis cuius Et saler nobis
Oron Angelorum Genyter asistat
simul Amicantis Regia coeli: Praestes
bonis nobis Scilicet beata Patriae Nati
sancti, Ili, Ipsi, cuius resonat per oem
Gloria mundum: Amen: V. Stetit
Angelus iuxta Aram templi: Et habens
thunibulum aureum in manu sua
Et magnificat Angelus: Ingressus
Gabriel Angelus ad Mariam Virginem
dicit: Ave gratia plena Dominus tecum:
Benedicta tu in mulieribus:

Oratio:

Deus qui inter ceteros Angelos ad
annunciandum Incarnationis tuae
mysterium Gabrielem Archangelum
elegisti: Concede propitius ut gigni festum
eius celebremus in terris, ipsius
statocinium sentiamus in coelis
Ipsi vivis et regnat:
Si celeb. An. in Quadrag. fil. com. feria:

Ad Maluhinum.
Inclatorum. Regem Angelorum In
Venite adoremus: Psalms Venite Exult
Hym. Omne eorum decus Angelorum.
Si hoc festum celebratur post pascha dicuntur res
quodam subuna in Antiph. et additur. Alleluia.
Antiph. Dixit Angelus Gabriel ad Sa-
muellem, Intellige fili hominis quoniam
in tempora finis implebitur visio: Psal.
Dixit Dominus ad Salomonem. Salomonem.
8 May. Antiph. Ecce vis Gabriel
quem videram in visione cito volans
Religuit me in tempore sacrificij vesperarum
et docuit me. Psal. In Domino Confides
Antiph. Cum Gabriel cogitaretur
ad me collapsus sum prostratus in
terram et Religuit me et Religuit me in
gradu meo: Psal. Deus quod dabitur
et Religuit Angelus iuxta aram templi
et Religuit Viburulam auream in
manu sua.
Ex Samuele Propheeta
Versio I. C. J.

2^o Ego Daniel cum ad te loquerer et
orarem, et conficerer peccata mea et
peccata populi mei Israel et proster-
nerem preces meas in conspectu Dei mei
propter iniquitatem domus domini mei: Ecce vir Gabriel
quem videram in visione a principio cito
volans tetigit me in tempore sacrificij
vespertini: Et docuit me et locutus est
mihi dicens: Daniel mihi egressus sum
ut docerem te, et intelligeres. Ab exordio
precum tuarum egressus est sermo: ego
autem veni ut indicarem tibi quia vir despi-
citurum es: tu ergo anima verte ser-
monem, et intelligere visionem:
Cum oraret Daniel et confiteretur pec-
cata sua et peccata populi sui: Ecce
archangelus Gabriel cito volans tetigit
eum in tempore sacrificij vespertini
et: Cum prosterneret preces suas
in conspectu Dei sui: Ecce archang.
Cecilio Wa.

Septuaginta hebdomades abbreviatas
super populum huic et super urbem istam
habendam ut consumatur invariancio et finem
auxilii perveniam et deleatur iniquitas et
adveniat justitia sempiterna et impleatur
ipsis et prosperitas et ungatur sanctis secundum
scriptum ergo et animadvertite ab ecclesia sermo
nis ut iterum edificetur. Ierusalem usque ad
Christum ducent septuagades septem et hebdo
mades sexaginta duas erunt et rursus
edificabitur platea et murus in angustia
temporum. Et locutus est Gabriel Danieli
et dixit: ab exordio precum harum egres
sus est sermo: Ego autem veni ut indicarem
tibi quia vis depreciorum es. V. Tu autem
animadvertite sermonem et intellige vi
sionem: Ego autem veni.

Leccio 3a

Quod hebdomades sexaginta duas or
dinetur Christus et non erit ipse populus qui
cum negaturus est: et civitatem et sanc
tuarium dissipabit populus cum filio
Venturo: et omnis eius veritas et gloria

nem belli claudita Desolatio. Confirmabit
am pactum multis hebdomada una. Et
Dimidio hebdomadis desiet hostia et sacri-
ficium: Et erit in templo abominatio deso-
lationis usque ad consumationem et finem
perferabit Desolatio. Et ecce vir
Gabriel quem videram cito volans lehti-
me in tempore sacrificij vesperini et voca-
me et dixit: Daniel nunc egressus sum
ad docendum te et intelligeres. Et Gabriel
fecit me intelligere istam visionem: et veni
et stetit iuxta ubi ego stebam et ait ad
me. Daniel: Gloria: Daniel!

In Do. Vespurno:
Anghel. Gabriel Angelus apparuit
Zacharia dicens. Vxor tua Elisabeth
pariet tibi filium et vocabis nomen ejus
Joannem. Et ait: Coeli enarrant:
Anghel. Et dixit Zacharias ad Angelum
unde hoc sciam? ego enim sum senex et
uxor mea processit in diebus suis. Et ait
Eni i Terra:

ma
Et
Iac
de
nem
vir
ch
D
sum
miel
Iven
it ad
v
B
m
l:
clum
et
p
In hys respondens ad Angelum dixit ei: Ego
sum Gabriel qui ad te ante Deum, et missus
sum loqui ad te. Nunc tibi evangelizare
scilicet: Benedicam tui: et ascendi
fumus aromatum in conspectu Domini
De manu Angeli
Sermo S. Bernardi Abbatis in hom.
De laud. Virg. super missas: Terria pta
Missus est Angelus Gabriel a Deo: non ar
bitror dunc Angelum de minoribus esse qui
qualibet in caa crebra soleant ad letora
pungi legatione: quod ex eius nomine patet
patet intellegi datur: quod interpretatur
Fortitudo Dei dicitur: Alia non debet
alio forte excellentiore se: ut absoluit
Spiritus sed ab ipso Deo nulli pertinetur: propterea
hoc ergo positum est a Deo vel ides dictum
est a Deo: ne cui vel beatorum Spirituum
hunc: Serus antequam Virgini revelasse
putetur constatum excepto dicitur a
Archangelo Gabrieli: Cuius tanta
inter suos inveniri poterit excellentia
ullat et nomine digni haberetur
nuncius: Factum est,

nūc Sacerdotio fructu cher Zabarrias
in ordine vicis sui ante Deum Apparuit
ei Angelus Gabriel stans a dextera alba
ris incensum N. Cūq; ingressus in templum
In incensum poneret Cum consuevit
Ordinem Sacerdotij sui: Apparuit ei:

Lecho Pla

Nec discordat nomen a merito: Sci
quippe virtutem Dñm quem melius
nūciare decebat qm dñe quem simile
nomen honorat? Nunquid aliud
fortitudo qm virtus? n' am dedecus aut
inrogatorium vocatur Dñm a minis
comuni exferri vocabulo: cū similes
caſſ. Aliter quippe Chy fortitudo vel
virtus dei dicitur aliter Angelus. An
gelus enim tm nunciatus; Chy am
cham substantia: Et Descendit Ga
briel Angelus ad Zabarrianam dicens:
N' timeas quoniam exaudita ē depre
catio tua et uxor tua Elisabeth pariet
lib filium, et vocabij nomen eius

Joannem. V Et Saccarias herbarius est
videns et timet irruere super eum: ait
autem ad illum Angelus. Ne timeas:

Lecho. 64

Orus Dei virtus et dicitur et est quia
forti armato qui suum adriem in pace
custodie solent fortiori exequens
ipsum suo tractu debellavit et sic ea
vafa captivitate potenter eripuit. An-
gelus vero fortitudo Dei appellatus est, vel
quod huiusmodi meruerit prerogativam
officii quo eundem nuntiaret adventum
virginitatis vel quod virginem nostram parvam
simplicem verendam non mirabili no-
vitate cognoscere, confortare debere.
quod et fecit. Ne timeas inquit Maria
invenisti enim gratiam apud Deum. Con-
venienter itaque Gabriel ad hoc opus
elegitur: immo quia tale illi negotium
invenitur. Redi tibi nomine desis-
natur. R. Ego sum Gabriel

qui adde ante Deum: Amicus sum loqui
tate et hac evangelizant: Ecce crista
cent et non poteris loqui ut in diem quo
huc fueris. V. Propter quod non credidisti veris
meis quas implebuntur de tempore suo: Ecce
enim faciens. Gloria Patri. Petens:

In 3^o Nocturno:

Antiph. Misus est Gabriel Angelus ad
Mariam Virginem desponsatam Joseph
ps. Cantate Dño:

Antiph. Gabriel Angelus Mariam dixit
tue Elisabeth cognata tua et ipsa
concepit filium in senectute sua ps.
Gloria in excelsis Deo:

Antiph. Suscipe Verbum Virgo Maria
quod tibi a Dño per Angelum Gabrielem
transmissum est: ps. Benedicite a domino Dño:

V. In conspectu Angelorum psallam
tibi benedixit meus. R. Adorabo ad longum
plum thronum tuum et confitebor no
mini tuo.

Lectioni illi Evangelij dum Lucas

Lectioni Ra

In illo tempore: missus est Angelus Gabriel
ad beatam Virgalem Saluda cui nomen
Nazareth ad Virginem desponsatam viro
cui nomen erat Ioseph de domo David.
A nomen Virginis Maria. Et reliqua
familia de Iuliani Archidiaconi Toletani.
Libri et contra Iudeos dalmatibus penitenciam
Sacerdotum illud septuaginta debet
mandatum de Christi Virginitate Daniel per
Angelum didicit: Simpliciter et Barbara
apparente sibi Angelo Joannem filium de
se generandum audire: Et Maria Angelo
sibi predicanti Cum ea se nascendum et
credidit Assensit: Accipit per Angelum
dicta et completa videmus Jam quod solliciti
intuendum est utrum Angelus iste qui Barbara
et Maria apparuit ipsi quoque Danieli illa
predicant. Et Missus est Gabriel Angelus
ad Mariam Virginem desponsatam Ioseph.
et exprobravit Virgo de lumine: Vt timeas
Maria invenisti enim gratiam apud Deum.
ecce concipies et paries et vocabitur alius
filius Vt cum audisset heralda

ē in sermone ipis et cogitabat qualis eēt
illa salutatio: et ait Angelus ei dicens: Inceas.

Ecce hō
Quod em ipse Daniel in prophetia sua vo-
camine quādo illa semela hebdomadarum
de omni nativitate per Angelum futura
cogavit; hic ipse Angelus nomen eidenter
cognovit. dicit enim, Ecce vir Gabriel quem
videram in principio citō videns lesigis
me et dixit: Daniel animadvertes sermo-
nem et reliqua quae ibi commemorantur. Item
his temporibus ipsum Evangelium Angelus ipse
nomen manifestum sibi invenit et expressum.
dicit enim idem Angelus Zacharia: Ego sum
Gabriel qui ad deo ante Deum et missus
sum loqui ad te et hūc libi evangelizare.
Regauda Maria Virgo cunctas barbares
sola inderemisti. Quia Gabrielis Avdā
geli dicti credidisti dum Virgo Deum
et Doctrinā genuisti et post partum Virgo
immacolata permansisti. **V** Benedicta
tu in mulieribus et benedicti fructus
ventris tui. Ave Gabrielis Gloria.
Lara Gabrielis.

et
nece:

a' vo
rum
na

Donter
quep
gis

ams
Hem

ipij
frum

sfan
ifis

gan
refes

riban
um
irgi
ula
thys

Nona lectio de feria oct. nisi transferatur post
pascha qd hinc dicitur sequens.
Lectio gra

Quod etiam de Dⁿⁱ Virginis partu sic in
codem Evangelio legitur: Messias est, inquit
Angelus Gabriel a^o fecit in ciuitatem Galilee
cui nomen Nazareth ad Virginem desponsatam
viro cui nomen erat Ioseph de domo Dauid
Anomen Virginis Maria. Iam ergo manifestu
est qd unus idemq Angelus Gabriel fuit
qui et praefixa illa tempore Danieli de Chⁿⁱ
Nabuchodonosor aperuit et partum Virginis
parvulum esse monstravit. Ad tempus itaq
praefixum occurrunt et olim a se dicta operis
efficientia completa esse convincunt et illi
fidei in prophetia de domadaru et sic
fidei per mysterium revelationis.

Te Deum a^o audam.
Ad laudes et per Gloria.
Anhyp. Ingresso Zacharia templum
Dⁿⁱ apparuit ei Gabriel Angelus stans
a^o dextis altaris incensi: ps. Dⁿⁱ Regni.
Anhyp. Ait a^o Angelus. Ne timeas
Zacharia quoniam exaudita est de
precatio tua:

Angelus. Ego sum Gabriel Angelus qui ad te
ante Jerem. et missus sum loqui ad te
Angelus. Gabriel Angelus, salutem Mariam
creans. Tu conipies in utero et paries
filium: et vocabis nomen eius Jerem.
Angelus. Quia an Maria tu Angelum.
Quod scis istud quoniam virum non cognoscis.
Et respondens Gabriel Angelus dixit:
Quis de super venies in te et visus ab
Ultimi et umbrabilis huius.

Capitulum . Dan. 9.

Ece vi Gabriel quem videram in vi-
sione a principio. Cito volans lenigis
me in tempore. Sacrificij vesperant; et
docuit me. Et locutus est mihi et dixit:
Daniel super egressus sum ut docerem
te. Et intelligeres. Hymnus.

Placare Domine servulij quibz Prius et Emē
pham tuam ad tribunal quādo: Patrona
Virgo postulat. Et vos Beata per nova
Fiducia Gyros agmina. Antiqua cum
prosentibus Futura damna pellite.
Auferte gentem perfidam credentium
de finibz Vltimis ois apicium
Dile nos Pastor regat.

De Patris filio gloria. Volo. In's unio
Silo simul Paraceto, In sempiterna
Saecula. Amen. V. Stetit Angelus, iuxta
Aras Templi. R. Habens Vultum
aureum in manibus suis.

Ad Benedictus.
Gabriel Angelus descendit ad Saba-
niam illi: Vxor tua pariet tibi filium
et vocabis nomen eius Ioannem et
multi in Aeternitate eius gaudebunt:
eius enim pariet ante faciem Domini
parare vias eius: Ordo Ies qui int' etc
et post eum. Senial' h' celebratur in quadage:

Ad Terham.
 Indit. Ad am. Eus vir Gabriel.
 R. Stetit angelus: iuxta aram templi
 Relit. V. Stabat virginitas aurea
 in manu sua. Iuxta: Gloria Patri: Relit.
 V. Ascendit fumus aromatum in cor
 spectu Dni: R. De manu angeli;
 Ad Sextam.


Ad Sextam,
Inq[ui]t. Ego sum Gabriel
Capitulum Jan 9.


Et an veni ut indicarem tibi quia Ves de
fratiorum es: Septuaginta Bedomades
abbreviata sunt ut finem accipias peccata
et misceatur eis et propitius duntaxat
etiam et eorum. R. Ascendit fumus
aromatum: In conspectu dñi ascendit
N. de manu Angeli In conspectu: Gloria:
Ascendit. V. In conspectu Angelorum
psallam tibi Deus meus R. adorabo
ad templum istum tuum et confitebor
nomini tuo.


Nonam
Antiph: Gaude am. Maria:

Capitulum Jan. 9.
Scito ergo et animadvertite ad carum
sermonem ut iterum edificetur Iherusalem
usq. ad Brum suam Bedomades
septem Bedomades sexaginta dies
erunt. R. In conspectu Angelorum
psallam tibi Deus meus In conspectu N
adorabo ad templum istum tuum et
confitebor nomini tuo. Gloria Pri:
In conspectu N. Adorabo Deus R.
Omnes Angeli eius.

Venerabilis de Annun: BV M: sine Com: S Gabrielis
et Ann: e diepl: V: Celsus ubi est in: Brimia Indord.
hi fil Com: fena: Qd p: festum BV: An: trans perat
huc in: BV: Vex: S Gabrielis cia ubi in lms d: Cio ullis
Confitebor in toto corde A N Inconspicue
Angelorum psallam hibi deus meus. Qd dona
Co d: temples fundum huius et confitebor
nomini tuo: ~~Ad~~ Magnificat
An: h: S: Gabriel Angelus ait ad
Mariam. Non est impossibile apud
Deum omne Verbum. Dixit am Maria
Ecce ancilla dni hanc mihi idem Verbis
huius et dixit ab ea Angelus.
Proo ultima: Notandi in:







300

342 339

25X/30

